



Broj: 02-05-1-1012/18
Datum, 27.04.2018.godine

ZAPISNIK

Sa 17. sjednice Općinskog vijeća Maglaj
održane dana 27.04.2018.godine u 09,30 sati u sali
JU Dom kulture «Edhem Mulabdić» Maglaj

Predsjedavajuća OV, na osnovu člana 59. Poslovnika o radu Općinskog vijeća i zaključaka Kolegija od 17.04.2018.godine, Programa rada Općinskog vijeća za 2018. godinu i ukazane potrebe otvaram 17. redovnu sjednicu Općinskog vijeća.

Na današnju sjednicu pozvani su vijećnici iz parlamentarnih političkih stranaka SDA-a, SDP-a, SBB, DF, HDZ, Stranke za BiH, samostalni vijećnici Mustafa Buljubašić, Mustafa Bešić, Fikret Delić i Kanita Bašić.

Poziv za sjednicu i materijal dostavljeni su OSCE-u Terenski ured Travnik, sredstvima informisanja koji prate rad današnje sjednice.

Pozvan je Općinski načelnik, rukovodioci općinskih Službi, Općinska pravobraniteljica, predstavnici Javnih ustanova i Javnih preduzeća, kao i predstavnici čiji materijali će biti razmatrani na današnjoj sjednici Općinskog vijeća.

Sve vas pozdravljam i pozivam da svako na sebi svojstven način odamo dužnu počast onima koji su svoje živote ugradili u zemlju domovinu nam Bosnu i Hercegovinu i svim žrtvama rata.

Molim predstavnika Službe Općinskog načelnika i Općinskog vijeća da prozvikom vijećnika utvrdimo broj vijećnika na 17. redovnoj sjednici Općinskog vijeća.

Današnjoj sjednici Općinskog vijeća prisustvuje 25 vijećnika.

Konstatujem da Općinsko vijeće može punovažno raditi i odlučivati i donositi odluke, zaključke i rješenja. Ovim je ispoštovan član 88. Poslovnika o radu Općinskog vijeća Maglaj.

Na današnjoj sjednici izvršit ćemo verifikaciju zapisnika sa 16. redovne sjednice Općinskog vijeća.

Da li ima primjedbi na zapisnik sa 16. redovne sjednice?

Jednoglasno je verifikovan zapisnik sa 16. sjednice Općinskog vijeća.

Otvaram raspravu po pitanju dnevnog reda. Da li ima prijedloga za proširenje dnevnog reda?

Vijećnica Svjetlana Zamboni, na sjednici Kolegija, imali smo već pretpostavki da će dnevni red za današnju sjednicu Općinskog vijeća biti proširen. Mislim da će Općinski načelnik nešto kazati o prijedlozima koji se tiču tog resora, a ja moram predložiti da u dnevni red ove sjednice uvrstimo dokumente koje je pripremila Služba Općinskog načelnika i Općinskog vijeća, naime radi se o Odluci o razrješenju člana OIK-a gospođe Antolović Dragice kojoj je istekao mandat, i prijedlog Rješenja o imenovanju sekretara OIK-a kako je to već dogovoreno na 14. Sjednici Općinskog vijeća kada smo usvajali Izvještaj OIK-a, tada smo i konstatovali da će za izborni period OIK imati i sekretara kao što je to bilo i do sada u praksi, te predlažem uvrštavanje ove dvije tačke dnevnog reda. Predlažem da ove dvije tačke uvrstimo prije razmatranja Izvještaja o radu JU i JP kako bismo to imali završeno.

Općinski načelnik, predlažem određene dopune dnevnog reda. Prije nekoliko dana sam imao sastanak sa grupom naših sugrađana koji žive u neposrednoj blizini bivšeg kombinata „Borik“, gdje je sada firma „Transey“ dogovorili smo se da predložimo Općinskom vijeću jednu informaciju o dešavanju i kretanju vezano za dobijanje urbanističke i građevinske dozvole firmi „Transey“ za izgradnju pogona za proizvodnju peleta i pilane, o čemu ćete dobiti više informacija i dio vijećnika zna od ranije za ove informacije. Predlažem da to bude 1. Tačka dnevnog reda da ne zadržavamo goste. Također znate da je Općinsko vijeće donijelo zaključak da Općinski načelnik sa predstavnicima boračkih udruženja predloži jednu Odluku o dodjeli sredstava sa transfera boračkih organizacija koji su planirani za rad boračkih organizacija/udruženja u Budžetu Općine Maglaj za 2018. godinu i predložio bih kao tačku dnevnog reda Informacija o stavu Ministarstva pravde vezano za Odluku o mjesnim zajednicama koju je donijelo Općinsko vijeće. Dakle, predlažem da Informacija vezana za „Transey“ bude 1.tačka dnevnog reda, a ove dvije tačke možemo staviti negdje pred kraj.

Predsjedavajuća OV, informacija o kojoj je govorio gospodin Načelnik vezano za „Transey“ ste dobili u materijalima kako dodatak materijalima, ta informacija je bila već pripremljena tako da ste mogli pretpostaviti da će to biti proširenje dnevnog reda i građani su također ovdje po istom pitanju.

Pauza za Klub SDA

Vijećnik Safet Jašić, poslije pauze stav Kluba SDA je čini nam se da je postala praksa proširenje dnevnog reda. Kada smo se ponadali, kasno zakazana sjednica u 9,30 neuobičajeno, da ćemo imati neki lagan dnevni red, ponovo se proširuje dnevni reda 4-5 tačaka što nije, što se tiče Kluba SDA, opravdano. Posebno ćemo istaći tačke za koje su se mogli dostaviti materijali na vrijeme, kao npr. Razrješenje člana OIK-a imenovanje sekretara za to smo imali vremena i znali smo da gospođi Antolović ističe mandat. Što se tiče ove dvije tačke, sve što dođe od materijala na sjednici Klub vijećnika SDA će uzeti pauzu za svaku od ovih tačaka pola sata pauze. Ne možemo razgovarati o nekim bitnim materijalima bez materijala.

Predsjedavajuća OV, u Poslovniku imamo naznačeno da pauze u principu traju 15 minuta, uz saglasnost Predsjedavajućeg.

Po pitanju ovog Rješenja i o Imenovanju sekretara OIK-a to je praktično proizašlo iz naše diskusije sa sjednice koja je održana u januaru mjesecu i ako smo se tada opredijelili da ćemo imati sekretara, mi njega moramo imenovati do otvaranja izbornog procesa, a to nam ne ostavlja baš mnogo vremena, to se mora desiti na ovoj sjednici. Po pitanju razrješenja gospođe Antolović, radi se o tome da kada smo diskutovali prošli puta o raspisivanju Javnog oglasa, mi smo napravili grešku u protokolu da nismo tada donijeli odluku o razrješenju, a trebali smo reći da je razrješavamo sa istekom njenog mandata što se neosporno. Ukoliko osporimo donošenje takvog razrješenja, samo ćemo doći u situaciju da će nam CIK poslati nalog koga i šta treba. Mislim da je bolje i u interesu ovog Vijeća da se u skladu sa Javnim oglasom koji je u toku imenuju tri člana OIK-a. Konkurs je otvoren i on teče i ne vidim razloga zašto je ne bismo i razriješili dužnosti.

Predsjedavajuća OV, zaključujem raspravu po pitanju dnevnog reda, te predlažem da se izjasnimo prvo o proširenju dnevnog reda, prijedlog Općinskog načelnika 1. Informacija vezana za firmu „Transey“ d.o.o. Maglaj, zatim imamo tačku 5 i 6. Prije razmatranja Izvještaja JU i JP, a to je 5. Odluka o razrješenju člana OIK-a Antolović Dragice, zbog isteka mandata; 6. Rješenje o imenovanju sekretara OIK-a, na samom kraju 17. Odluka o dodjeli sredstava sa transfera boračkih organizacija koji su planirani za rad boračkih organizacija/udruženja u Budžetu Općine Maglaj za 2018. godinu, te 18. Informacija vezano za akt Ministarstva za pravosuđe i upravu FBiH.

Stavljam na glasanje prošireni

DNEVNI RED

1. Informacija vezana za firmu „Transey“ d.o.o. Maglaj;
2. Prijedlog Odluke o prodaji nekretnina neposrednom pogodbom Totaj Musli, radi oblikovanja građevinske parcele;
3. Prijedlog Odluke o prodaji nekretnine neposrednom pogodbom Mašić Ševale, radi oblikovanja građevinske parcele;
4. Nacrt Odluke o radnom vremenu u određenim djelatnostima na području općine Maglaj;
5. Odluka o razrješenju člana OIK-a Antolović Dragice, zbog isteka mandata;
6. Rješenje o imenovanju sekretara OIK-a;
7. Izvještaji o radu JU Centar za socijalni rad Maglaj za 2017. godinu i Program rada za 2018. godinu;
8. Izvještaji o radu JU Dom kulture „Edhem Mulabdić“ Maglaj za 2017. godinu i Program rada za 2018. godinu;
9. Izvještaji o radu JU „Narodna biblioteka“ Maglaj za 2017. godinu i Program rada za 2018. godinu;
10. Izvještaji o radu JU „Narodna apoteka“ Maglaj za 2017. godinu i Program rada za 2018. godinu;
11. Izvještaji o radu JU Dom zdravlja Maglaj za 2017. godinu i Program rada za 2018. godinu;
12. Izvještaj o radu JP „KJD“ d.o.o. Maglaj za 2017. godinu;
13. Izvještaj o radu NO „Veterinarska stanica“ Maglaj za 2017. godinu i Odluka o usvajanju Finansijskog plana za 2018. godinu;
14. Godišnji Izvještaj o radu općinskog urbanističko-građevinskog i putnog inspektora za period 01.01. – 31.12.2017. godine i Plan rada za 2018. godinu;
15. Informacija o stepenu rizika od prirodnih i drugih nesreća sa analizom provedbe Programa razvoja zaštite i spašavanja na području općine Maglaj;
16. Informacija o stanju bezbjednosti, javnom redu i miru na području općine Maglaj za 2017. godinu;
17. Odluka o dodjeli sredstava sa transfera boračkih organizacija koji su planirani za rad boračkih organizacija/udruženja u Budžetu Općine Maglaj za 2018. godinu;
18. Informacija vezano za akt Ministarstva za pravosuđe i upravu FBiH.

Glasalo 14 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBB), Hajrudin Fermić (DF) Fikret Delić, Mustafa Bešić, Kanita Bašić samostalni vijećnici, Josip Jurišić (HDZ).

Glasalo 11 glasova protiv: Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić samostalni vijećnik.

AD – 1 - Informacija vezana za firmu „Transey“ d.o.o. Maglaj;

Fuad Hajrulahović, u sazivu materijala i usvojenom dnevnom redu dobili ste informaciju o događajima koji su se dešavali prilikom izdavanja urbanističke saglasnosti i odobrenja za izgradnju odnosno adaptaciju poslovnih prostora bivše Fabrike namještaja „Sabix“, odnosno „Borik“ Maglaj koje firma „Transey“ dobila od Ministarstva. Vi se dobro sjećate da smo mi nekoliko puta na ovim sjednicama Općinskog vijeća i na javnoj raspravi, diskutovali o firmi „Transey“ odnosno o njezinom zahtjevu i o odnosu kantonalnih nadležnih ministarstva za izdavanje urbanističke saglasnosti i odobrenja. Samo da vas podsjetim, nadležnost drveno prerađivačke industrije i prerade drveta je u nadležnosti Kantona, s obzirom da su to djelatnosti koje imaju određena zagađenja i to su djelatnosti za koje su potrebne okolinske dozvole. I pored konačnog stava Općinskog vijeća i zaključka sa javne rasprave koje je Općina Maglaj dostavila nadležnom Kantonalnom Ministarstvu za prostorno uređenje, Kantonalno ministarstvo bez saznanja Općine i bez obavještenja Općine, firmi „Transey“ Maglaj izdalo je urbanističku saglasnost za adaptaciju i rekonstrukciju postojećih proizvodnih pogona firme „Borik“, odnosno „Sabix“ Maglaj. Nakon toga isto Ministarstvo je dalo i dopunsko rješenje o urbanističkoj saglasnosti i mi smo sve to saznali slučajno iz prostog razloga što nadležno Ministarstvo smatra da Općina Maglaj nije stranka u postupku prilikom izdavanja tih rješenja. Naše mišljenje, odnosno zaključak Općinskog vijeća koje je dostavljeno njima nisu ga tretirali iz prostog razloga što kažu u Zakonu se kaže mišljenje, a Ministarstvo koje izdaje urbanističku saglasnost i odobrenje mišljenje mogu uvažiti, a i ne moraju. Nažalost to je tako. Informacija je dosta opširna nadam se da ste je uspjeli pročitati.

Mi smo i za javnu raspravu koja je bila organizovana u ovoj sali pozvali nadležno Ministarstvo oni su potvrdili svoj dolazak, međutim taj dan nisu došli iako smo ih mi dugo čekali, i na žalost taj isti dan su oni već izdali urbanističku saglasnost. Sam početak i sve radnje koje su rađene urađene su suprotno u skladu sa zaključcima građana na javnoj raspravi, suprotno sa vašim zaključcima na Općinskom vijeću i ta firma je dobila urbanističku saglasnost, dopunu i odobrenje i kako vi vidite tu se već vode određene aktivnosti na dogradnji i proširenju. Mi smo nekoliko puta pisali određene dopise, zahtjeve, molbe sugestije da se to obustavi. Načelnik je nekoliko puta bio kod nadležnog ministra i kod premijera nažalost do dan danas mi nemamo informaciju da je bilo ko šta poduzeo, čak smo tražili intervenciju nadležnih inspekcija, nadležna inspekcija općinska je izašla na teren, odradila svoj dio, uputila taj predmet na Kantonalnu nadležnu građevinsku inspekciju, građevinska inspekcija kantonalna nije po tom pitanju poduzela ništa osim jednog zapisnika koji je vrlo loše sročeno. Uglavnom tu se rade aktivnosti, mi smo čak pokušali i uputili smo jedan prigovor po saznanju II-stepenoj komisiji. Nažalost II-stepena komisija je opet kantonalna i logičan ishod. Određeni broj ljudi koje je dalo to odobrenje i urbanističku saglasnost je i u II-stepenoj komisiji i ta ista II-stepena komisija je u svom obrazloženju dala kako Općina Maglaj nije legitimni zastupnik, odnosno da nije stranka u postupku, neko ko radi na području općine Maglaj i u užem gradskom jezgri, gdje mi moramo dati saglasnost, odnosno mišljenje, a znači Ministarstvo koje vodi postupak kaže da Općina Maglaj nije stranka u postupku. Ako Općina Maglaj nije stranka u postupku, onda stvarno ne znam ko je?! Uglavnom, ovdje imate kompletan redoslijed - hronologiju kako je to sve rađeno i šta je rađeno, nažalost, aktivnosti na terenu se odvijaju i to svi vidite, pa i pored svih naših urgencija i svega tu nije ništa obustavljeno, a ja se lično bojim da neće ni biti.

Predsjedavajuća OV, gospodine Hajrulahoviću, možete li Vi sugerisati kako mi kao Općinsko vijeće možemo djelovati?

Fuad Hajrulahović, ono gdje se do sada moglo djelovati tj. ono što je mogao Načelnik, nadležne Službe, Pravobranilaštvo mi smo djelovali, međutim od tog našeg djelovanja nema rezultata. Ono što jedino može Općinsko vijeće je donijeti zaključak da se krene u novi sudski spor i da se pokrenu neke aktivnosti putem Suda, ali evo tu je i Pravobraniteljica koja je daleko stručnija po pitanju nastavka tih aktivnosti, odnosno pravnih stvari koje bi se mogle po ovom predmetu pokrenuti.

Ako dođe do sudskog spora taj će sudski spor toliko dugo trajati da će svi ti objekti i oprema i postrojenja biti montirani, ali, ne treba odustajati od toga.

Nermina Botonjić, cijeneći da sam ovu Informaciju faktički ja i obradila u suradnji sa Službom, odnosno sa podacima koje sam ranije dobila od Službe, vi ste vidjeli da je ona gotovo i sadržana od kompletnog obraćanja Ministarstvu, a u cilju da se izdejstvuje dostava rješenja Općinskom pravobranilaštvu. Obzirom da je njihov glavni adut bio da u toku postupka Općina Maglaj, nije putem Pravobranilaštva ulagala određene akte. Međutim, pravobranilaštvo nije ni dobilo ni jedan od akata, nego samo je mišljenje traženo od Službe i Služba je po saznanju ulagala žalbu. Iz tog razloga sam pokušala u skladu sa Zakonom o upravnom postupku da izdejstvujem dostavu akta, a potom bih ulagala žalbu i postupala u skladu sa Zakonom. Međutim, i pored urgencija koje smo dostavljali Ministarstvu da nam dostavi I-stepeno rješenje još nikada nismo dobili bilo kakvu obavijest o zaprimljenom aktu, niti smo dobili obavijest, osim jedne dostavite, niti bilo kakvo obavještenje iz Ministarstva. Znači jednostavno

Ministarstvo se oglušilo o sve aktivnosti Općinskog pravobranilaštva. Iz tog razloga Općinsko pravobranilaštvo je pokušavalo i Premijeru dostaviti podatke i obavijestiti svakako sve u suradnji sa Općinskim načelnikom. Vi ste vidjeli na kraju ove informacije u kojoj sam ja pretočila svoje obraćanje prema Ministarstvu i sadržaj i da je on bio malo i oštrijeg karaktera, međutim, zaista nije se ništa uspjelo. Trenutno kao i sve drugo mi smo na neki način, a ja nemam mogućnosti da u skladu sa Zakonom o upravnom postupku pokrenem žalbu, pokretali upravni spor, ali i on je pokrenut na ono rješenje II-stepeno, ali iz razloga što je žalba uložena od strane Općine Maglaj, a ne putem zakonskog zastupnika je i nadležni sud je također ostao mišljenja, kao i II-stepena komisija, za koje ste već od gospodina Fuada čuli da je bilo sačinjeno od ljudi koji su maltene radili na izdavanju ove urbanističke saglasnosti, odnosno naknadno građevinske. Iskreno rečeno, ponovo ću pokušati urgencijama, a i Načelnik je u stalnim aktivnostima. Ja konkretnog prijedloga nemam, sve su to upravni postupci, odnosno upravni sporovi za koje se ne zna da li će obavezati na kraju ili ne, a oni su i dugotrajni. Nemam prijedloga šta da kažem. Vi možete izvesti jedan zaključak te obavezati Pravobranilaštvo, Službu, Načelnika, kako bi se možda, ponovo, u ime Općinskog vijeća sa vašim zaključkom tražilo izjašnjenje te da tražimo i dostavu rješenja Općinskom pravobranilaštvu. Nemam temelja da ponudim na osnovu čega bih Vam rekla gdje je utemeljen taj zaključak, ali opet predlažem na neki način da se ne oglušimo o ovu informaciju i da na taj način dostavimo zaključke i Premijeru i Ministarstvu.

Predsjedavajuća. Otvaram raspravu

Vijećnik Hajrudin Ferić, drago mi je da je prisutan i jedan broj građana koji svojim mjestom življenja gravitiraju tom planiranom objektu, koji će nam sigurno i pomoć u ovoj diskusiji da dodemo do kvalitetnih zaključaka.

Ono što bi sugerisao jesu neki od zaključaka koji bi išli u pravcu animiranja javnosti i medija BiH, kada je u pitanju ovaj slučaj. Nosioci te animacije bi bili mediji i Općina na čelu sa Općinskim načelnikom, Općinsko vijeće ali i uz pomoć i podršku građana zainteresovanih za ovo. Iz prostog razloga imam osjećaj, a 2016. godine sam pratio ovu sjednicu Općinskog vijeća kada je donesen zaključak da nema javnog interesa da se gradi tamo peletara. Imam osjećaj da je dosta toga ispreskakano u ovim formalno-pravnim procedurama gdje bi ja volio da nadležne institucije pa možda čak i SIPA uđe i provjeri ko nije uradio svoj dio posla. Ono što je meni logično bez obzira što Ministarstvo ima ili nema i što vodi svoj postupak, ja smatram da i prilikom izdavanja građevinskih dozvola za gradnju toga, oni su morali svakako da imaju i Elaborat o opravdanosti, o zaštiti okoliša itd. I morali su da nam daju na uvid i mi moramo na tome insistirati. Zbog toga, obzirom da ima prilično toga da smo nekompetentni ovdje u tom stručno-pravnom smislu, ja prihvatam i predlažem da onako kako je i predloženo u ovoj informaciji ovlastimo administraciju i Pravobranioca da nastave taj postupak, čak i upravni spor da pokrenu, ja ne bih bježao od toga, ne zbog same firme koja vodi taj postupak koja ima svoj interes, nego i zbog drugih takvih sličnih slučajeva koji bi se eventualno mogli pojaviti na području općine Maglaj i samog grada.

Vijećnik Nedžad Lokmić, kao građanina me je pogodilo ovo sve što se dešava, ja ovdje vidim rujanje općinskoj vlasti, Općinskom vijeću, građanima od strane pojedinaca, nepoštivanje odluka Vijeća i naravno da treba podržati sve ovo što su istakli prijedloge u kom pravcu dalje ići. Možda jedina sugestija pored toga da ne smijemo odustajati da i svoje nezadovoljstvo iskažemo na drugim mjestima, da predstavnici građana, predstavnici Općine, prisustvuju narednoj sjednici Skupštine ZDK ili čak na neki način prosljedi informacije na slijedeću sjednicu Vlade ZDK. Nepojmljivo je da se pred našim vratima dešavaju takve stvari, što sutra možemo očekivati da nam neko iza leđa dozvoli odjeljenje ili jedan pogon rafinerije Broda ovdje u Maglaju. Neko dao dozvolu, izvolite radite Vi to u Maglaju. Dakle, ni u kom slučaju ne treba odustati i širiti nezadovoljstvo, odnosno treba iskazati nezadovoljstvo i na drugim adresama.

Vijećnik Safet Jašić, nije prvi put i ne govorim samo o ovom periodu, inače mi se dobro znamo baviti posljedicama. Što se tiče Kluba SDA mi lično smatramo da je ovdje trebalo više da bude uključen i Općinski pravobranilac i Vijeće i da je trebalo održati niz javnih rasprava koje ne bi bile sigurno zanemarljive. Izlaganje gospodina Hajrulahovića, kad kaže da Općina Maglaj nije stranka u postupku, ja ne znam šta mi onda hoćemo, šta tražimo!? Mi smo totalno isključeni iz ovoga. Nismo imali pravo da kažemo ni svoje mišljenje po tom pitanju, interesantno je da ovo pitanje se pokreće malo duže vremena. Znamo ko je ministar za okoliš u ZDK, ne treba nam niko podvaljivat. Ja se slažem ovaj grad je jedan od najljepših i najčišćih te da se tako nešto uvaljuje Maglaju... Zašto se nije više radilo na ovome prije izdavanja saglasnosti za gradnju ovakve tvornice, koja treba da bude u centru Maglaja. Zašto se više nije uradilo? Zašto nije ostvarena komunikacija sa Ministarstvom, bolja komunikacija? Da se komuniciralo, pa kazalo ministarstvo misli ovo i ovako. Onda, Vijeće je moglo poduzeti neke korake. Međutim, kad se završila stvar onda tražimo nešto nemoguće. Mislim da je ovo nemoguće popraviti.

Vijećnik Mirza Bradarić, ova problematika je stara već par godina i ja kao vijećnik u ranijem sastavu učestvovao sam u raspravama ovdje na Vijeću. Meni samo nije jasno, kako u ovaj naš Maglaj već godinama može doći neko sa strane i raditi šta hoće, a mi to maltene nijemo posmatrati? Super je ovo što kaže gospodin Jašić trebalo je tada na vrijeme. Međutim, eto kada se pitamo ko je trebao reagovati na vrijeme. Tadašnji Načelnik je trebao reagovati na vrijeme, a ne da ljudi dođu na javnu raspravu, donesu se zaključci i upute se prema Ministarstvu. Ja ne mogu da vjerujem da u vaše dvorište može ući neko raditi šta hoće i onda da neki ministar, kaže ma nema tu nikakvih problema. Naravno da tog ministra nije briga šta će se dešavati u Maglaju. Ministar ne živi ovdje i njega to ne interesuje šta će biti u Maglaju. Ja neću ulaziti u raspravu na osnovu čega, kako i zašto je

taj ministar dozvolio i potpisao te dozvole, neću ulaziti u to. Ali, naravno da tog ministra ne interesuje šta se dešava u Maglaju. Njega ne interesuje koliko će ovaj grad biti zagađen itd. Evo gospodin Lokmić je dao jako dobar prijedlog. Obzirom da i ja dolazim iz te ulice, nudim se dobrovoljno da formiramo delegaciju koja će uputiti jedan dopis na Skupštinu kantona i da zajedno odemo gore i da kažemo da smo mi Maglajlije protiv toga. Vjerujte, evo kažete gospodine Fermiću da vam je drago što vidite naše sugrađane iz ulice 1. Marta. I meni je lično drago i ja sam iz te ulice, ali da vam kažem , to nije problem samo građana ulice 1. Marta. To kad krene raditi, čitav Maglaj, tj. Općina Maglaj pogotovo dolje nizvodno će biti obuhvaćena tim dimom, tom prljavštinom, a da ne govorim o buci koju će čuti konkretno stanovnici i konkretno ljudi koji gravitiraju na tom području koji graniče sa tom firmom. Meni to zaista nije jasno, da Vam neko može doći u Vaše vlastito dvorište i reći Vi u svom dvorištu nemate nikakvu ingerenciju. To je jedan od prijedloga za skupštinu. Drugi prijedlog, ja ne mogu da vjerujem da se ne može uputiti nikakva, da se ne može tužiti taj ministar. Vas gospođu Nermina pitam, da li se može uputiti tužba konkretno protiv tog Ministarstva, konkretno protiv tog ministra. Ja sam prvi za, da odmah danas, ako treba da uputimo tužbu protiv tog ministra. Zašto, malo su me emocije obuzele iz jednog prostog razloga, a mi sad razgovaramo o „Transey“. Svi smo mi svjedoci da za jedno kratko vrijeme ćemo uskoro razgovarati o još jednoj peletari, koja se evo ovih dana zadnjih par mjeseci gradi smješta i priprema za proizvodnju u istoj toj ulici 1. Marta. Zato što to nije gotovo ja neću spominjati imena, a svi mi obzirom da smo odavdje iz Maglaja, znamo o kome se radi i šta se radi. Ja ne mogu da vjerujem da taj čovjek konkretno zadnjih vikenda, pošto inspekcije ne rade, dovozi velike kranove, smješta mašine, ali vidim da je to nešto nalik dimnjaku a ogromno je i svi koji prolaze tamo to mogu vidjeti. Bilo je očigledno da mašine koje su se smještale u tu halu su mašine koje se koriste za proizvodnju peleta. Nemojte da dozvolimo i „Transey“ i ovoj novoj firmi koja će očigledno doći uskoro da dozvolimo da krenu sa radom. Ako te dvije firme krenu sa radom, ja mislim da će se pola Maglaja iseliti iz Maglaja. Mi imamo već jedan problem sa „Natron- Hayatom“ koji se dešavao zadnjih dana i eto to trpimo, ali nemojte da dozvolimo da još dvije takve firme koje će još više i veći problem napraviti da im dozvolimo da rade, a pogotovo na način zašto što im nismo mi dali dozvolu, nego im je dao taj neki ministar kojeg apsolutno nije briga za Maglaj.

Vijećnik Mustafa Bešić, vidite koliko mi imamo naslijeđenih problema na općini Maglaj. Ja bih se samo nadovezao na Mirzino izlaganje. U pravu je Mirza kad kaže da ministri sjednu gore i dogovore sa ljudima, sa firmama, s tim da ne pitaju narod na terenu. Ja ću vas samo podsjetiti, za moju Mjesnu zajednicu Brezove Dane-Domislica koliko smo mi narod gore trpili problema za rudnik. Imamo firmu, tačnije neko nam doveo firmu. Sad su nam ostali gore uništeni putevi, voda zagađena, izvučeno tri-četiri miliona, voda zagađena i šutilo se. Svi su se lupali u prsa ovdje, a Bešić je govorio istinu s narodom gore. Ostavili su narod sam, a imamo sad gore problem, evo imamo i ovaj problem. Mora se kontaktirati lokalno stanovništvo gdje živi. Oni koji će trpiti najveći problem. Kako će gore ljudi živjeti? Hoće li moći ostat? Naš klub će dati podršku stanovništvu koji tu živi.

Vijećnik Elvir Vehabović, želim na neki način dati doprinos ovoj raspravi i daljnjim aktivnostima koje će eventualno uslijediti, preuzimam na sebe nekakvu obavezu da se pridružim kolegi Mirzi Bradariću ako bude bilo potrebe, a mogu biti i u sastavu te nekakve delegacije koja će gore ići. Ja sa svoje strane iz stručnog dijela mogu uraditi nekakav rad, elaborat o štetnosti svega toga, pa da i to možemo prezentirati tim gore koji su odlučivali o tome.

Vijećnik Safet Jašić, izvinjavam se, nisam mislio nikoga okriviti za ovo, ako je neko kriv, krivi smo svi zajedno jednako, ili nije niko kriv. Ovo je bitna tema danas, zašto nismo pozvali danas ministra ovdje, da mu u lice kažemo ono što govorimo? Da li je sve po zakonu ovo Ministarstvo uradilo, ako nije Ministarstvo odradilo po zakonu idemo dalje. Idemo u postupak, ali veće je pitanje zašto nema danas ministra ovdje?

Općinski načelnik Mirsad Mahmutagić, želim pojasniti o kakvoj se firmi radi koja se ovako ponaša u Maglaju, ali čuli ste od gospodina Hajrulahovića kako je tekao postupak. Ja bi se ponovo vratio na vrlo bitan detalj, kad je ovdje zakazana javna rasprava, kad su se blagovremeno obavijestili u Ministarstvu da dođu na javnu raspravu, kad su dali potvrdu da će doći na javnu raspravu, nisu se pojavili. Ko je bio prisutan na javnoj raspravi može se sjetiti da smo jedan dio vremena i čekali jer smo očekivali da će doći u svakom trenutku, ali nisu došli, a isti dan ili dan prije su dali urbanističku saglasnost. Pa su je poslije dopunili , dodali promjene te dodaju i peletaru i pilanu, dakle od starta je išlo nekorektno. Općini Maglaj se može djelimično pripisati da nisu blagovremeno odgovarali na zahtjeve iz Ministarstva jer je tekla ta procedura, dok se zakaže javna rasprava, dok se zakaže sjednica Vijeća, tako da kad bi gledali kompletnu papirologiju našao bi se i taj nedostatak, ali istovremeno postoje tragovi gdje su vršeni direktni kontakti između resorne Službe i resornog Ministarstva, odnosno gospođe koja je vodila taj proces i koja je bila upoznata o svim aktivnosti. Dakle, Općinsko vijeće se očitovalo da nema javnog interesa izgradnje takvog jednog pogona na području općine Maglaj. Javna rasprava je to pokazala, peticija građana je to pokazala, dakle jasno i glasno dato je do znanja da u Maglaju, koji inače ima problema vrlo često sa prašinom u zraku, pored ovoga svega što se desi povremeno od strane „Natron-Hayat-a“ ne treba nam samo još da se doda peletara i pilana. Ja sam obavio nekoliko posjeta i Premijeru Galijaševiću i resornom Ministru. Kod resornog Ministra pored mene i gospodina Hajrulahovića bio je i predsjednik Komisije za privredu gospodin Hrnjić i ovako je tekla rasprava kada smo otišli da upozorimo da nisu uvažili stav Općinskog vijeća, doslovice je resorni Ministar Hajrudin Brkić rekao za svoju uposlenicu Edinu Islamović „vjerovatno je uzela novac pa je to uradila“. Upozoren je Ministar da ne ide u

potpisivanje građevinske dozvole da obnove proces, međutim i pored upozorena i pored toga što je na tom sastanku sve shvatio i rekao da mu je jasno i rekao je da će zaštititi općinu Maglaj, nakon toga je potpisao građevinsku dozvolu. Za sve to vrijeme i za vrijeme dok sam ja načelnik i u vrijeme prethodnog načelnika nisu po zakonitom postupku uključili Općinu Maglaj u proces. Čak su na naše žalbe napisali da ne može Općinski načelnik zastupat općinu, nego treba da zastupa Pravobranilac, iako su sve vrijeme prije toga imali komunikaciju sa Općinskim načelnikom i sa resornom službom. Dakle, sve smrdi na nekorektnost. Ja sam se obraćao i Premijeru Galijaševiću, isti je rekao znam iz tog sam kraja, tamo mi je kuća to bi bilo strašno da bude u tom dijelu. Podnesite zahtjev, inicijativu i prema meni kao Premijeru i prema Skupštini ZDK da se napravi revizija tog postupka. Uredno podneseno, to možete vidjeti u dokumentaciji, nema nikakvog odgovora. Onda sam na kraju ja rekao Ministru da će biti pokrenuta krivična prijava i protiv njega i protiv onog ko je vodio postupak. Znamo da je postupak vodila gospođa Edina Islamović i bila je s nama na sastanku i to je rekao i Ministar i to je usvojeno, tražili smo pismeno očitavanje ko je vodio proces. Prije dva mjeseca je upućeno, a do dan - danas nemamo odgovora. Pored zahtjeva slali smo urgenciju da nam dostave ko je vodio proces, a odgovora nema. Prema tome, bježe od toga, što odmah ukazuje da postoje određene nekorektnosti i protuzakonitosti. Ja vjerujem da će i mještani iz tog dijela uzeti učešća, jer ovo nije problem mještana Ulice 1.marta, ovo je problem čitavog grada. Vjerujem da ćemo danas izaći sa inicijativom i traženja revizije postupka. Podnijeli smo i tužbu na stav II-stepene komisije, tako da Općinski pravobranilac još uvijek pokušava izdejstvovati da bude stranka u postupku. Priprema krivične prijave je u toku, ako nije završena, to sam ja naložio Općinskom pravobranioocu prije mjesec dana da se pripremi, danas imamo sjednicu, vidjet ćemo zaključke i krivična prijava i protiv Ministra i protiv onog ko je vodio postupak. Ono što hoću da kažem je da ne smijemo dozvoliti da nam neko u Maglaju radi tako kako hoće. Mi ćemo naći način, ovaj ili onaj da to spriječimo da nam se to ne dešava u gradu, a taj način ćemo iznaći zajedno.

Ja ću vas podsjetiti o kojoj se firmi radi, to je firma koja je kupila „Autoprevoz“, vjerovatno vam to nešto govori. Firma koja se kabadahijski ponašala godinama zatvorila javni put kroz „Autoprevoz“ pa su izgubili na sudu i sad je u upotrebi. Firma koja nam je htjela podmetnuti benzinsku na kružnom toku i firma koja na ovaj način radi ovo što radi. Ja se nadam da ćemo smoći snage da izađemo iz ovog problema. Sličan problem, je počeo da prati čovjek koji je isto tako radio po Maglaju šta hoće, hoće da pravi ponovo peletaru ili nešto tako slično tamo na potezu između „Elektrodistribucije“ i Autobuske stanice. Inspektor je zaustavio radove, napisao prekršajnu prijavu, da ne govorim ovdje o iznosu novca i sigurno će biti sve vraćeno u prvobitno stanje. Kabadahijama je odzvonilo i protiv toga se moramo svi boriti i Načelnik i službe i Općinsko vijeće i građani. Razumijem to, Bešić je ovdje rekao, doživio je to Bešić u svom kraju i svi znamo ovdje kako je to teklo u prošlom sazivu iako je i ovo Vijeće bilo dalo podršku da nastavimo razgovore sa BBM-om, jednostavno, kad se pojave oni kojima je preći interes nego lokalna zajednica, nego bilo šta, onda se pojavljuju problemi. Vijećnik Bešić je ispao kabadahija, lokalna pijanica koja je zaustavljala saobraćaj u Domisluci a čovjek 20 godina nije okusio kapi alkohola, ali tako prezentiraju drugi. Onda se pojave da pišu svima i svakom pa čak i ono što se dogovore da prekrše. Govorim sad trenutno o BBM, to su ta trenutno tri problema. Ovaj problem kod „Elektrodistribucije“, problem „Transey“ i problem BBM. Vratit ću se na BBM, nekorektan je bio dio privrednog savjeta koji je na dopisu od strane BBM-a prosljedio pitanja da li su igdje otvorili radilište da nisu napravili problem u lokalnoj zajednici i kad će platiti koncesiju za istražne radove koje su proveli. To je zakonska obaveza, za sve istražne radove da se plati koncesija. I onda je to bauk, zaboga gdje ćete nam tražiti novac koji vam pripada. Prema tome, ja bih zamolio Općinsko vijeće da jednoglasno, da izdignete politiku ako budemo uključivali politiku onda ćemo ovo odmotat skroz, nemojte da odmotavamo skroz, dajte da jednoglasno idemo u proces da zaštitimo naš grad od ovakvih dešava. Što se tiče peletara, tamo gdje je mjesto za takav pogon i Općina Maglaj će dati podršku privredniku koji će to uraditi da radi, ali u centru grada to ne može. A načina da ne može, sigurno će se pronaći.

Bradarić Alija, dopala mi je čast da ispred građana Ulice 1. Marta i Bosanske ulice vam se obratim, pročitam izjavu i apelujem na vas zbog očiglednih nesavjesnih radnji koje se dešavaju u našem gradu i pred našim očima. Mi građani ovih dviju ulica smo na javnoj raspravi koja je održana 15.06.2016. godine kategorički odbili i pomisao da se takva jedna djelatnost obavlja maltene u samom centru grada. Za one koji nisu upoznati radi se o firmi „Transey“ koja je očito naumila da u starim prostorijama i placu prijašnje firme „Borik“ otvori pilanu, proizvodnju peleta i proizvodnju briketa. Poslije toga koliko se sjećamo je održana i sjednica Općinskog vijeća gdje je se jednoglasno odbila namjera ove firme o proizvodnji takve vrste djelatnosti u našem gradu. Mnogi od vas su bili i u sazivu prijašnjeg vijeća pa se sigurno i sjećate ove tačke dnevnog reda. Dokle seže bezobraznost firme „Transey“ govori i činjenica da je vaše glasanje protiv i naše negodovanje kao građana zanemareno, zaobišla se Općinska administracija i sve potrebne dozvole su dobivene u kantonu. Toliko o našoj pravnoj državi. Tih dana pred javnu raspravu smo napravili i peticiju, gdje je se potpisalo preko 100 građana ovih dviju ulica. Peticiju smo dostavili i Općinskoj administraciji koja je u to doba bila na vlasti. Nama nije problem pokrenuti opet peticiju ako je to potrebno, a imamo i više kopija one stare. Nas građane interesuje da li ste vi kao vijećnici svjesni problema sa kojim se čitav grad suočava ili ste mišljenja da to treba mi da riješimo? Gospodo, mi smo vas izabrali i vaša je obaveza da štite interese nas građana. Kako stoje stvari bit ćemo prvi grad u Bosni i Hercegovini, a možda i šire gdje se u gradskom jezgru otvara i započinje sa radom ova vrsta djelatnosti. To jest pilana, briketarnica i peletarnica. Do sada su se takve djelatnosti obavljale pokraj šuma. Čak ni u selima se nije tako lahko mogla dobiti

dozvola i odobrenje za ovu vrstu djelatnosti. Mi ne znamo da li ste dovoljno upoznati šta jedna ovakva vrsta djelatnosti znači za našu sredinu? Šta rade ova naša Eko - društva, kofol i Maglaj imo jedno takvo, koje se nije nikada javno očitavalo o ovom problemu. Nema više sjedenja u avliji, roštiljanja, sušenja veša i tako dalje, a da ne pričamo o našem zdravlju koje treba biti na prvom mjestu. To je sitna prašina koja ulazi u sve pore. Firma „Transey“ je dovezla sa evropskog otpada stare mašine i tehnologiju koju svi možemo da vidimo da li šetali ili se vozili u autu, a to nas bode u oči. Na to sve, obećava da grad nema šta da strahuje jer to je zadnji krik mode koja se u Evropi može vidjeti samo na otpadu. Da li vi mislite da će firma „Transey“ sa ovom aparaturom moći da spriječi da piljevina i ostale čestice koje se koriste u ovoj vrsti branše ostanu u cijevima koje su starije od nas samih. Mi građani nismo tog mišljenja zato i negodujemo i tražimo od vas da se uključite i spriječite ovaj gnusni čin koji će ugroziti živote i zdravlje nas i naše djece. Vjerujete nam da je čitav grad u opasnosti ako krene proizvodnja. Zamislite još jednu činjenicu, ne daj Bože da se u ovakvoj jednoj proizvodnji desi požar to bi bilo sa nesagledivim posljedicama gdje su direktno i naše kuće i životi ugroženi, još ako bi se desilo da taj dan puše vjetar ugrožen je čitav grad.

Ne zaboravite koliko djece i starijih žive u ovom gradu koj će udisati direktno u pluća ove čestice sitne prašine. Vidjeli smo nedavno pa par dana koliko je štetu nanijela ugljena prašina i na krovovima i na autima a ono što nismo vidjeli ali ćemo s vremenom da osjetimo koliko smo udahnuli toga otrova.

Zahtijevamo od vas da uključite sva pravna sredstva i spriječite ovaj udar na vaše i naše zdravlje. Samo da napomenem da firma „Transey“ uveliko radi na montiranju postrojenja. Pilana za rezanje balvana je već montirana samo je pitanje dana kada će krenuti sa radom. Zahvaljujemo vam se na vašem strpljenju i molimo vas da ovo shvatite ozbiljno. Hvala vam u ime građana što ste nas saslušali.

Općinski načelnik Mirsad Mahmutagić, mi smo uputili zvaničan dopis ponovo prema resornom Ministarstvu tražeći da se privremeno zaustave radovi, preko inspekcija, do okončanja uz napomenu da ćemo povesti sudski spor i da Općina Maglaj ukoliko se donese šteta firmi „Transey“ ukoliko izgube rješenje a u međuvremenu tamo rade da općina Maglaj nema nikakve obaveze snošenja bilo kakvih troškova zbog nastale štete. I to smo uputili Ministarstvu i povodom tog dopisa nemamo ni jedan jedini odgovor.

Pauza za Kolegij

Predsjedavajuća OV, prijedlog zaključaka sa Kolegija pokušali smo sumirati sve diskusije i sročiti u četiri prijedloga zaključaka.

1. Obavezuje se Općinski načelnik i Općinska pravobraniteljica da preduzmu se potrebne pravne korake kako bi se zaštitili interesi Općine Maglaj i građana a pozivajući se između ostalog i na zaključke Općinskog vijeća iz 2016. Godine juni mjesec.
2. Obavezuje se Predsjedavajuća Općinskog vijeća da zajedno sa predsjednicima Klubova vijećnika, općinske administracije i Pravobranilaštva prisustvuje sjednici Skupštine ZDK gdje će se izložiti stavovi Općine, Općinskog vijeća i interesi građana.
3. Obavezuje se Općinski načelnik da sačini medijsko obraćanje u ime građana na svim raspoloživim medijima.
4. Zaključke Općinskog vijeća uputiti na Premijera, nadležno Ministarstvo i Skupštinu ZDK i tražiti uvrštavanje ove tačke dnevnog reda za narednu redovnu sjednicu Skupštine ZDK.

Vijećnik Safet Jašić, što se tiče Kluba SDA, ja se ne bi vraćao na onu prethodnu diskusiju kriv je svako, samo nismo mi, te u tom smislu Klub vijećnika SDA je dobro poznato kad je 2016. godine donesena odluka da otvaranje ovakve firme nije od javnog interesa za općinu Maglaj, jednoglasno je ta odluka prošla i nije spreman Klub SDA preuzeti ovu odgovornost koja je maloprije izrečena na račun SDA i bivše vlasti. Od tada je prošlo dvije godine, od 2016. godine, te ja postavljam pitanja koliko je Općinska administracija odradila i koliko je mogla odraditi za ove dvije godine po tom pitanju? Dovedeni smo u svršen čin i sad mi hoćemo nešto da pokažemo građanima kako se mi borimo za njih, a dvije godine praznog hoda i sve je završeno u te dvije godine. Klub SDA nije imao uvid ni u prepisku općinske administracije sa nadležnim ministarstvom, tako da ne znamo kako se sve odvijalo i nemamo dokaza za takve radnje. Svaki vijećnik danas, ne samo iz SDA, nego iz svih političkih partija je danas morao imati na stolu sve te sile dopise, kako bi se uvjerali i kako bi svi zajedno kritikovali i napali resorno Ministarstvo, prema kojem su išli ti svi dopisi, a posebno posjete Ministarstvima koje su tako česte bile i naravno rezultata nije bilo nigdje, a na početku je rečeno ko je odgovoran za ovu situaciju u koju smo dovedeni. Nama je žao što se ovo događa u ovako lijepom gradu Maglaju i to će se vjerovatno i dogoditi. Koliko ćemo uspjeti pred nama je. Mi ćemo se izjasniti pri glasanju, nemamo prijedloga zaključaka.

Vijećnik Mirza Bradarić, ni ja se ne želim raspravljati ni šta je bilo ni kako je bilo Mi moramo ići u jednu veliku borbu, samo jedna mala replika ispred Kluba SDP-a. Sigurno svi ovi dopisi koji su slani ispred trenutne općinske administracije prema Ministarstvu i Kantonu, postoje, ja vjerujem da ih svi možemo dobiti na uvid kad god ko zatraži i vidjeli smo kroz ova izlaganja da je tih dopisa bilo jako puno. Međutim, ovdje se ne može kriviti trenutna općinska administracija koja je pokušala raditi zajedno koliko je mogla. Ja ću javno okriviti na osnovu svih ovih izlaganja kantonalnu administraciju, kantonalno Ministarstvo koju je dalo tu saglasnost na čelu tog resora i naravno Premijera koji je za sve to znao, koji je mogao poduzeti velike mjere u sprečavanju ovog problema, a nije

ništa poduzeo, a samim tim je još gora činjenica što on stoji kao za Maglaj kao rođeni Maglajlija koji ima tu kuću koji dolazi jako često itd. Neću blatiti općinsku administraciju, dopisi postoje, ali ja ću javno prebaciti svu krivnju na kantonalnu administraciju zajedno sa Premijerom i resornim Ministarstvom.

Vijećnik Elvir Vehabović, morao sam malo reagovati, počnemo govor da se nećemo politički osvrtni i onda ubacimo i u ovu temu politiku. Nemojte ljudi politike oko ovoga.

Predsjedavajuća OV, zaključujem raspravu i stavljam na glasanje četiri prijedloga zaključaka koji su sročeni na Kolegiju koje sam ranije pročitala. Ko je za ovakve prijedloge zaključaka?

ZAKLJUČAK

- 1.1. Obavezuje se Općinski načelnik i Općinska pravobraniteljica da preuzmu se potrebne pravne korake kako bi se zaštitili interesi Općine Maglaj i građana a pozivajući se između ostalog i na zaključke Općinskog vijeća iz 2016. Godine juni mjesec.**
- 1.2. Obavezuje se Predsjedavajuća Općinskog vijeća da zajedno sa predsjednicima Klubova vijećnika, općinske administracije i Pravobranilaštva prisustvuje sjednici Skupštine ZDK gdje će se izložiti stavovi Općine, Općinskog vijeća i interesi građana.**
- 1.3. Obavezuje se Općinski načelnik da sačini medijsko obraćanje u ime građana na svim raspoloživim medijima.**
- 1.4. Zaključke Općinskog vijeća uputiti na Premijera, nadležno Ministarstvo i Skupštinu ZDK i tražiti uvrštavanje ove tačke dnevnog reda za narednu redovnu sjednicu Skupštine ZDK.**

Glasalo 14 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Fermić (DF) Fikret Delić, Mustafa Bešić, Kanita Bašić samostalni vijećnici, Josip Jurišić (HDZ).

Glasalo 11 glasova uzdržano : Adis Abdurahmanović, Nedžad Alispahić, Avdić Selma, Mirsad Bejzić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić samostalni vijećnik.

AD- 2 Prijedlog Odluke o prodaji nekretnina neposrednom pogodbom Totaj Musli, radi oblikovanja građevinske parcele;

Fuad Hajrulahović, uvodno obrazloženje

Samo da vas podsjetim da je Općinsko vijeće izmjenom Regulacionog plana i da je nakon usvajanja, provedena zakonska procedura. Da bi se to sve moglo provesti po pitanju Totaj Musli za onaj prostor koji koristi da je Vijeće izvršilo zamjenu zemljišta sa Mašić Ševalom. Imate u prijedlogu da se formira građevinska parcela za gospodina Totaja u površini općinske zemlje 405 m². U postupku su uključeni bili vještaci struka koje su bile potrebne, uključeno Pravobranilaštvo i uključena je bila i Komisija za procjenu u prometu nekretnina. Imate to sve u materijalu. Prijedlog Komisije je da cijena 1 m² za općinsko zemljište koje bi se trebalo prodati neposrednom pogodbom gospodinu Totaju 100,00 KM/m² iz prostog razloga što ste i na jednoj od proteklih sjednica isto tako kada je bila zamjena zemljišta Mašić Ševali usvojili da je to cijena od 100,00 KM/m². Prema izjašnjenju i Općinskog pravobranilaštva se kaže da cijena zemljišta ne može biti manja od zadnje prometovane cijene na istoj lokaciji ili približnoj lokaciji...

Otvaram raspravu

Vijećnica Šefka Hasanić, Klub vijećnika SDA prihvata prijedlog Odluke o prodaji nekretnina neposrednom pogodbom Totaj Musli, radi oblikovanja građevinske parcele, te predlažemo da cijena 1 m² iznosi 100,00 KM jer je to zadnja prometovana cijena na tom području.

Predsjedavajuća OV, zaključujem raspravu i stavljam na glasanje

ZAKLJUČAK

- 2.1. Donosi se Odluka o prodaji nekretnina neposrednom pogodbom Totaj Musli, radi oblikovanja građevinske parcele.**
- Općinsko vijeće Maglaj utvrđuje cijenu od 100,00 KM/m².**

Glasalo 22 glasa za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Fikret Delić, Mustafa Bešić, Kanita Bašić samostalni vijećnici, Josip Jurišić (HDZ) Adis Abdurahmanović, Nedžad Alispahić, Avdić Selma,

Mirsad Bejzić, Delić Edib, Hasanić Šefka, Smajlović Dženita, Ermina Muminović (SDA) i Mustafa Buljubašić samostalni vijećnik.

Glasalo 1 uzdržan: Hajrudin Fermić (DF)

Trenutno nisu prisutni u sali vijećnici Safet Jašić, Edina Jašić,

AD – 3 Prijedlog Odluke o prodaji nekretnine neposrednom pogodbom Mašić Ševale, radi oblikovanja građevinske parcele;

Fuad Hajrulahović, uvodno obrazloženje

Slučaj Totaj Misli i Mašić Ševale su jedan do drugog. Provedena je ista procedura i tu je bila izmjena Regulacionog plana...

Treba donijeti Odluku o prodaji 274 m² općinske zemlje. Stav Komisije i Pravobranilaštva, obzirom da se radi o istoj zemlji da je vrijednost 100,00 KM/m², i to je isto zadnja prometovana cijena po m².

Otvaram raspravu

Vijećnik Hajrudin Fermić, drago mi je da konačno završavamo ove slučajeve. Ja moram da pojasnim zašto sam suzdržan. Podsjetit ću na zaključak Vijeća iz marta 2017.godine da treba da donesemo Odluku o kriterijima, standardima, normativima za utvrđivanje okvirne cijene prodaje građevinskog zemljišta neposrednom pogodbom radi parcelacije. Ta Odluka nam je bila jednom na OV mi smo je vratili na doradu i već je prošlo godinu i nešto, nema je. Obrazlagao sam zašto nam je potrebna ta odluka i koje elemente da sadrži i mislim da bi dobro bilo da u nekim od narednih sjednica OV ona ugleda svjetlo dana i da imamo jednu takvu odluku koja će nam davati preciznije, stručne a i ekonomske kriterije kad utvrđujemo cijenu prodaje zemljišta.

Predsjedavajuća OV, zaključujem raspravu i stavljam na glasanje

ZAKLJUČAK

3.1. Donosi se Odluka o prodaji nekretnine neposrednom pogodbom Mašić Ševali, radi oblikovanja građevinske parcele.

Općinsko vijeće Maglaj utvrđuje cijenu od 100,00 KM/m².

Glasalo 22 glasa za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Fikret Delić, Mustafa Bešić, Kanita Bašić samostalni vijećnici, Josip Jurišić (HDZ) Adis Abdurahmanović, Nedžad Alispahić, Avdić Selma, Mirsad Bejzić, Delić Edib, Hasanić Šefka, Smajlović Dženita, Ermina Muminović (SDA) i Mustafa Buljubašić samostalni vijećnik.

Glasalo 1 uzdržan: Hajrudin Fermić (DF)

Trenutno nisu prisutni u sali vijećnici Safet Jašić, Edina Jašić,

AD – 4 Nacrt Odluke o radnom vremenu u određenim djelatnostima na području općine Maglaj;

Ferhat Bradarić, s obzirom da su ranije odluke koje su donesene 1997. godine, izmjene i dopune 2000., 2004., i 2009., godine vezali se za zakonske propise koji su van snage, ovdje se ukazala potreba donošenja nove Odluke o radnom vremenu i da se ispravi sa postojećim zakonskim propisima, a konkretno sa Zakonom o obrtu, Zakon o unutrašnjoj trgovini i Zakon o ugostiteljskoj djelatnosti. Tim zakonima je Općinsko vijeće nadležno za donošenje i utvrđivanje odredbi ovakvih odluka a po pitanju radnog vremena, tako da smo mi ovu odluku uradili u Nacrtu u skladu sa postojećim trenutnim stanjem rada trgovinskih objekata, ugostiteljskih djelatnosti i djelatnosti u oblasti obrta. Kroz ove zakonske odredbe definisano je da trgovinske djelatnosti sve zavisno od tipa vrste trgovinske djelatnosti obavljaju u periodu od 06 sati do 22,00 sata, izuzev benzinskih pumpi i trgovinskog objekta tipa „Dragstor“ koji imaju drugačije definisano radno vrijeme i kroz ove odredbe smo također rekli da je prvi dan državnog praznika neradni dan. Da ispoštuje se zakonske odredba, prava uposlenika i ljudi koji rade u takvim firmama da imaju pravo na korištenje tog slobodnog dana. Kroz odredbe koje su definisale rad ugostiteljskih objekata to je u ovom slučaju bilo izuzeto i data je mogućnost da ugostiteljski objekti rade i u te dane, znači da imaju slobodu obzirom da smo se malo konsultovali i sa drugim općinama da obični ljudi u dane državnih praznika koriste to za šetnju i odmor i obično se ti dani provode ili u ugostiteljskim objektima ili u tržnim centrima. Također, kada je u pitanju djelatnost obrta i proizvodnje ovdje je definisano da je radno vrijeme ovakvih djelatnosti od 07 do 21,00 sat, poštujući prava ljudi na mir i uživanje u svom domu i tim noćnim satima, tako da je to definisano kroz radni period. Ostale djelatnosti koje su specifične po samoj svojoj suštini kao što je saobraćaj znači rad autobuskih stanica, taxi prijevoza, prijevoza putnika, bankarstvo, PTT usluge po pitanju šalterskog usluživanja, „Elektroprivreda“ po pitanju šalterskog opsluživanja, obrazovne i vaspitne ustanove, kao što su škole, obdaništa, zdravstvene ustanove, apoteka, ambulanta, hitna pomoć, privatne zdravstvene ustanove i sl. Veterinarske usluge samostalno utvrđuju svoje radno vrijeme posebnom odlukom u skladu sa članom 3. Ove

Odredbе da se to radno vrijeme mora istaknuti na javnom mjestu da svi oni koji koriste te usluge su upoznati. Ovo je jedna odluka koje je u nadležnosti Općinskog vijeća i mi smo kroz ovu odluku dali mogućnost da se nakon usvajanja Nacrta ove Odluke, Odluka stavi na raspolaganje našoj javnosti, udruženjima privrednika, privrednom sektoru da oni daju svoje primjedbe, sugestije i prijedloge i da se nakon toga uz konstatacije sa općinskim rukovodstvom na slijedećoj sjednici ova Odluka da u formi prijedloga i kao takva bi bila na primjeni u narednom periodu.

Član 7. odredbe ove Odluke se ne primjenjuju na ugostiteljske objekte zatvorenog tipa. To su objekti npr. Restoran „Bas“, to je privredni subjekt koji radi u okviru Kombinata „Natron-Hayat“ tu se rade tri smjene da se ne bi ograničili rad, restoran u okviru „HM promet“, „Bontex“ i sl.

Otvaram raspravu.

Vijećnik Hajrudin Ferić, ja ću oduzeti 30 sekundi od svog govora samo da ovo čujete (pustio je tonski snimak iz jednog objekta) eh, evo kako izgleda od 20,00 do 0,2 sata u sobi, u prostoru u kojem ljudi žive, petkom i subotom a koji se nalazi iznad ugostiteljskog objekta. Ima videozapis gdje je to u kojem dijelu sobe.

Da li je gospodine Bradariću član 6. i 7. da li je usklađen sa Zakonom o zaštiti buke i Zakonom o javnom redu i miru? Volio bih da mi to odgovorite obzirom da je u pitanju Nacrt, ako nije a ja tvrdim da nije da se izbriše iz ovog Nacrta prije nego što ode u javnu raspravu.

Ovo govorim zato što Zakon o zaštiti od buke jasno i decidno kaže slijedeće: „ Korištenje akustičnih uređaja na otvorenom prostoru dozvoljeno je ako nivo buke ne prelazi nivo propisane u tabeli, a radi zadovoljavanja potreba za održavanjem javnih skupova i organizovanja zabavnih i sportskih priredbi i drugih aktivnosti na otvorenom prostoru kad postoji mogućnost prekoračenja dozvoljenih nivoa buke, nadležni općinski organ će svojom odlukom odrediti mjesto održavanja i vrijeme trajanja navedenih aktivnosti“.

Član 20. Zakona o zaštiti od buke „Zabranjeno je obavljati radove, odnosno djelatnosti koje zbog prekomjerne buke uključujući i emitovanje muzike ometaju noćni mir i odmor u na/m u vremenu od 22,00 do 0,6 h u zimskom periodu i od 23,00 do 07, h idućeg dana u ljetnom periodu“ Kazne su propisane u članu 30. Od 2-10.000 KM. Isto to govori se i u Zakonu o javnom redu i miru. Da li je ova Odluka usklađena sa tim zakonima u članu 6. tačka 6. i 7.

Vijećnica Šefka Hasanić, s obzirom da nismo imali uvid u prethodnu Odluku, samo da mi iz Službe odgovore u kojim dijelovima se promijenilo dozvoljeno prekoračenje radnog vremena? Tiče se reprodukcije muzike u objektima. Isto pitanje se odnosi i na to ko je nadležan da izvrši reviziju, ako već nije, objekata koji će puštati živu muziku te da li ti objekti zadovoljavaju ove standarde po Zakonu o zaštiti buke? Imamo objekata u gradu koji reproduciraju muziku, ali mislim da nemaju zvučnu izolaciju koja će omogućiti normalan život ljudi koji žive u okruženju.

Vijećnik Mirsad Bejić, Klub vijećnika SDA prihvata nacrt Odluke o radnom vremenu u određenim djelatnostima na području općine Maglaj, kao osnovu za provođenje javne rasprave.

Ferhat Bradarić,

Kad je u pitanju člana 6. Stav 6 i 7. Ovo su odredbe koje su bile na snazi od 2009. Godine, kao takve su preuzete u ovom slučaju i to je bio stav i Općinskog načelnika da treba dati mogućnosti.

Kad je primjena odredbi Zakona o buci mi smo kao općinski organi dužni da prilikom izdavanja odobrenja zatražim saglasnost, ili da utvrdjemo uslove po pitanju da li takvi objekti poštuju, bez obzira da li je to ugostiteljski objekat, da li je to trgovinska radnja, da li je to obrtnička radnja svi ti objekti proizvode određenu buku i ta buka može da bude čak u nekim slučajevima i veća od buke kad je u pitanju reprodukcija muzike. Tako da je to zakonska odredba kod izdavanja odobrenja za rad trgovinskih radnji i kod obrtničkih radnji. To podnosioci zahtjeva po zakonu dokazuju svojom izjavom gdje kažu da pod punom materijalnom i krivičnom odgovornošću potvrđuje da ispunjava uslove za obavljanje djelatnosti a to su ti minimalni tehnički i eksploatacioni uslovi. Kad je u pitanju ugostiteljska djelatnost u tom slučaju Općina formira komisiju koja utvrđuje da minimalne tehničke i eksploatacione uslove, a jedan od dokaza koje mora predložiti prilikom podnošenja zahtjeva za 15 tipova ugostiteljskih objekata izuzeto je samo šaltersko opsluživanje kad je u pitanju brza hrana, svi ti objekti moraju dostaviti dokaz da je taj objekat izgrađen ili da postoje aparati i uređaji koji su izdati od strane nadležnog organa, da li je to kantonalni zavod za javno zdravstvo, ili je kantonalna agencija i kao takav dokaz mora da stoji u spisu predmeta. U najmanjem slučaju mora da postoji dokaz ako su u pitanju novi objekti ili rekonstrukcija i sanacija tih objekata dokaz izvođača ili nadzornog organa ili projektnog biroa da je prilikom izvođenja izgradnje objekta ispoštovane odredbe ovih članova Zakona o buci, gdje je dozvoljen nivo buke 30, odnosno 40 decibela, da li je u pitanju unutrašnje ili vanjsko emitovanje te muzike.

Općina kao Općina, to poštuje i mi smo obvezni i prilikom podnošenja zahtjeva to se traži. Druga je stvar po pitanju kontrole, obzirom da mi u Općini nemamo turističko-ugostiteljskog inspektora to je nekad bilo do prije nekih 9 godina i Općina je mogla u tim slučajevima da interveniše od 2008. Ili 2009. Godine uglavnom to je u nadležnosti kantonalne uprave za inspeksijske poslove koji imaju svoje odjeljenje u Maglaju u prostorijama PBS i u nadležnosti federalne uprave za inspeksijske poslove koje imaju svoja odjeljenja u Zenici i ti inspektori su na terenu i oni to kontrolišu. Mi u ovakvim situacijama gdje imaju primjedbe građana i dostavljaju se na adresu Općinskog načelnika ili direktno nama u Službu, takve se prosljeđuju i traži se intervencija inspeksijskih organa,

u svakom slučaju traži se intervencija i kantonalne i federalne turističko-ugostiteljske inspekcije, ako se desi, ali mi nemamo nadležnosti niti možemo biti inspektori jer nismo inspektori.

Po pitanju da li je ovo u skladu sa odredbama zakona, mi smo imali prije 2-3 godine situaciju gdje je jedan naš sugrađanin pokrenuo sport protiv jednog vlasnika ugostiteljskog objekta po pitanju korištenja muzike u dane vikenda gdje Općinski načelnik svojom odlukom odobrava za pojedine tipove ugostiteljskih objekata gdje se drži muzika uživo. Obzirom da je Zakonom o ugostiteljskoj djelatnosti od tih 16 tipova ugostiteljskih objekata za tri se direktno vezalo da se može držati muzika uživo, to su disko klub, noćni bar i noćni klub. Muzika uživo samo u ta tri ugostiteljska objekta, znači hoteli, restorani, moteli, sve ostalo ne spominje i ne spominje uopšte muziku uživo. Imali smo jedan zvaničan upit prema Ministarstvu, obzirom da je donosilac Zakona o ugostiteljskoj djelatnosti Federalno Ministarstvo turizma i okoliša, tražili smo od njih tumačenje da li se i u kojim slučajevima može dati odobrenje za pojedine tipove ugostiteljskih objekata, tipa restoran, hotel, motel, kafe bar, obzirom da za njih striktno nije navedeno to u Zakonu. Tumačenje imam u Službi gdje je rečeno da Općinski načelnik svojom Odlukom može dati odobrenje ovakvim tipovima ugostiteljskih objekata da drže muziku uživo i to su neke situacije proslave, godišnjice objekta, u dane vikenda, nekih praznika, manifestacija itd. Ostavljena je sloboda Načelniku da može donijeti takvu Odluku. Nama je to dovoljno i da je to u skladu sa Zakonom.

Vijećnik Hajrudin Ferić, hoću da spomenem da ovaj snimak je 150 dana u godini i po prvoj tački dnevnog reda govorili smo o kabadahijama koje treba srezati i pokazati im. Kada je ova djelatnost ovaj dio član 6. Stav 6 i 7. Također imamo četiri kabadahije koje se vade, pa čak i prijete, i meni su upućivali teške prijetnje zbog zahtjeva da se ispoštuje ovaj Zakon i zakonske odredbe, samo zato što pričaju priču o nekoj, treba da se mladi zabave, treba da se živi, treba da se zarađuje... A desetine ljudi su se obraćali Policijskoj stanici i znaju oni vrlo dobro, ako ne i stotine ljudi za taj problem i nikad niko nije rekao da se ograniči ili da se zabrani, nego da se ti ugostitelji, da ulože malo i da poštuju one tehničke propise kakvi su u Zakonu o zaštiti od buke, jasno i decidno propisane. Neka rade 24 sata, ali isto tako da građani ove općine Maglaj budu zaštićeni, da imaju svoje pravo i na zdravlje, i na sigurnost.

Niste mi odgovorili Zakon o zaštiti od buke u članovima koje sam vam citirao jasno, decidno, precizno kaže da je to zabranjeno i do kad se to radi. Isto tako sve tehničke pretpostavke, treba da radi Služba za urbanizam, treba da napravi kartu buke, da napravi reviziju ovo što je upitala gospođa Hasanić, da izvrši reviziju postojećih objekata i naravno da nakon toga i na osnovu toga izdaje odobrenja gdje može biti akustične muzike i koliko decibela itd. Tamo piše ko vrši nadzor nad tim. Nadzor vrši policijska i nadležne inspekcije, ali šta je to prije nadzora. To je ona obaveza države i organa uprave u tom dijelu. U ovoj Odluci koju ste ponudili i protiv koje ja nemam apsolutno ništa, napravili ste nešto da nam bude veća kaubojsčina, nego što je imamo a niste čak ni napisali ni riječi ni rečenice o prethodnim mjerama koje moraju biti ispoštovane, striktno kontrolisane da bi došli do ove Odluke. U članu 6. tačka 6 i 7. Prema tome, ja opet apelujem izbrišite, nanosite teškoće i probleme građanima kroz ovaj nacrt, a isto tako i ljudima iz Policijske stanice i vjerovatno će biti priče. Ja neću da se javljam kad je u pitanju Informacija o stanju javnog reda i mira za 2017. Godinu, ali drago mi je da je tu Komandir koji može da potvrdi i da kaže s kojim problemima i na koji način se oni hrvaju s tim. Samo zato što neko nije u postupku čitavom uradio svoj dio posla, odnosno treba da ga počne raditi u narednom periodu, a to nam i jest cilj ove odluke, da ga radimo u narednom periodu, a ne da pokrивamo nešto i da još pojačavamo kaubojsčinu.

Ferhat Bradarić, da malo pojasnim, mi nismo uveli nikakve odredbe niti nova neka pravila ponašanja. Mi smo sad imamo na snazi Odluku Općinskog vijeća broj: 02-05-1-675/04 i Odluku broj 02-05-1-406/09 od 12.02.2009.godine kojima je definisano ovo i ova Odluka je na snazi. Ta Odluka iz 2009.godine je na snazi, ova odluka je na snazi i dan danas i ona će se staviti van snage ovom Odlukom, a to je odluka Općinskog vijeća. Nismo mi ništa novo uveli, mi smo samo te odredbe prepisali kakve su na snazi iz 2009.godine. Kad je u pitanju utvrđivanje tih uslova za obavljanje djelatnosti za nekog ko hoće da obavlja ugostiteljsku djelatnost, on nama prilikom podnošenja zahtjeva a to se primjenjuje od sredine 2015.godine, znači jedna od odredbi koje mora ispoštovati i mora dostaviti prilikom podnošenja zahtjeva je da je ispoštovao pravila i zakonske odredbe Zakona o buci iz 2015.godine. To je nama odredba koju mi primjenjujemo. Da li je ta Agencija, Zavod ili neko treći ko je mjerodavan izdao lažne podatke za to treba odgovarati. Mi to imamo u spisu. Imamo mjerodavan dokaz da je neko potvrdio da taj objekat ispunjava uslove za ugostiteljske djelatnosti. Znači poštivanje zakonske odredbe Zakona o buci. Da li je to falsifikat ili nešto drugo, to je zvaničan originalan dokument koji nama stoji, niti sam ja inspektor, niti ja mogu u to sumnjati. Da li je to izvođač koji je radio taj objekat i rekao da je tu ispoštovao sve to, tu je Agencija koja je izvršila mjerenje s tim aparatom i da je to u granicama zakonskih odredbi, ja to moram prihvatiti kao zvaničan dokument.

Vijećnik Hajrudin Ferić, ova Odluka o kojoj vi govorite je iz 2009. godine. Zakon o zaštiti od buke, je donesen 2014. Godine u tom Zakonu kaže da se mora izvršiti revizija svih ovih dozvola. Tako jasno i decidno stoji, isto tako i Federalni Zakon. Nema potrebe da stoji korištenje muzike u ovoj odluci o radnom vremenu. Radno vrijeme ugostiteljskih objekata može da bude kako mi kažemo od 0-24. Korištenje muzike, akustični uređaji regulisano je Zakonom o zaštiti buke, federalnim i kantonalnim i Zakonom o javnom redu i miru. Prema tome, ovo što stoji ova dva stava su nezakonita. 2003. Godine ovo što aludirate, dobili su ljudi papir da u zatvorenom prostoru sa limiterom mogu da postignu 90 decibela, poslije poplave i poslije stupanja na snagu ovog

Zakona kad je trebalo izvršiti reviziju nije bitno ko je nadležan, zna se ko pokreće reviziju i ko je radi, nikad to nije urađeno. Prema tome, nemojte govoriti neko falsifikovao, oni su tad 2003. godine imali, pitanje je da li imaju 2014.godine treba napraviti reviziju. Ne samo oni, nego i neki drugi.

Ferhat Bradarić, Po pitanju primjene zakonske odredbe koje su lekspecijalis po svojoj suštini, tipa Zakon o ugostiteljskoj djelatnosti on je tačno u zakonskim odredbama rekao da će prilikom podnošenja zahtjeva, podnosilac zahtjeva uz zahtjev podnosi taksativno dokumente, koje prilikom vođenja administrativnog postupka taj neko ko radi u Općini, mora imati prilikom izdavanja utvrđivanja uslova za ove djelatnosti. 2015. Godine Kantonalni zakon o buci je uveo u obavezu organima uprave da moraju tražiti pored ovih taksativnih odredbi koje su definisane Zakonom o ugostiteljskoj djelatnosti i dokaz da je ispoštovao Zakon o buci. To se traži, a što se tiče, mi smo predložili nešto što nije bilo na snazi od 2009.godine, što se tiče mene, mi primjenjujemo ono što vi usvojite.

Problem je što mi nemamo ugostiteljsko-turističku inspekciju da Načelnik pošalje tog inspektora u kontrolu da izvrši reviziju, to je nadležnost kantonalne i federalne uprave i oni imaju svoj način rada i instrukcije, organe rukovođenja. Mi možemo tražiti od njih intervenciju, ali u takvim situacijama oni udare po svima i onda na kraju bude i po organu uprave zabranjuje, otežava se rad. On neće doć konkretno na jedan objekat, on će doći na 20 objekata. Oni kontrolišu sve, to su inspekcije, to je naše iskustvo. Mi smo predložili Nacrt dokumenta koji je bio u skladu sa aktima koji su na snazi, a koje je donio ovaj organ od 1997. pa do 2009.godine, koji se konkretno odnosio na ovaj Zakon o radnom vremenu. Mi smo samo u ovom slučaju uveli odredbu da trgovinski objekti ne rade do 21,00 sati. Po staroj Odluci je bilo do 21,00 sati, mi smo svjedoci da oni rade do 23,00 sata, do 22,00. Tržni centar „Konzum“ radi do 22,00 sata. Po staroj odluci on je mogao raditi do 21,00 sat. Računamo da će se desiti tržni centar u Maglaju, bilo bi ružno da oni rade do 21,00 sat, kad svagdje u okruženju rade do 22,00 sata. Mi smo to stavili do 22,00 sata i neke stvari smo uveli, generalno ove ostale stvari to su sve odredbe koje su bile na snazi kroz ovu Odluku iz 1997.godine i tri izmjene i dopune odluka iz 2000., 2004., 2009. godine. To su odluke koje su na snazi, samo su u međuvremenu trebale doživjeti izmjene i dopune, jer su zakonski propisi na koje su se oni pozivali stavljene van snage. Odluka iz 1997.godine poziva se na Zakon iz SRBiH, ali zato ova odluka je nezakonita.

Vijećnik Edib Delić je napustio sjednicu Vijeća zbog neodložnih poslova, tako da Vijeće radi sa 24 vijećnika.

Vijećnica Šefka Hasanić, stav Kluba vijećnika SDA je iznio gospodin Mirsad Bejić, ja ću predložiti u postupku, znamo da je ovo Nacrt odluke, do Javne rasprave da se izvrši revizija objekata koji mogu reproducirati živu muziku da to bude da ne namećemo ni vlasnicima prostora nekakve dodatne troškove ili da im umanjujemo djelatnost, a ujedno da zaštitimo interes građana po pitanju reproduciranja muzike i poštivanje Zakona o zaštiti od buke, da se izvrši revizija objekata koji zadovoljavaju te uslove. Da Općinski načelnik ili Općinsko vijeće odredi instituciju koja će to uraditi.

Ferhat Bradarić, moram vas podsjetiti da se ne bi upustili u nešto što može izazvati jedan kontraefekat. Mi na nivou općine ugostiteljskih radnji imamo registrovanih negdje oko 50. Imamo kroz pravna lica isto tako nekih 50. To je nekih 100-tinjak privrednih subjekata bilo kao fizička lica, ili kao d.o.o, registrovani za pružanje ugostiteljskih usluga. Ako mi budemo tražili nekoga da izvrši reviziju tih objekata, to će biti masovan pristup, ne samo u Maglaju tipa 3-4 objekta, to će biti i u Šeheru gdje ima 20-30 ugostiteljskih objekata. Svi oni mogu držati muziku uživo, to su ugostiteljski objekti, gdje po Zakonu o ugostiteljskoj djelatnosti, rečeno je samo za disko klub, noćni klub i noćni bar. Mi u Maglaju imao samo jedan disko klub a to je „Winner club“, koji po zakonu kaže da može držati muziku uživo. Ako mi budemo tražili reviziju bilo kantonalnu ili federalnu, pošto je njihova nadležnost kontrole rada tih objekata i po pitanju utvrđivanja uslova oni će krenuti poredu, vjerujte. To može biti kontra efekat, ni jedno Općinsko vijeće niti neki organ nije tražio tako neku represivnu mjeru. Vjerujte, mislim da to ne bi bilo dobro.

To najbolje znaju oni koji su građevinske ili arhitektonske struke. Prilikom projektovanja i izgradnje objekta zahtijevaju se određene mjere i radnje koje treba da ispuni objekat koji će pružati ugostiteljsku djelatnost. Taj objekat mora imati visinu stropova, dubinu zidova, izolacione stvari itd. Mora imati namjenu tog objekta da je objekat za ugostiteljsku djelatnost. Većina tih objekata je prilikom otvaranja registrovana kroz djelatnost, kroz dokaz o objektu je upotrebna dozvola. Na upotrebnoj dozvoli ne piše da je to objekat namijenjen za ugostiteljsku djelatnost, trgovinsku ili neku treću. Ako to budete tražili to su zahtjevi prema urbanizmu da se formiraju komisije koje će izvršiti reviziju tih objekata, donošenje upotrebni dozvola za te objekte, ispunjavanje tih uslova i to je nešto što će izložiti te ljude enormnom trošku, zatvoriti im vjerovatno rad na neki period možda 6 mjeseci svima, e sad da li je to cilj? Vjerujte, nemojte gledati samo u ta tri objekta, gledajte i na Šeher i na Kopicice, gdje god ima ugostiteljski objekat do Kosove, Moševac, svi ti objekti će biti predmet.

Vijećnica Šefka Hasanić, mislim da se nismo razumjeli. Nisam govorila o svim objektima, imamo vjerovatno u Općini spisak objekata koji svakodnevno traže produženje i dozvolu za puštanje muzike u svojim objektima. Nismo tražili reviziju za svih 100 objekata i ne bi to obuhvatilo svih 100 objekata, jer svih 100 objekata ne podnose zahtjev za reviziju. Znači samo za pojedine objekte.

Vijećnik Elvir Vehabović, tema današnje tačke je odluka o radnom vremenu u određenim djelatnostima na području općine Maglaj. Znači radno vrijeme od - do, a da se samo izbriše korištenje reprodukcije žive muzike što potpada pod drugu djelatnost i da se to reguliše drugi dan. To je suština te priče, da se izbrišu ova dva pasusa, a da ostane radno vrijeme, a buku, zidove, stropove, prozore, stakla ostavite za druge odluke.

Općinski načelnik Mirsad Mahmutagić, previše se otvorila priča, radi se o Nacrtu. Dobro je čuti ove primjedbe, ali nema potrebe za zahtjevima koji nisu realni. Nema smisla da kontrolišete tri objekta, il kontrolišete sve ili nikoga.

Hoću da vas zamolim da malo kanališemo, radi se o Odluci o radnom vremenu. Radi se o nacrtu i evo danas su ovdje iznesene primjedbe, uvažiti će Služba i primjedbe i bit će javna rasprava, nakon toga će doći prijedlog sa ovim dijelom koji se odnosi na muziku, bez njega, onako kako bude riješeno u međuvremenu će Služba dobiti nalog, što sam ja i davno rekao. Ima muzike i u Sarajevu, Zenici, Doboju, zatražit ćemo da vidimo kakve su njihove odluke, pa ćemo i mi poštovati, nećemo bit' izvan svijeta.

Da ima nedostataka u dosadašnjem korištenju, da ima pretjerano glasne muzike, da ima nepoštivanja vremena, to je sigurno i to je nešto što moraju uvažiti i inspekcija, nadležna Policijska stanica itd. Ne kažem da ne radi Policijska stanica svoj posao ili inspekcija, ali očigledno ima potrebe. Pitanje je mogu li i pokriti čitav grad. Kad imate muziku kako je rekao Ferhata ne može se to odnositi na 2-3 objekta u gradu, ova Odluka kad se donese odnosi se na sve objekte na području općine Maglaj. To je jasno i molim vas da ne gubimo više vrijeme. Iznijeli ste sve primjedbe, bit će Javna rasprava, na Javnoj raspravi će biti još primjedbi, pa ćemo onda pokušati napraviti jednu kvalitetnu Odluku. Nije nam u interesu da ušutimo grad, da zatvorimo grad, nije nam interes da ugrožavamo i privatne živote stanara. Ja stanujem 9 godina u kvartu gdje su u dva objekta muzika uživo, znam kako mi je kad se u 2 ili 3 sata istrese vreća flaša u kontejner i koliko to zveči. Molim vas da više ne dižemo tenzije da idemo s Nacrtom, ili, ako hoćete skinite skroz. Da idemo s Nacrtom, pribavit ćemo u međuvremenu iz ostalih općina i gradova da vidimo kako su oni regulisali, prezentirat ćemo i to na javnoj raspravi i onda ćemo donijeti određenu odluku, vjerovatno kvalitetniju nego ovu što imamo.

Vijećnik Hajrudin Fermić, neka ide u javnu raspravu imamo jako dobro iskustvo sa raspravama o Odluci o javnom redu i miru, o Odluci o javnim okupljanjima. Godinu dana se to razvlači na nacrtima i po javnim raspravama u kome imamo jedan pismeni prijedlog Policijske stanice Maglaj koji je došao u mješovitu radnu grupu. Zato bih molio ako ste vi sad spremni da kažete šta vama čini, ovaj pravni kaos u vašem radu, ukoliko ste spremni, ukoliko niste ja bih volio sad da čujem jer sigurno ne srećete se od jučer sa ovim problemom, nego i te kako svakodnevno i kako ga vi rješavate.

Alen Mušić, Komandir PS, ja sam se nadao da ću na kraju uzeti riječ, ali pošto gospodin Fermić zahtijeva da ja iznesem stav o problemima sa kojima se mi susrećemo kad je u pitanju provedba Zakona o javnom redu i miru, odnosno reprodukcija muzike, da li sa uređaja ili muzike uživo.

Ono što je naša nadležnost jeste da provodimo Zakon o javnom redu i miru ZDK koji kaže u svom jednom članu, ko izvođenjem, odnosno pjevanjem i igranjem ili izvođenjem i reprodukcijom muzike sa zvučnih uređaja ili uživo, protivno ili bez odobrenja nadležnog organa narušava javni red i mir, tada smo mi u nadležnosti da poduzmemo mjere po Zakonu o javnom redu i miru i naravno ovaj Zakon o buci koj predviđa određene decibele da bi se to moglo u određenom prostoru ispoštovati.

U praksi mi se srećemo s obzirom da se reprodukcija muzike da li sa uređaja ili muzika uživo izvodi uglavnom u ugostiteljskim objektima koji su smješteni u blizini stambenih objekata ili stambenim objektima, mi imamo situaciju pogotovo u kasnim večernjim satima ili određen ili veći broj prijavi kada se ta muzika izvodi sa jačinom muzike da ljudi prijavljuju da ne mogu spavati da ujutro trebaju na posao, da li je to zimski ili ljetni period svejedno. Onda mi dolazimo na prijavu gdje imamo i obavljamo razgovor sa vlasnikom ili nekim od radnika ugostiteljskog objekta, gdje oni predoče da imaju odobrenje nadležnog organa i mi onda imamo tu jedan oprečan stav da on krši Zakon o javnom redu, a mi nemamo uređaja jer on nije vjerovatno ispoštovao te uslove za izvođenje reprodukcije muzike da li uživo ili sa zvučnih uređaja. Mi ako utvrdimo da je prijava osnovana, podnosimo zahtjevu Sudu za pokretanje prekršajnog postupka i to se dalje završava na sudu. Ono što je u praksi, naše je mišljenje da većina tih objekata ne ispunjavaju uslove one koje Zakon o buci predviđa za reprodukciju muzike uživo, a govorimo samo o onome kada mi po prijavi postupamo, kada policijski službenik uoči na terenu to je ta situacija a mi ne ulazimo u radno vrijeme do kad će to trajati i do kad će se muzika uživo izvoditi, samo onaj ko to radi ne može narušavati javni red i mir, odnosno ne bi trebao ugrožavati druge građane u njegovom miru. Onda mi imamo tu jednu situaciju ili dilemu u pogledu ovog Zakona o buci, Zakona o javnom redu i miru, odnosno ispunjavanju uslova o reprodukciji muzike da li uživo ili sa zvučnih uređaja. To je ono što je naš policijski posao po ova dva zakona, ali da imamo takvih situacija, imamo pogotovo kada se nekad i u ljetnom periodu u ljetnim baštama izvodi muzika, a naravno tamo zakon reguliše kada se može određeni datumi i lokacijama.

Predsjedavajuća OV, imali smo materijal u nacrtu Odluke o radnom vremenu, zaključujem raspravu i stavljam na glasanje

Z A K L J U Č A K

- 4.1. Usvaja se Nacrt Odluke o radnom vremenu u određenim djelatnostima na području općine Maglaj.
- 4.2. Zadužuje se Služba za privredu, finansije i razvoj poduzetništva da u periodu javne rasprave uključi što više subjekata, mjesne zajednice i udruženja, a da se na javnu raspravu pozovu i predstavnici Policijske stanice.
- 4.3. Zadužuje se Služba za privredu, finansije i razvoj poduzetništva da provede javnu raspravu u trajanju od 30 dana.

Glasalo 20 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Mustafa Bešić, samostalni vijećnici, Josip Jurišić (HDZ) Adis Abdurahmanović, Nedžad Alispahić, Avdić Selma, Mirsad Bežić, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić samostalni vijećnik.

Glasalo 4 glasa uzdržan : Elvir Vehabović, Mustafa Bešić, Fikret Delić i Hajrudin Ferić.

AD - 5 Odluka o razrješenju člana OIK-a Antolović Dragice, zbog isteka mandata;

Predsjedavajuća OV, kako ste dobili u materijalu, gospođi je istekao mandat te se usljed toga razrješava dužnosti. Ova Odluka bi stupila na snagu danom dobijanja saglasnosti od strane CIK-a.

Otvaram raspravu

Nije bilo rasprave, zaključujem raspravu i stavljam na glasanje

Z A K L J U Č A K

5.1. Donosi se Odluka o razrješenju člana OIK-a Antolović Dragice, zbog isteka mandata.

Glasalo 24 glasa za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBIH), Hajrudin Ferić (DF), Fikret Delić, Mustafa Bešić, Kanita Bašić samostalni vijećnici, Josip Jurišić (HDZ) Adis Abdurahmanović, Nedžad Alispahić, Avdić Selma, Mirsad Bežić, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić samostalni vijećnik.

AD - 6 Rješenje o imenovanju sekretara OIK-a;

Otvaram raspravu

Vijećnik Safet Jašić, ja nisam vidio da ima obrazloženje za ovo Rješenje što se tiče sekretara. Mislim da nema niko ko bi trebao da bude imenovan.

Mi ćemo uzeti 10 minuta pauze.

Predsjedavajuća OV, nema razloga to je bila naša diskusija u januaru i to je proisteklo kao zaključak prilikom usvajanja Izvještaja OIK-a.

Vijećnik Safet Jašić, mi nismo bez razloga ovo rekli i poslije pauze Klub vijećnika SDA predlaže da se ovo Rješenje malo doradi u smislu kad su u pitanju ovdje ništa se ne navodi. Znači uslove koje kandidat treba da ispunjava. U smislu kvalifikacija, ne znamo po tom pitanju ko može bit postavljen za sekretara. Da se opiše tačno radno vrijeme sekretara, znamo rok do kad sekretar obavlja tu obavezu znači do konačnog proglašenja izbora i da bude neki rok za prijavu. Mi nismo bili sad u mogućnosti da bilo koga predložimo bez saglasnosti osobe koju bi predložili. Uslovi kandidata što se tiče kvalifikacije i dužinu znamo do okončanja i proglašenja izbora.

Vijećnica Svjetlana Zamboni, dat ću sebi za pravo iako nisam član OIK-a ali sam u kontinuiranom kontaktu sa predstavnicima CIK-a da vas informišem da ćemo mi vrlo vjerovatno morati održati i vanrednu sjednicu Općinskog vijeća samim početkom maja, prije otvaranja izbora. Očekujem da bi se ta sjednica mogla održati 5. ili 7. Vidjet ćemo još i do CIK-a je nije samo do nas. I na fonu ovoga što ste vi rekli, predložila bih da iskoristimo priliku pa da obzirom da prijedlog sekretara ide od Načelnika prema Općinskom vijeću mogao je i Općinski načelnik u skladu sa zakonom imenovati sekretara, međutim i do sada je Općinsko vijeće davalo svoje mišljenje o tome, pa ni ovaj put nije izostavljeno mišljenje Općinskog vijeća. Ukoliko se slažete a vrijeme nam dozvoljava da uvažimo ove sugestije iznesene od gospodina Jašića vezano za kvalifikaciju, ona će zasigurno biti ista kao i za članove OIK-a, koji su popisani Zakonom, ali da i to bude dio obrazloženja ako ne rješenja. Da se na određeni način utvrdi i radno vrijeme sekretara, da se definišu. Pošto nema rokova za prijavu, prijave su prijedlozi koji mogu doći do Općinskog načelnika i ja bih rekla da možemo mi na Kolegiju ako se slažete iznijeti svoje prijedloge da Općinski načelnik, onda na sjednicu Općinskog vijeća koja će biti održana početkom maja da tada odlučimo i o ovom predmetu.

Vijećnica Šefka Hasanić, čisto da bi bilo javno i transparentno i otvoreno radno mjesto na tih šest mjeseci za sve građane općine Maglaj da se objavi poziv za prijavu kandidata. Da to bude nekakav rok od 5 dana i da se zainteresovani kandidati jave.

Predsjedavajuća OV, ne ide tom procedurom imenovanje sekretara, nego na prijedlog Općinskog načelnika imenuje se sekretar. Mi kao političke partije možemo zastupati interese svojih građana i ljudi koji žele da rade taj posao. Zaključujem raspravu i stavljam na glasanje

ZAKLJUČAK

6.1. Vraća se na doradu Rješenje o imenovanju sekretara OIK-a i obavezuje se Služba da ugradi elemente koji su navedeni u Rješenje.

Glasalo 24 glasa za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Fermić (DF), Fikret Delić, Mustafa Bešić, Kanita Bašić samostalni vijećnici, Josip Jurišić (HDZ) Adis Abdurahmanović, Nedžad Alispahić, Avdić Selma, Mirsad Bejzić, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić samostalni vijećnik.

Predsjedavajuća OV, gospodin Jašić je sugerisao da traži i pauzu za ručak. Određena je pauza za ručak do 13,35 minuta.

AD – 7 Izvještaji o radu JU Centar za socijalni rad Maglaj za 2017. godinu i Program rada za 2018. godinu;

Otvaram raspravu.

Vijećnik Firuz Galijašević, Klub SDP-a će prihvatiti Izvještaj o radu JU Centar za socijalni rad i podržat će Program rada za 2018. godinu.

Moram napomenuti da mi je drago za saradnju koja se ostvaruje sa novom direktoricom, a vezano je za zdravstvenu zaštitu lica koja su materijalno neobezbijedena tj. lica u stanju socijalne potrebe, ili u većini slučajeva to su povratnici. Molio bih samo ako se može uputiti dopis Ministarstvu za rad, socijalnu politiku i izbjeglice ZDK da prošire obim korištenja zdravstvenog osiguranja, odnosno da pokušaju produžiti privremeno korištenje zdravstvene zaštite za osobe koje nemaju pravo ni po kojem osnovu da koriste zdravstvenu zaštitu. Nadam se da će to pozitivno da se riješi.

Vijećnica Svjetlana Zamboni, po prvi put kako usvajamo izvještaj o radu JU i JP i Programe njihovog rada to ide onako kako je i propisano zakon. Znači između Općinskog vijeća i Ustanove nalazi se Upravni odbor koji i podnosi nama Izvještaj i smatram da u slučaju kao što je JU Centar za socijalni rad, ukoliko je njihov izvještaj podržan od strane UO, kao i Program rada za 2018. godinu da mi kao Općinsko vijeće na neki način imamo također obavezu da podržimo njihovo mišljenje. Naravno sve pozitivne sugestije ili kritike o radu bilo koje Ustanove su dobro došle kako rukovodiocima ustanova, tako i članovima UO koji to mogu realizovati kroz svoj rad.

Vijećnik Hajrudin Fermić, imam stav ispred političkog subjekta iz kojeg dolazim da prenesem da mi kad je u pitanju Izvještaj o radu svakako ne bi previše ni komentarisali ni analizirali, prihvatit ćemo ga obzirom da su u prethodnih godinu dana bio v.d. direktora, a za Program da pružamo punu podršku novom menadžmentu u planovima i programu i onim ciljevima koji su zacrtani. Želim da istaknem neke i političke ciljeve koje ćemo kroz Vijeće pokušavati ganjat, a vidimo da su i napisani u ovom Programu. Prije svega to je saradnja JU Centar za socijalni rad sa nevladinim organizacijama, udruženjima građana, mjesnim zajednicama, međunarodnim i domaćim institucijama i pokazalo se već da i te kako ima efekta i pozitivnih komentara na ove aktivnosti unutar Centra za socijalni rad. To nam je jako važno jer nastojimo i zalažemo se za tim da Centar za socijalni rad bude ono što i piše u zakonu nosilac socijalne zaštite na području općine Maglaj. Ono što je također važno naglasiti da mi ne odustajemo od onih zahtjeva ili molbi pa i nastojanja da se sačini jedan sveobuhvatan registar lica u stanju socijalne potrebe na području cijele općine Maglaj koji nam je i te kako potreban. Znamo da je tu potrebno dosta vremena, dosta i sredstava i kadrova i u tom smislu mi ćemo insistirati od nadležnih institucija da pomognu Centar za socijalni rad kako u finansiranju, tako i osiguranju neophodnog kadra za ovu ustanovu i organizaciju. Naravno preporuka da se svi mi više angažujemo na realizacija i zakonskih, kao i međunarodnih i drugih projekata prema nama kad je u pitanju zaštita žrtava u porodici ili žrtava maloljetničke delikvencije. Također želimo da pohvalimo i ovaj pokušaj i uspjeh da se očuva i živi logoped. Nadam se da će se tu napraviti jača saradnja sa Domom zdravlja, da logopeda imamo u nekom stalnom periodu sa sigurnim izvorima finansiranja.

Predsjedavajuća OV, zaključujem raspravu i stavljam na glasanje

ZAKLJUČAK

7.1. Usvaja se Izvještaj o radu JU Centar za socijalni rad Maglaj za 2017. godinu.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Fermić (DF) Fikret Delić, Mustafa Bešić, Kanita Bašić samostalni vijećnici.

Glasalo 11 glasova uzdržano : Adis Abdurahmanović, Nedžad Alispahić, Avdić Selma, Mirsad Bejzić, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić samostalni vijećnik, Josip Jurišić (HDZ).

7.2. Usvaja se Program rada za 2018. godinu.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Fermić (DF) Fikret Delić, Mustafa Bešić, Kanita Bašić samostalni vijećnici.

Glasalo 11 glasova uzdržano : Adis Abdurahmanović, Nedžad Alispahić, Avdić Selma, Mirsad Bejzić, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić samostalni vijećnik, Josip Jurišić (HDZ).

AD – 8 Izvještaji o radu JU Dom kulture „Edhem Mulabdić“ Maglaj za 2017. godinu i Program rada za 2018. godinu;

Otvaram raspravu

Vijećnik Hajrudin Fermić, trebalo bi nešto malo više da progovorimo o svim ovim materijalima.

Računao sam da u prihodima koje su pokazale ove JU i JP imamo 11 miliona. 11 miliona obrću ove JU i JP godišnje i da zapošljavaju 190 radnika. Ono što samo po sebi pokazuje kolika je to odgovornost i da se vode te ustanove i menadžmentima, ali isto tako i kolika je odgovornost i nas kao Općinskog vijeća, naravno i najvećim dijelom općinske administracije u nadzoru u saradnji itd. Kad su u pitanju sve te aktivnosti. Ja bih volio i danas čuti odgovor imamo sve relevantne subjekte zašto Dom kulture praktično jedina javna ustanova u kojoj se u Budžetu Općine ne planiraju sredstva za plaće. Da li je to interes te ustanove, ili je to nešto što je u prošlosti tako prolazilo, ali mislim da bi jednu zaštitu tih zaposlenih ljudi svakako trebali da ima u narednim periodima, a naravno da nipošto ne bi smjeli u tome i da zaboravimo i ono zašto je registrovana ta ustanova. To su organizacija kulturnih i drugih manifestacija i događaja. Ja želim da istaknem da u Domu kulture se da primjetiti da je u prethodne četiri godine, ako se ne varam preko 150.000,00 KM, nekog minusa i dugovanja za plaće taj dug došao na nivo od prilike 34.000,00 KM, što svakako treba izvući kao pozitivan primjer. Ono što želim ovdje naglasiti nama treba neka tematska rasprava o pitanjima u oblasti kulture, a to je da odavno postoji, mislim i zna da je bila i direktorica član Tima za izradu Strategije kulturne politike ZDK koja važi već 3-4 godine i gdje su bile određene obaveze između ostalog i na općina i općinskim vijećima da urade svoje strategije kulturne politike. Mi to u onom prethodnom periodu nismo uradili, čak nikad i nismo imali u prethodnom sazivu vijeća nije ni bilo neke rasprave o kulturi, a jako je važno da određene stvari postavimo na svoje mjesto. U toj Strategije kulturne politike između ostalog stoji da se mi svi zajedno planski moramo okretati više tom komercijalnom efektu i ja vidim ovdje u vašem izvještaju da ste vi vlastitih prihoda imali 95.000,00 KM i mene zanima kakva je to i struktura tih vaših vlastitih prihoda, puno stvari bi se tu moglo vidjeti, pročitati, ali znam da nema puno vremena da otvaramo sve te stvari. Mislim da bi dobro bilo da Načelnik formira Savjet za kulturu pri općinskoj administraciji, mislim da je to čak i obaveza iz Strategije kulturne politike i da taj savjet postavi ova neka pitanja na dnevni red i da kad dođe vrijeme i informiše Općinsko vijeće Maglaj o tome. Puno bi se moglo toga pričati.

Vijećnik Armin Hrnjić, izvještaj o radu JU DK „Edhem Mulabdić“ Maglaj za 2017. godinu i Program rada za 2018. godinu Klub SDP-a će prihvatiti i podržati. Želimo pohvaliti organizacije brojnih kulturnih, sportskih i društvenih manifestacija koje su se desile u proteklih godinu dana. Posebno bih pohvalili rad Kino- sale, napokon imamo premijere nekih svjetskih blokastera u Maglaju te imamo i filmove za naše mališane.

Vijećnica Šefka Hasanić, ja ću iznijeti par zamjeri ispred Kluba vijeća SDA, a odnose se prvenstveno na održavanje Sportske dvorane. Posjetioci Sportske dvorane, članovi sportskih kolektiva i učenici osnovnih i srednjih škola su jednoglasni u stavu da je danas Sportska dvorana zapuštena. Da nikad nije bila u lošijem stanju i da vlada bojazan da će dvorana zbog lošeg održavanja se dovesti do lošijeg stanja nego što je bila prije obnove. Tiče se higijenskog održavanja Sportske dvorane.

Još jednom tražimo da nam se dostavi odgovor na vijećničko pitanje koje je dostavljeno ispred Kluba vijećnika SDA na prethodnim sjednicama, a odnosilo se koliko je koštala organizacija Studentsko ljeto sa svim finansijskim pokazateljima i prihodima i rashodima, te nam se pojasne usluge koje pruža JU Dom zdravlja „Izudin

Malićbegović“ Tešanj. Da li postoji mogućnost organizovanja ovog vida usluge koju pruža ovaj Dom zdravlja u Domu zdravlja Maglaj.

Rašida Mulalić, mi smo radili, izvještaj pokazuje sve od 300.000,00 KM dubioze kad sam došla na čelo ove Ustanove stigli smo na skoro 40.000,00 KM i to je ono što bih pohvalila sve svoje saradnike sa kojima radim sve ove godine.

Što se tiče Sportske dvorane da je higijenski u lošem stanju, ne znam odakle ta pitanja, budući da mi tamo imamo radnike koji čiste, a i inspekcije dolaze.

Ugovor sa Dom zdravlja iz Tešnja vezano za deratizaciju i dezinfekciju, sve što stoji zakonski to se provodi, oni dolaze, a mi imamo s njima ugovor. To ne može maglajski Dom zdravlja raditi, samo Tešanj i Zenica. Zbog blizine mi smo se opredijeli za Tešanj. To ide po ugovoru i sve ono što pripada po zakonu mi to radimo.

Studentsko ljeto ove godine organizator je Općina Maglaj, oni vam trebaju dostaviti te podatke. Mi smo bili suorganizator i ono što je nama dodijeljeno po tom osnovu.

Predsjedavajuća OV, zaključujem raspravu i stavljam na glasanje

Z A K L J U Č A K

8.1. Usvaja se Izvještaj o radu JU Dom kulture „Edhem Mulabdić“ Maglaj za 2017. godinu.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Fermić (DF) Fikret Delić, Mustafa Bešić, Kanita Bašić samostalni vijećnici.

Glasalo 11 glasova uzdržano : Adis Abdurahmanović, Nedžad Alispahić, Avdić Selma, Mirsad Bežić, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić samostalni vijećnik, Josip Jurišić (HDZ).

8.2. Usvaja se Program rada za 2018. godinu.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Fermić (DF) Fikret Delić, Mustafa Bešić, Kanita Bašić samostalni vijećnici.

Glasalo 11 glasova uzdržano : Adis Abdurahmanović, Nedžad Alispahić, Avdić Selma, Mirsad Bežić, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić samostalni vijećnik, Josip Jurišić (HDZ).

AD – 9 Izvještaji o radu JU „Narodna biblioteka“ Maglaj za 2017. godinu i Program rada za 2018. godinu;

Vijećnica Irena Herceg, Klub vijećnika SDP-a razmatrao je Izvještaj JU „Narodna biblioteka“ Maglaj i Program rada za 2018. Godinu. Vi ste detaljno uradili taj izvještaj i naveli ste brojne aktivnosti koje su za pohvalu. Posebno bih pohvalila vaš trud i rad kojim izazivate želju u našim najmlađim sugrađanima za čitanjem. Klub vijećnika SDP-a će podržati Izvještaj o radu za 2017. Godinu i Program rada za 2018. godinu.

Samo bih vas zamolila da odgovorite na jedno pitanje. Znam da ste jedno vrijeme imali produženo radno vrijeme za sve one koji ne stignu do 15 sati doći u vaše prostorije i znam da to više i nemate. Zanima me zašto ste to ukinuli? Da li zbog nezainteresovanosti građana i malog broja posjeta ili je neki drugi razloga u pitanju?

Vijećnik Safet Jašić, ovo je Ustanova koja radi, direktor ima mandat još uvijek i već je duže vrijeme tu. Ovo je jedno malo - remek djelo direktorice i ja joj čestitam na ovom Izvještaju, to je tako lijepo urađeno i bio bi grijeh kritikovati. Iz dostavljene dokumentacije vidljivo je da Biblioteka svojim radom izlazi iz uobičajenih okvira bibliotekarske djelatnosti. Da jedina razvija izdavačku djelatnost, te da svojim sadržajima iz oblasti kulture nadmašuje slične ustanove u mnogo većim gradskim centrima. Radujemo se velikom broju djece i mladih koji se okupljaju u Biblioteci i pohvaljujemo način rada sa ovim uzrastom gdje se kombinuje edukacija i zabava. Važno je reći da su svi programi proizvedeni u Biblioteci, odnosno, osmišljeni su od strane direktorice i zaposlenika. Izvještaj je reprezentativan, detaljan i omogućava uvid u sve oblike djelovanja ove ustanove.

Vijećnica Svjetlana Zamboni, naravno da je za pohvalu svaka aktivnost pogotovo kulturnog vida koja se dešava na općini Maglaj. Međutim, ja bih skrenula pažnju možda predsjednici UO ove JU. Mi smo u materijalu koji je došao za ovu sjednicu Vijeća dobili jedan ilustrirani materijal koji je urađen u boji i koji mogu misliti koliko košta. Urađen je za Vijeće u 25 kopija vjerujem da je ovoliki broj stranica u boji i te kako značajna suma novca koja je utrošena u dostavu ovog materijala. To nije forma izvještaja niti način izvještavanja Općinskog vijeća o radu bilo koje ustanove, pa vam skrećem pažnju da one propisane forme izvještavanja kakve imamo da poštujemo kako se

ne bi stvarali novi nameti ka ustanovi. Ta sredstva u ovom iznosu mogla su bili utrošena i na drugi način, a sve ove ilustracije mi kao građani možemo i imamo priliku da vidimo i na fejsbuk stranici Ustanove.

Još jedna sugestija, sačekala sam da se završi Izvještaj i Program rada Doma kulture, dobro je da slijedi odmah i Izvještaj i Program rada ove Ustanove, sugerisala bih direktoricama ove dvije Ustanove da nama kao građanima određene manifestacije predstavljaju problem. Ja kao građanin voljela bih prisustvovati na mnogim manifestacijama koje se dešavaju u Maglaju, međutim ono što se vrlo često događaja jeste da ove dvije ustanove preklapaju svoje aktivnosti. Ja vas molim da svoje aktivnosti koordinirate, vi ste prvi susjedi kako bi i nama građanima otvoriti mogućnosti da posjetimo bilo koju manifestaciju. Svakako mislim da je potrebno aludirati i na Službu Općine Maglaj, koja može biti posrednik u koordinaciji svih kulturnih događaja na području općine Maglaj, pa kad su u pitanju i škole jer i u školama se mnogo šta događaj kad je taj segment u pitanju. Samo dobronamjerne sugestije.

Vama predsjednice UO samo jedna napomena da nema razloga da se ovakav materijal štampa i da se troše sredstva u te svrhe.

Dženana Hadžiedhemović, predsjednica UO „Narodna biblioteka“, mi smo se potrudili da sve detaljno i decidno objasnimo. Predsjedavajuća je pomenula formu izvještaja koji je rađen u boji. Mislila sam da to ne kažem, ali evo to je nama poklon naše Štamparije 3D. Obzirom da mi imamo ugovor o štampanju i u Biblioteku je ušlo kroz projekte skoro isti iznos novca koji je dao i sam osnivač. Štamparija 3D je htjela na neki način da se Biblioteci zahvali pa su nam ponudili neko štampanje i mi smo se odlučili da to bude forma finansijskog izvještaja. Možete vidjeti na samom kraju smo priložili posljednje tri godine, znači 16,15 i 14.godinu čisto iz razloga da svako onaj ko uzme finansijski izvještaj mogao da pogleda i te prethodne godine i da utvrdi kontinuitet djelatnosti, aktivnosti koje se provode u Biblioteci, odnosno sam trud i rad Biblioteke.

Gospođa Herceg je pitala za dvokratno radno vrijeme, odnosno produženo radno vrijeme. To je nekada bilo, međutim Biblioteka zbog manjka radnika više to ne radi, opće prihvaćeno je da Biblioteka radi do tri i to je možda 5-10 ljudi bi možda došlo poslije što se ekonomski ne isplati.

Predsjedavajuća OV, zaključujem raspravu i stavljam na glasanje

Z A K L J U Č A K

9.1. Usvaja se Izvještaj o radu JU „Narodna biblioteka“ Maglaj za 2017. godinu.

Glasalo 24 glasa za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić,(SBB), Elvir Vehabović (SBiH), Hajrudin Fermić (DF), Fikret Delić, Mustafa Bešić, Kanita Bašić samostalni vijećnici, Josip Jurišić (HDZ) Adis Abdurahmanović, Nedžad Alispahić, Avdić Selma, Mirsad Bejzić, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić samostalni vijećnik.

9.2. Usvaja se Program rada za 2018. godinu.

Glasalo 24 glasa za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić,(SBB), Elvir Vehabović (SBiH), Hajrudin Fermić (DF), Fikret Delić, Mustafa Bešić, Kanita Bašić samostalni vijećnici, Josip Jurišić (HDZ) Adis Abdurahmanović, Nedžad Alispahić, Avdić Selma, Mirsad Bejzić, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić samostalni vijećnik.

AD – 10 Izvještaji o radu JU „Narodna apoteka“ Maglaj za 2017. godinu i Program rada za 2018. godinu;

Otvaram raspravu

Vijećnica Selma Avdić, što se tiče rada JU „Narodna apoteka“ Maglaj, možemo reći sam riječi pohvale. Ipak tu se radi o pet organizacionih jedinica što se tiče kao i u našim mjesnim ograncima kao i u gradu Maglaju. Svi ti ljudi koji tamo rade to su tako fini, kulturni ljudi, ljudi sa kojima možete uvijek razgovarati, tražili bilo koji lijek u bilo koje doba dana i noći oni će zvati i tražiti umjesto Vas. Sve pohvale.

Ipak mi se trebamo pozabaviti oni su naveli neke svoje probleme. Ukoliko može Ministarstvo zdravlja da im pomogne nabavku tog informacionog sistema, svi mi znamo da se danas sve više prelazi na E - recepte i to će sigurno doći i kod nas, a naše Apoteke bi morale nabaviti sa svojim sredstvima te informacione sisteme, tako da Ministarstvo zdravlja na bilo koji način omogućiti barem bio koja sredstva za rješavanje tog njihovog problema.

Također drugi problem jeste problem da nije riješen prilaz. Mora im biti odvojen ulaz za prijem robe i ulaz za pacijente. Taj njihov problem nije riješen ni dan danas iako su se oni već mnogo puta oglašavali prema svima. Zamolili su ukoliko OV može na bilo koji način da riješi taj njihov problem sa postavljanjem saobraćajnog znaka ili na neki drugi način tako da bi mi svi zajedno trebali da riješimo taj dugogodišnji problem.

Što se tiče stava Kluba vijećnika SDA, mi prihvatamo Izvještaj o radu za 2017. Godinu i Program rada JU „Narodna apoteka“, sve što smo rekli za Biblioteku, to isto ponavljamo i za Apoteku i pohvaljujemo rad ove ustanove.

Vijećnik Hajrudin Fermić, primjetio sam da Apoteka zaista ima velik i prihod, naravno veliki su i troškovi, veliki su i rashodi, ali želim da na neki način pohvalim činjenicu da od vlastitih prihoda imate oko 300.000 KM što moramo da istaknemo. Ja bih sugerisao da pokušate bez obzira što ste JU da kroz svoju djelatnost, kroz neke marketinške djelatnosti da i povećate te svoje prihode. Znam sigurno da kapacitete imate i znanje imate kako bi mogli da osigurate i sredstva i za neke druge stvari.

Želio sam na taj način da pohvalim vas koji radite na tom komercijalnom principu i prilična sredstva i zarađujete. Pohvaljujem i činjenicu ovo što na indirektan način pomenu i gospođa Avdić. Vi od države, od Općine niti bog zna šta tražite, niti Općina od vas traži, niti ima. Radite prilično samostalno i to je dobro i prilično korektno. Moram da pomenem nešto što sam i prošle godine govorio. Zaista brojni građani to pitaju. Zašto nema tog noćnog dežurstva u Apoteci. Ja znam da ste vi prošle godine odgovarali i možda ne bi bilo loše da opet odgovorite na isto to pitanje. Ja sam gledao i malo vadio podatke, vidim da imate 16 zaposlenih i možda nekim internim preraspodom da bi mogli eventualno da to učinite. Možda nema ni potrebe, ali molim da odgovorite.

Vijećnik Nedžad Lokmić, u ime Kluba SDP-a naravno da je za pohvalu prijatno i ljubazno osoblje i taj fleksibilni rad i radno vrijeme, pa i ova dežura, odnosno vrijeme kada imaju stanje pripravnosti. Pored privatnih apoteka u Maglaju kojih ima nekoliko oni i dalje opstaju, uspješno rade i preživljavaju tu surovu konkurenciju koja znamo često kakva je. Građani su uredno snabdjeveni svim vrstama lijekova, pa i ostalih vrsta usluga. Povećan je broj realiziranih usluga za minimalnih 5%, ali ipak je prisutno povećanje. Za 6% vidjeli smo smanjen je broj realiziranih projekata, odnosno receptata sa esencijalne liste, a u suštini broj realiziranih usluga za lijekove u tzv. Ručnoj prodaji također je povećan za minimalnih 1-2%. Pozitivno je svakako da se upošljavaju novi radnici, a naravno i redovno vidimo tamo nova lica, radi se o novim pripravnicima što svakako treba pohvaliti da se i tim ljudima daje mogućnost da odrade svoje obaveze. Redovno se isplaćuju i plate, regres, putni troškovi a vidjeli smo tamo da se baš ne razbacuju sa maksimalnim isplata plaća, tako da je sve u granicama ukusa.

Treba primjetiti da je UO prihvatio finansijski izvještaj, tako da na kraju mogu izraziti komplimente i čestitke menadžmentu i u ime Kluba izraziti stav da prihvatamo Izvještaj i Program za 2018. godinu.

Vijećnica Svjetlana Zamboni, vezano za sugestiju i problem koji napominjete u svom izvještaju i prošle godine ste nam istakli problem pristupa zadnjem ulazu, ja se nadam i na Općinskog načelnika ako može da uvaži da što prije dobijemo odluku o privremenom korištenju javnih površina koji će urediti tu oblast i kada imamo Odluku koja je provodiva i na osnovu koje možemo djelovati sigurna sam da će taj prostor iza Apoteke biti tretiran i tim odlukama ili Odlukom o parking prostorima itd.

Tutndžić Samija, direktorica JU, zahvaljujem se na pohvalama. Prije svega da odgovorim na pitanjem postavljeno na konstataciju da JU mora sama sebi napraviti IT opremu za razliku od domova zdravlja. Ja sam u Izvještaju i navela gdje je Ministarstvo kroz svoj poseban program za domove zdravlja nabavilo opremu a apoteke su ostale uskraćene za to iako su JU kao i domovi zdravlja, morale su iz svojih sredstava nabaviti. Mi smo to sve uradili i od danas je krenuo projekat E - recepta, znači krenula je realizacija na naše zadovoljstvo i zadovoljstvo pacijenata. Nadam se da će to ići kako treba.

Vezano za dežurstvo, Apoteka radi svakim radnim danom do 22 sata, poslije toga ima pripravnost od 22 do 07 sati. Obzirom da i ranije sam napominjala kad se uvodi dežurstvo u Apoteci podrazumijeva se da su to slučajevi koji idu iz hitne medicinske pomoći, gdje recept koji je hitan se treba realizirati. U takvim slučajevima ljekar poziva farmaceuta koji je dežurni i ta usluga se realizira. Mislim da nema potrebe za uvođenjem, mi nemamo ni kapaciteta, morali bismo i preurediti Apoteku. Obzirom da radimo i praznicima i nedeljom radi se do 22 sata, mi nemamo ni dovoljno ljudi i to bi bili dodatni troškovi, a u svemu tome i Općina mora da učestvuje. Znači jedan dio troškova dežurstva mora snositi i Općina. Mislim da za sad nema potrebe, ukoliko se ukaže mi smo tu da to realiziramo.

Predsjedavajuća OV, zaključujem raspravu i stavljam na glasanje

Z A K L J U Č A K

10.1. Usvaja se Izvještaj o radu JU „Narodna apoteka“ Maglaj za 2017. godinu.

Glasalo 24 glasa za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Fermić (DF), Fikret Delić, Mustafa Bešić, Kanita Bašić samostalni vijećnici, Josip Jurišić (HDZ) Adis Abdurahmanović, Nedžad Alispahić, Avdić Selma, Mirsad Bejzić, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić samostalni vijećnik.

10.2. Usvaja se Program rada za 2018. godinu.

Glasalo 24 glasa za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Fermić (DF), Fikret Delić, Mustafa Bešić, Kanita Bašić samostalni vijećnici, Josip Jurišić (HDZ) Adis Abdurahmanović, Nedžad Alispahić, Avdić Selma, Mirsad Bežić, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić samostalni vijećnik.

AD – 11 Izvještaji o radu JU Dom zdravlja Maglaj za 2017. godinu i Program rada za 2018. godinu;

Otvaram raspravu

Vijećnik Hajrudin Fermić, ne bih se vraćao u prethodni period kada je u pitanju Izvještaj o radu za 2017. godinu. Želim samo da izvučem jednu pozitivnu notu a to da je za prvih 6 mjeseci gubitak bio prilično značajan, da je već sa krajem godine smanjen za nekih 30 hiljada KM što je jako pohvalno bez obzira o kojoj strukturi tog gubitka je riječ. S druge strane kad govorim i o Programu rada za 2018. Godinu, želim samo da istaknem svoje pozitivno razmišljanje i prihvatit ću taj Program i želim da napomenem nešto zbog javnosti šta je dobro i korisno što u tom programu ima. To je prije svega ova nastojanja i ove namjere gospode iz UO pa i samog direktora da na neki način jača kapacitete specijalističke službe, govorim o specijalističkoj službi kada je u pitanju budući specijalista interne medicine, nešto što Maglaj nikad praktično nije imao a u nekih par godina će imati. Isto tako dobro je da će biti pojačani i specijalističke službe i kad je u pitanju neuropsihijatar i još neki kadrovi. Znači naši građani, pacijenti mogu da očekuju još bolju i kvalitetniju uslugu u narednom periodu. Pohvalno je i ovo što je došlo do određene racionalizacije troškova, pa čak i povećanja nekih prihoda. Ono što je praktično bilo nezamislivo ranijih godina da se rade ljekarski pregledi u Domu zdravlja za velike firme, sad je to normalna stvar na zadovoljstvo svih i svakako to treba istaći.

Kad je u pitanju primarna zdravstvena medicina, ima tu još dosta nekih prijedloga kako da se poboljšaju te usluge, pročitali smo da i o tome razmišljate pa prije svega za područnu ambulantu Novi Šeher, da se osiguraju jedna vozila hitne pomoći, jedan tim kako bi se skratilo vrijeme pružanje te pomoći itd. Želim i tog pored pozitivnog da vam napomenem, da ni u jednom momentu ne zaboravite i ne odstupite ni vi ni UO od onih zahtjeva da ne zaboravimo ni u jednom momentu pacijenta. Naime, ima tu prostora da se dobro razmisli da se radi o tome da li je zaista neophodno da na četvrti sprat odlaze roditelji sa malom djecom ili stare osobe dok imamo administraciju na prvom spratu. Priličan je to teret i da emotivno ne približavam vama taj teret, znam da ste sigurno svjesni tog problema, možda nekim kapacitetima bi mogli napraviti taj preraspored da se vodi računa o tome. Druga činjenica koju smo mi pominjali i postavljali pitanja, nemojte zaboraviti u svom daljnjem radu da riješite pa u bilo kom periodu, roku problem zagrijavanja prostorija područnih ambulanti, prije svega tu mislimo na Liješnicu. Želim da vam čestitam na dosadašnjim uspjesima i da kažem da ćete imati podršku i mene, ali sigurno i većine vijećnika da nastavite ovako dalje uspješno raditi.

Vijećnik Elvir Vehabović, samo da odgovorim vezano za dio pitanja što se tiče nepokretnih pacijenata, pošto je to organizaciono pitanje. Do tri sata uveli smo praksu svi ti pacijenti koji ne mogu da se popnu ima dežurni ljekar koji je obavezan da po pozivu iz hitne siđe po pozivu SHP, a donekle mali problem samo predstavlja specijalista oftalmolog zbog svoje aparature, međutim to je riješeno tako što postoji lift kad se treba na pregled kod očnog, pozove se sestra, sestra siđe do lifta, i pacijenti idu liftom. To može biti problem samo za pacijente koji zaobiđu hitnu pa sami krenu gore uz stepenice. Dođu u hitnu, siđe ljekar, se4stra snese kartom, znači nema hodanja na više spratove za one pacijente koji ne mogu.

Vijećnik Mirza Bradarić, kolega Fermić je već dosta tih stvari rekao. Kada smo pričali o Izvještaju za 2016. godinu proveo sam za ovom govornicom jako puno vremena imali smo dobru raspravu. Međutim, nikakve koristi od toga nije bilo. Shodno tome, ja bih i menadžmentu i doktoru Vehaboviću kao direktoru čestitao. Jest da nisu puno ni direktor, ni UO u dugom periodu mandata, ali vidi se nekakav efekat i sve to. Ovo što je kolega Fermić spomenuo specijalizaciju za internu medicinu, to možda nije predmet sad ovog izvještaja za 2017. godinu, sigurno će biti za 2018. godinu u izvještaju i ovom prilikom ja bih želio kompletnom menadžmentu, a naročito vama direktore Vehaboviću da čestitam što ste uspjeli dovesti nešto u Maglaj, što od kada vjerovatno Dom zdravlja postoji nije se uspjelo uraditi.

Samo još jednu sugestiju kolega Fermić je već govorio za penjanje na četvrti sprat i td. ja bih samo još jednu sugestiju dao i UO i vama ka direktoru, pošto jako često čujemo kritike da iako pacijenti budu naručeni ujutru u 7 sati da i dan - danas dolaze i situaciju pogotovo stariji pacijenti i roditelji sa malom djecom da čekaju do nekih 8 sati dok se doktor pripremi, spremi itd. Čisto jedna mala sugestija, ako su pacijenti naručeni u 7 sati da zaista taj pregled i ulazak kod doktora i bude onda u 7 sati. Klub SDP-a će prihvatiti Izvještaj o radu i Program rada za 2018.godinu.

Vijećnik Mustafa Bešić, i naš Klub će podržati Izvještaj za 2017. Godinu i Plan rada za 2018. godinu. Želim samo da sugerišem pošto dolazim na novošeherskog kraja gore živi oko 8.000 stanovnika, mislim da se mogu još poboljšati gore zdravstveni uvjeti stanovnika. Potrebno nam je puno toga, jedna hitna i ima prostora da se to poboljša. Mi ćemo podržati, ali da se naše sugestije uvrste u ovaj Plan.

Vijećnik Josip Jurišić, na tragu ovoga što je gospodin Bešić rekao ja se pridružujem tome i mislim da ima prostora da se to još malo poboljša iako je i ovako sasvim ok. Posebno mislim na doktore, peniciline koje sestre daju bez prisustva doktora, mislim da je to malo opasno. Vi kao doktor znate da je to malo opasno. Svako večer od 5 do 7h zavisno od toga koliko pacijenata ima, pa možda nešto na tom tragu da odgovorite. U svakom slučaju podržat ćemo ovo Izvješće i Plan rada za 2018. godinu.

Vijećnik Elvir Vehabović, vozilo hitne, rekli smo već da će ono biti stacionirano u Novom Šeheru od 7 do 3 h čim se pripreme neki tehnički detalji kao što je pitanje parkinga. Ne možemo ga parkirati na ulaz u samu hitnu smeta pacijentima, ne možemo parkirati ni ovamo lijevo jer je malo nezgodno kad se kolica trebaju gurati. Moramo proširiti taj parking i malo osvijetlit jer navečer mora biti ta hitna osvijetljena da se ne bi šta desilo.

Što se tiče penicilina, penicilin je terapija koja ide jednom dnevno. Ona bi se trebala dati u onom trenutku kad je ljekar propiše. Sestra ne bi trebala davati bez prisustva ljekara. To da je od 5 do 7h mislim da nema niko da dođe, jer ako je ljekar propisao on se daje odmah. Sad jedino ako je neko zalutao iz privatne prakse, pa je došao gore da zamoli sestru, ali je onda njena lična odgovornost. Jednom dnevno ide terapija i ljekar koji je propisao tu je u toj ustanovi. Garamicin smije ići bez prisustva ljekara i on se daje dva puta dnevno. Barem do sad nisu zabilježeni alergijski slučajevi na garamicin, iz tog razloga se penicilin ne daje bez prisustva ljekara. Transport je u toku dana, jer nismo u mogućnosti da obezbijedimo vozača gore 24 sata to bi povlačilo osam vozača a ne jednog. Opet je bolja efikasnost jer dok dođe hitna iz Maglaja izgubi se pola sata.

Predsjedavajuća OV, zaključujem raspravu i stavljam na glasanje

Z A K L J U Č A K

11.1. Usvaja se Izvještaj o radu JU „Dom zdravlja “ Maglaj za 2017. godinu.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Hajrudin Fermić (DF) Fikret Delić, Mustafa Bešić, Kanita Bašić samostalni vijećnici, Josip Jurišić (HDZ).

Glasalo 11 glasova uzdržano : Adis Abdurahmanović, Nedžad Alispahić, Avdić Selma, Mirsad Bejzić, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić samostalni vijećnik, Elvir Vehabović, (SBIH).

11.2. Usvaja se Program rada za 2018. godinu.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Hajrudin Fermić (DF) Fikret Delić, Mustafa Bešić, Kanita Bašić samostalni vijećnici Josip Jurišić (HDZ).

Glasalo 11 glasova uzdržano : Adis Abdurahmanović, Nedžad Alispahić, Avdić Selma, Mirsad Bejzić, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić samostalni vijećnik, Elvir Vehabović (SBIH).

AD – 12 Izvještaj o radu JP „KJD“ d.o.o. Maglaj za 2017. godinu;

Otvaram raspravu

Vijećnik Hajrudin Fermić, samo da napomenem isto kao i kad smo usvajali Program ovdje da ćemo prihvatiti Izvještaj u funkciji davanja instrukcija opunomoćeniku Skupštine KJD da prihvati izvještaj. Tako da to raščistimo da znamo šta i kako je. Isti je zaključak kao i kad je bio program da to uradimo. Gledajući Izvještaj za 2017. godinu vidio sam vjerovatno je to bilo i ranijih godina da su potraživanja KJD preko milion, pa to vama ne treba ni govoriti ali pokušati da se što više taj dug prema KJD smanji u nekom narednom periodu i vi to sigurno već radite i preduzimate aktivnosti.

Vijećnik Nedžad Lokmić, u ime Kluba vijećnika SDP-a samo neke sugestije, naše stavove vezano za rad ove ustanove. Dakle, na samom početku stoji da je KJD u 2017. Godini ostvarilo pozitivan finansijski efekat. Pohvalno je svakako da se radilo i na unapređenju i pružanju svih vidova usluga. Svjedoci smo bili i krajem prošle godine, a naravno i u ovih nekoliko mjeseci ove godine. Vodosnabdijevanje građana je teklo uredno 24 časa dnevno, čak i mi na Bijeloj Ploči smo konačno u toku prošle godine imali to zadovoljstvo da uživamo u kontinuiranom snabdijevanju pitkom vodom, koja kroz ovaj izvještaj se u nekoliko navrata pominje i zaista je za svaku pohvalu da čitavo vrijeme imamo pitku godinu. Treba pohvaliti i da su realizovani i još su u toku realizacije neophodni sanacioni radovi na vodozahvatima, što će nadamo se doprinijeti i snabdijevanje. Tu se misli na izvještaj Bistrica, odnosno Misurići. Prikupljanje i odvoz otpada je teklo i teče početkom ove godine bez poteškoća. Bili smo svjedoci i bezboj puta vidjeli da je problem onih tzv. divljih deponija bio prisutan, bacanje krupnog otpada koje djelimično i većim dijelom se ipak uspješno rješavalo. Nekolj je poseban problem, znamo da onu famoznu zabranu

iz 2013. godine da se ta deponija ne koristi više, ali negdje ga moramo odlagati. Zelena pijaca je početkom prošle godine počela rješavanje, vidjeli smo da je sada smještena i radi se na poboljšanju te situacije. Svjedoci smo da se početkom godine riješio problem građana koji prodaju svoje mliječne proizvode u onom zatvorenom dijelu nešto manjem prostoru. Ali ipak uspješno je riješeno.

Moram se dotaknuti vodosnabdijevanja uključenih novih mjesnih zajednica i Bijele Ploče i Ulišnjaka, odnosno priprema od prošle godine. Zadovoljstvo je iskazati da i ti građani konačno uživaju u tome.

U Izvještaju stoji tamo da je Vijeće preuzelo obaveze što se tiče vodovoda Bijela Ploča, odnosno u prošloj godini je trebalo preuzeti na upravljanje od strane KJD. Ja ovom prilikom ponovo molim i direktora i Načelnika i administraciju da se u tome poradi i da se ispoštuje ta odluka.

Neko je pomenuo da je problem dugovanja prisutan i te kako bi popravio ovaj pozitivan Izvještaj na kraju odnosno za prošlu godinu. Nadamo se da će te naplate i sudske presude biti naplaćene i da će finansijski problemi biti manji. Na kraju mi ćemo podržati Izvještaj za 2017. godinu.

Predsjedavajuća OV, zaključujem raspravu i stavljam na glasanje

Z A K L J U Č A K

12.1. Usvaja se Izvještaj o radu JP „KJD“ d.o.o. Maglaj za 2017. godinu.

Glasalo 14 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Ferić (DF) Fikret Delić, Mustafa Bešić, Kanita Bašić samostalni vijećnici, Josip Jurišić (HDZ).

Glasalo 10 glasova uzdržano : Adis Abdurahmanović, Nedžad Alispahić, Avdić Selma, Mirsad Bežić, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić samostalni vijećnik.

AD – 13 Izvještaj o radu JU „Veterinarska stanica“ Maglaj za 2017. godinu i Odluka o usvajanju Finansijskog plana za 2018. godinu;

Otvaram raspravu

Vijećnica Šahman Anida, Klub vijećnika SDP-a koristi ovu priliku da čestita predsjednici NO na istrajnosti da se rad JP Veterinarska stanica Maglaj uskladi sa Zakonom o javnim preduzećima FBiH. Konačno se ispoštovala i zakonska procedura da Nadzorni odbori podnose Izvještaj o radu na OV, stoga i stav Kluba vijećnika SDP-a da će Izvještaj o radu NO „Veterinarska stanica“ prihvatiti i svakako prihvatamo i Odluku o usvajanju finansijskog plana za 2018. godinu.

Vijećnik Hajrudin Ferić, ja sam pročitao vaš izvještaj i sve one cifre koje pokazuju samo nam je dalo za pravo da smo tvrdili i da smo radili i preduzimali one poteze do nove godine da su bili opravdani. Ovaj Izvještaj o radu Veterinarske stanice Maglaj pokazuje u kakvim je problemima bila ta stanica i vjerovatno će ona neki izvjesni period sigurno da osjeća sve te probleme. Slažem se sa kolegicom iz SDP-a na čestitci. Ja također čestitam UO, predsjednici i novom direktoru na ovom uspjehu, da smo konačno Veterinarsku stanicu postavili na zdrave temelje kad je u pitanju pravno funkcionisanje i status ovog JP.

Ono što slijedi dalje, što struka najvećim dijelom treba da govori jeste povećanje prihoda i osiguranje tog javnog interesa u oblasti veterinarske službe, tako da očekujemo samo bolje i bolje rezultate u narednom periodu. Vidimo i ja imam informacija da se i ovaj dug koji je bio zaključno sa 31.12.2017.godine polahko topi, sigurno će u relativno kratkom roku da to bude jedna nula i da Veterinarska stanica može da radi i funkcionise kao zdrava organizacija. Znam da vam puno treba od kadrovskih, tehničkih svih drugih pretpostavki, svi zajedno ćemo pokušati raditi na tome da i te probleme riješimo.

Prihvatam i podržavam i Izvještaj i Program.

Vijećnica Svjetlana Zamboni, moram iskoristiti ovu priliku i govornicu da gospođi Bočić čestitam na njenoj istrajnosti. Ne znam više koliko mailova i koliko je ona informacija podijelila sa Službom i sa rukovodstvom OV da nas izvijesti o svakom i najmanjem koraku koji je preduzet u ovom preduzeću kako bi preduzeće danas bilo stavljeno u ove zakonske okvire. Ja vam još jednom čestitam i zahvaljujem se što ste uz tako zanemarivu naknadu za svoj angažman dali svoj maksimum i svoje znanje i vještine da pomognete ovom JP.

Bočić Dženana, predsjednica Nadzornog odbora JP Veterinarska stanica Maglaj, želim prije svega da zahvalim svima koji su procijenili da moj trud nije uzaludan i da sam se stvarno trudila da sve to zakonski propratimo. Također ova godina je i dalje ključna za Veterinarsku stanicu. Dok čujem ove druge ustanove bave se nekakvim normalnijim stvarima svojim poslovanjem i dalje, mi se moramo i dalje truditi da sve uskladimo sa zakonom. Bez obzira na to mi ćemo u ovoj godini dati sve od sebe da uskladimo sve u JP sa zakonskim propisima, da održimo isti broj zaposlenika. Želim pohvaliti gospodina Emira Šehovića koji je za tri mjeseca zaista pokazao da se zaista trudi, da prati naše instrukcije, zadovoljni smo njegovim radom kao Nadzorni odbor. Nakon šest mjeseci ove godine planiramo pratiti ostvarenje predloženog finansijskog plana, pa ćemo vas i o tome izvijestiti. Mi se čak

nadamo i boljem rezultatu, ali morali smo biti u okvirima neke realnosti. Bez obzira na pravne prepreke koje imamo trenutno hoću da pohvalim cijelo osoblje Veterinarske stanice i sve veterinare jer se zaista svi zajedno zalažu da obavljaju svoju djelatnost na ispravan i realan način da što više doprinesu ovom JP. Dok se NO više usmjerio, pošto nemaju ni sekretara ni pravnika, usmjerili smo se mi više da rješavamo ta njihova pravna pitanja. Nadam se da ćemo tako dobru saradnju i nastaviti. Zahvaljujem i osnivaču na podršci i hoću da kažem da je sutra Međunarodni dan veterinaru i ovom prilikom cijelom osoblju Veterinarske stanice čestitam njihov dan, a nadam se da ćemo ga iduće godine i proslaviti nekako.

Predsjedavajuća OV, zaključujem raspravu i stavljam na glasanje

Z A K L J U Č A K

13.1. Usvaja se Izvještaj o radu JP „Veterinarska stanica“ Maglaj za 2017. godinu.

13.2. Usvaja se Odluka o usvajanju finansijskog plana za 2018. godinu.

Glasalo 14 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Ferić (DF) Fikret Delić, Mustafa Bešić, Kanita Bašić samostalni vijećnici, Josip Jurišić (HDZ).

Glasalo 10 glasova uzdržano : Adis Abdurahmanović, Nedžad Alispahić, Avdić Selma, Mirsad Bejić, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić samostalni vijećnik.

Vijećnik Hajrudin Ferić, znam da ću izazvati reakcije i neka ću. Zaista bi volio da nekad čujem argumente na ovom OV i u ovoj kameri koji su to razlozi, argumenti i činjenice, koje Klub SDA su dovele u situaciju da ovako glasa suzdržano prema JU i JP na ovakav način kakav su uradili. Dakle, suzdržano i o izvještajima i o programima. Bojim se da tu ima i implicitno politike i da je šteta da se ta politika u svakom momentu i u svakoj situaciji ubacuje i uvodi pa makar u rad OV. Mislim da nam ipak treba nekih argumenata i činjenica kad je nešto za, protiv ili suzdržano. Ja bih zamolio sve da zaista konačno jednom stanemo u kraj politizaciji i u JP i u državnoj upravi. Da to izbacimo i da tu počne, pogotovo u JU i JP i da tu na neki način radi struka i radi taj dio po kojem su po zakonu i osnovane.

Vijećnik Safet Jašić, replika – ja mislim da je demokratija i da tada čovjek glasa za, protiv ili da bude suzdržan. Nećeš nam valjda ti, gospodine Feriću, govoriti kako ćemo glasati. Nemoj sebi uzimati za pravo, previše sebi uzimaš. Druga stvar gospođo Predsjedavajuća završeno je glasanje po određenoj tački. Zašto nas neko izaziva na ovakve duele koje mi ne želimo? To je pravo naše kako ćemo mi raditi, neće nam druga partija određivati kako ćemo se mi izjašnjavati.

Vijećnik Hajrudin Ferić, replika – zaista ne mislim da vršim nikakav pritisak da se vi izjašnjavate na bilo koji način. Samo bi dobro bilo da objasnite svoje stavove i vijećnicima i javnosti.

Općinski načelnik, nakon što je ovaj saziv Općinskog vijeća konačno uveo u red UO i NO, formirani u skladu sa zakonskom procedurom, želim se zahvaliti svim Nadzornim odborima na do sada učinjenom poslu i zaslužuju apsolutnu podršku. Ja im čestitam u ime svoje i ime općinskog načelnika. Želim čestitati i zahvaliti se i direktorima JU i JP koji su zajedno sa UO i NO radili svoje aktivnosti...

Pravi razlog mog izlaska je da posebno čestitam NO JP „Veterinarska stanica“. Oni su praktično bačeni u provaliju, dole je bilo totalno rasulo ništa ni sa čim, od ne postojanja upravljačke strukture, kompletno računajući i UO i direktora i u pravu je gospođa Bočić koja kaže da još uvijek sve to sređuju i dovode u red i to je razlika u kojoj se nalaze oni u odnosu na ostale UO i NO...

AD – 14 Godišnji Izvještaj o radu općinskog urbanističko-građevinskog i putnog inspektora za period 01.01. – 31.12.2017.godine i Plan rada za 2018. godinu;

Otvaram raspravu

Vijećnica Kanita Bašić, ne mogu da ostanem ravnodušna na ovaj šturi i siromašni izvještaj urbanističko-građevinskog i putnog inspektora. Iako ste naveli u izvještaju da ste većinu radnog vremena iz objektivnih razloga bili odsutni i da ste samo 25% radnog vremena iskoristili, smatram da bi izvještaj trebao sadržavati neko tekstualno obrazloženje za sve ono što ste uspjeli uraditi u tih 25%. Ili je situacija na općini Maglaj toliko idealna da ne zahtjeva nikakva obrazloženja?!

Vijećnik Safet Jašić, ovo je pravi primjer onoga o čemu sam malo prije govorio. Prošle godine izvještaj gospodina Zijada Džaferovića je bio tako obilan, dobro sročeno sa tabelarnim prikazima itd. I bio je glat odbijen. Mi pričamo o nečemu što nećemo politike ovdje a u svemu je politika, ali s druge strane. Ovom prilikom želim da

kažem da ćemo mi podržati ovaj izvještaj ma kakav bio iz razloga što je čovjek na posljednjoj stranici napisao šta je uradio u 2016. godini, te da je takav Izvještaj je bio odbijen.

Vijećnik Hajrudin Fermić, ja osjećam da nešto nije u redu, a ne znam šta nije u redu kad je u pitanju izvještaj. Kad su u pitanju izvještaji o radu i onaj prethodni komunalnog inspektora, dakle opravdanje i ovaj racionalni uzrok tako šturog izvještaja podrazumijeva se da je zbog toga što je gospodin Džaferović bio dugo vremena na bolovanju. Ono što je indikativno ovdje jeste i ovaj Program rada koji je praktično samo tabelaran. Ja bih postavio slijedeća pitanja:

1. Da li ste gospodine Džaferoviću nekad bili, ako jeste, pod čijim pritiscima ili eventualnim ograničavanjem slobode i kompetencije poslova inspektora?

Zamolio bih da odgovorite na to pitanje jer puno toga se godinama vuče kad su u pitanju funkcionisanje ova dva inspektorata, ja se vrlo dobro sjećam onih prvih godina, da ne možete doći do mape, da ne možete doći do stola, stolice itd. Od 2011. godine do današnjeg dana postoje neki problemi s funkcionisanjem inspektorata, a u isto vrijeme mi nikad dovoljno nemamo tih informacija i podataka.

2. Da li vi možete slobodno da radite svoj posao, da li vas ko sprečava u tome i na osnovu toga, onda ću se ja opredijeliti kako ću glasat kad je u pitanju izvještaj.

Vijećnik Nedžad Lokmić, u ime Kluba vijećnika SDP-a mogu da kažem da mi ovdje i ne vidimo nikakav izvještaj, niti Program rada za narednu godinu. Tako nemamo na osnovu čega pričati o tom izvještaju i ovom prilikom ćemo ostati suzdržani povodom oba dijela.

Vijećnik Safet Jašić, gospodin Fermić je postavio pitanje, ja to isto pitanje postavljam inspektoratu i još jedno pitanje.

Da li si imao i da li imaš danas pritisaka? Naravno da će vas ovo usmjeriti u pravcu da ste ovako kratak izvještaj dostavili Općinskom vijeću. Slobodno govorite nemate potrebe bilo koga ili čega da se plašite i onaj period i ovaj danas.

Zijad Džaferović, Ja nisam očekivao ovakvu diskusiju, nisam očekivao ni komentare. Za početak je rečeno da je Izvještaj štur. A šta ste očekivali? Izvještaj za prošlu godinu je bio širok, jasan, precizan i šta je po njemu urađeno, ništa. Od navedenih odluka, prijedloga rješenja itd. ništa.

Gospodin Fermić da li je bilo pritisaka ili ne? Ja sam često bio na meti politika i pojedinaca u politikama zarad ličnih, kolektivnih ili opštih interesa ovisno od okolnosti. Sve sam to prošao. Što bi se reklo o ovome su stvari opće poznate po upravnom postupku, pa ja se ne bi izjašnjavao, jer ako se izjasnim onda to ode po dubini i po širini. Izvještaj kao takav, vi ga prihvatili ili ne prihvatili meni je to sasvim svejedno iz jednog prostog razloga što se i zakoni i odluke provode selektivno. Iz osnovnog razloga da je zakon donesen 2014. godine, svi su upoznati i nikad ni jedan sastanak nije održan sa učesnicima ugrađenog da im se kaže, da se upozore da se preventivno djeluje, ne. Djeluje se selektivno od slučaja do slučaja. I ja tu nemam više šta reći.

Vijećnik Mustafa Bešić, iz ovoga izgleda da čovjek stvarno ima pritisak i rekli ste ovdje. Ja bih vas zamolio da nam iznesete da javnost zna. Ima li ta politika ime i prezime? Ovo je moje pitanje prema Vama.

Vijećnica Šefka Hasanić, ja bih samo naglasila da je Klub vijećnika SDA i u prethodnim i ovom mandatu upozoravao na nezakonitosti, molio vijeće i vijećnike da se ponašaju u skladu sa zakonom. Tako bih učinila i ovaj put. Iz riječi inspektora imali smo priliku čuti da se zakon primjenjuje selektivno. Molim vas budite ta svijetla tačka koja će zakon primjenjivati za sve građane, kako i za onog najsiromašnijeg, tako i za onog najbogatijeg.

Pauza za samostali klub Bešić, Delić

Vijećnica Svjetlana Zamboni, vezano za ovu diskusiju koja je vođena, htjela bih samo gospodinu Džaferoviću reći da u ime koalicionog bloka ovdje izlazim i nastupam da vam kažem da imate punu podršku članova koalicionog bloka, vjerujem i svih vijećnika Općinskog vijeća, da vam sugerišem da radite samo u skladu sa zakonom i zakonom propisanim procedurama, naravno u suradnji sa općinskom administracijom i nadležnim službama. Da sebi ne dozvolite da padate pod uticaj lokalnih lobija, ili lokalnih moćnika ni u kojem slučaju a mi vam u tome dajemo punu podršku. Po pitanju vašeg izvještaja i programa rada koji je dostavljen mi ćemo ostati uzdržani obzirom na sve iznesene konstatacije u diskusijama, ali da znate da vijećnici koalicionog bloka ne očekuju od vas ništa više ni manje nego da radite u skladu sa zakonom i naravno u suradnji sa administracijom.

Vijećnik Safet Jašić, neću se ništa ponavljat što sam ranije iznio po pitanju ovog izvještaja i gospodina Džaferovića i obzirom da je čovjek u ovakvom stanju kakvom jest, Klub SDA zaista, uvijek i dan danas dajemo mu punu podršku u samostalnosti, inspekcije i jesu samostalni organi tako treba da radi i mi ćemo podržati ovaj izvještaj iz razloga koji sam u prethodnoj diskusiji iznio.

Predsjedavajuća OV, ja bih voljela da se mi kao vijećnici Općinskog vijeća izjasnimo o prijedlogu zaključka koji sam iznijela kako bismo gospodinu Džaferoviću u tom smislu dali svoju podršku, pa bih prvo taj prijedlog zaključka.

Vijećnik Safet Jašić, mislim da se trebamo prvo izjašnjavati o izvještaju gospodina Džaferovića o materijalima koji su pristigli na vijeće, a o ovim prijedlozima poslije toga.

Predsjedavajuća OV, zaključujem raspravu i stavljam na izjašnjenje

Izvještaj o radu općinskog urbanističko-građevinskog i putnog inspektora za period 01.01. – 31.12.2017.godine i Plan rada za 2018. godinu

Glasalo 11 glasova za : Adis Abdurahmanović, Nedžad Alispahić, Avdić Selma, Mirsad Bejzić, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić samostalni vijećnik, Josip Jurišić (HDZ).

Glasalo 13 glasova uzdržanih: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić,(SBB), Elvir Vehabović (SBiH), Hajrudin Fermić (DF) Fikret Delić, Mustafa Bešić, Kanita Bašić samostalni vijećnici.

Predsjedavajuća OV, konstatujem da Izvještaj i Plan rada nisu usvojeni.

ZAKLJUČAK

14.1. Ne usvaja se Godišnji Izvještaj o radu općinskog urbanističko-građevinskog i putnog inspektora za period 01.01. – 31.12.2017.godine.

14.2. Ne usvaja se Plan rada za 2018. godinu.

Predsjedavajuća OV, dajem na glasanje prijedlog zaključka koji sam iznijela ispred koalicionog bloka.

14.3. Općinsko vijeće daje punu podršku gospodinu Džaferoviću da provodi procedure zakonom propisane u suradnji sa općinskom administracijom i nadležnim službama, da ne pada pod uticaj lokalnih lobija ili pojedinaca na općini Maglaj i da svoj posao radi dosljedno i pravično.

Glasalo 24 glasa za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić,(SBB), Elvir Vehabović (SBiH), Hajrudin Fermić (DF), Fikret Delić, Mustafa Bešić, Kanita Bašić samostalni vijećnici, Josip Jurišić (HDZ) Adis Abdurahmanović, Nedžad Alispahić, Avdić Selma, Mirsad Bejzić, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić samostalni vijećnik.

AD – 15 Informacija o stepenu rizika od prirodnih i drugih nesreća sa analizom provedbe Programa razvoja zaštite i spašavanja na području općine Maglaj;

Otvaram raspravu

Vijećnica Anida Šahman, Klub vijećnika SDP-a ovu Informaciju prima k znanju. Jedna mala sugestija, bilo bi dobro da se Općinskom vijeću predoči registar klizišta vezano za stav 2. ove Informacije. Puno informacija je urađeno za prostornu osnovu a nikada nisu bile predočene na Vijeću, u nekom od narednih perioda ne bi bilo loše da se i to dostavi.

Vijećnik Hajrudin Fermić, Dugo sam se pripremao za ovu tačku dnevnog reda a i nju ćemo sigurno formalno preći. Sam naziv Informacije dao je u zadatak Službi CZ potpuno drugačiji opis poslova da uradi i realizuje. Urađen je samo dio, samo taksativni pregled prirodnih nepogoda koje su evidentirane na području općine Maglaj i koje mi svake godine dobijamo ovdje na OV. Bilo je sa analizom provedbe programa unapređenja civilne zaštite na području općine Maglaj. Mi ni jedne jedine riječi nemamo o tom programu, niti se spominje taj program. Ja želim da podsjetim sve nas i građane da je plan zaštite i spašavanja od prirodnih i drugih nesreća donijelo Općinsko vijeće 28.11.2003.godine. Da je program razvoja zaštite i spašavanja OV Maglaj donijelo 31.08.2005.godine. Prije 13 godina, nikad apsolutno ništa ažurirano nije niti planu niti programu, a Zakonska je obaveza. Ono što je najteža činjenica da je 2017.godine Kantonalna skupština usvojila Kantonalni program, koja je dala u obaveze OPŠCZ između ostalog i da ažurira ove svoje planove. Mi smo i zaboravili da postoje. Ne znam da li iko osim vas u CZ znaju da postoje ovi iz 2003. i 2005.godine papiri, a pogledajte šta se sve dešavalo u međuvremenu. To je strašno u kakvom je pravnom haosu ili vakumu ono što imao u CZ. Ja znam šta ćete vi odgovoriti da nemate pravnika, da nemate kadrova itd. Mi moramo ozbiljno početi nešto raditi na ovom polju u ovoj djelatnosti što prije. Imamo svu kompletnu dokumentaciju, imamo papirologiju, imamo pravne osnove, imamo sve da uradimo nešto.

Nama za ove planove i programe nije dovoljno ni ono što nam se desilo 2014.godine, ni 2015. Da mi napravimo neki pomak u tom pravcu. Ja ovdje želim da podsjetim na jednu činjenicu, ja ne znam ko je primjetio to uopšte a ima objavljeno je u revidiranoj Strategije Općine Maglaj. Od 15.12.2016.godine do 15.01.2017.godine 23 puta na općini Maglaj mjerenje zraka je pokazalo prekoračenje maksimalne dozvoljene koncentracije PM 10. Kancerogenih čestica. Ta mjerna stanica mobilna kantonalna bila je ovdje kod Vatrogasnog doma. Šta i kako mi znamo i trebamo i moramo da reagujemo u slučaju tih tzv. Incidentnih slučajeva zagađenja zraka uopšte se ne spominje to zagađenje zraka i rizici od toga. Mi znamo da cijeli Maglaj bruji prethodnih dana o nečemu što smo

trebali dobiti službenu informaciju od vas, jer ja koliko znam zvanično saopštenje od kompanije „Natron-Hayat“ je da su upoznati zvanični organi. Imamo mi Općinski štab, mi imamo uredbu, plan interventnih mjera u slučajevima prekomjerne zagađenosti zraka na području ZDK 2013. godine na snazi. Sve tako lijepo decidno propisuje šta radi Štab, Služba CZ, kad se formira operativni štab, kad su preventivne mjere itd. Šta nam fali, fali nam nešto da imamo na papiru, nešto strateški, planski da znamo kud i šta dalje.

Ja sam ovdje očekivao takvu jednu vrstu analize sa prijedlogom mjera, sa prijedlogom rokova i da mi o tome razgovaramo i raspravljamo. Mi ovdje nemamo ništa, a imamo zakonske kompetencije kao Vijeće da donosimo ove planove. Šta je u pitanju, ja ne znam, puno sam pripremio za diskusiju i neću dalje da diskutujem, ali ovo su stvari elementarne koje se konačno moraju sa ove Sjednice OV inicirati i pokrenuti da dođemo do nečeg kvalitetnog na općini Maglaj.

Anto Maglica, gospođica Šahman je spomenula registar klizišta.

Registar klizišta je nešto što se mora uraditi, u stvari što nam je naložilo da bi bilo dobro da mi uradimo registar klizišta a toga registra klizišta nema niko u ZDK. Mi smo u Službi radili neku vrstu registra klizišta za naše upotrebe. Mi smo radili stvari koje sadrže određene elemente koje mora imati registar klizišta. Naravno u svemu tome bi nam trebao pomoći i geolog, ali i bez njega smo to uradili. U taj naš interni registar ulazi lokalitet sa omeđenim granicama na karti klizišta i sa onim elementima koje klizište ugrožava. To su prostor, da li su to naseljena mjesta, industrijska nekakva postrojenja, poljoprivreda ili nešto drugo. Broj objekata koji se nalaze na tom klizištu stambeni, pomoćni objekti, broj domaćinstava odprilike i broj stanovništva koji se nalazi u takvim zonama. Također, putne komunikacije, infrastruktura, struja, voda telefoni itd. Mi to imamo u Službi CZ i mi smo to uradili prije 3-4 godine i to smo slali prema Zavodu u Zenicu i oni su rekli da je s obzirom na okolnosti taj naš registar dobar i da se može koristiti kao osnova kod izrade plana koji se radi na općini Maglaj znači Savjet.

Što se tiče ovoga što je rekao gospodin Fermić, upravu je. Što se tiče procjene ugroženosti koju mi imamo, procjena ugroženosti je iz 2005.godine. Ona se mora inovirati. Mi u Službi CZ nemamo ljudske kapacitete da tako nešto uradimo. Tu treba angažirati nekakvu stručnu kuću, institut ili nekoga ko bi to uradio stručno, ali naravno da bi mi bili support. Većinu posla bi mi uradili a oni bi to samo fino posložili. Kao i plan zaštite i spašavanja. Normalno, poslije 2014.godine svi oni planovi koji su postojali prije ne vrijede, s obzirom da su opasnost, rizici i td. su sve složeniji i složeniji. Mi smo sada u situaciji kod ovih nekakvih pojava klimatskih promjena u svijetu, te opasnosti ne pogađaju samo nas, nego i bogate i siromašne, samo je pitanje ko je otporniji na takvo djelovanje, ko je izloženiji, ko je ranjiviji i ko ima bolje kapacitete i sve to skupa ulazi u nekakav rizik. Naravno mi po kapacitetima nismo dobri, a što su kapaciteti manji to je on R veći.

Što se tiče Programa zaštite, spašavanja on je bio na Vijeću 2015. Ali nije prošao. Nisam ja tada bio šef Službe, bio je Rasim prije mene. To je dokument koji ima nekih 70-tak stranica. Mi imamo taj dokument, ali ni on s obzirom na 2014. Godinu više nije taj koji bi mogao odgovoriti na zadatke nekakvih modernih vremena i nadamo se da bi u nekakvom narednom periodu mogli napraviti te dokumente koji će biti u skladu sa nekakvim evropskim zahtjevima. Da idemo bar malo u korak s Evropom. I oni inoviraju te dokumente i oni imaju sendaije i nekakve konferencije vezano za katastrofe i oni donose određene zaključke, i oni kažu da imaju problema da se nose Amerika, Japan itd. bogate zemlje i njihne ciklone, vulkane, monsuni itd. Pogodi, samo što smo mi nažalost u BiH izloženiji ovakvim pojavama.

Bilo bi mi drago da možemo kao općinska administracija napraviti te dokumente, naći nekoga ko je stručan za to. Takav dokument se može prepisati, samo nije to to. Ja ne želim da prepisujem ni planove zaštite, ni spašavanja, ni procjene ugroženosti pogotovo ne program razvoja zaštite i spašavanja koji je jedan sveobuhvatan dokument.

Gospodin Fermić je spomenuo zagađivanje zraka i da povremeno tu ovi iz Kantona dovedu tu mjernu jedinicu. Nekad su nama u prijašnjim godinama slali povremeno mjesečno iz Zenice izvještaje o stanju kvalitete zraka na općini Maglaj, međutim u zadnjih nekoliko godina od poplava na ovamo mi ne dobijamo u Službu CZ informacije. Informaciju smo dobili iz „Natron-Hayat“ kad su imali ispad one peći, pa su imali nekakve čestice prašine, pepela koje je ugrožavalo stanovništvo uglavnom n/m Maglaja, mada je s obzirom na stanje anticiklone u to vrijeme ona se širila, nije taj dim izašao u zrak, nego je ostao pri dnu pa je onda uz Bosnu i niz Bosnu napravio ono što je napravio.

Što se tiče reakcije na zagađivanje zraka mi u CZ ne znam da li ima neko ko bi znao koja bi to bila reakcija naša da mi sad nešto popravimo kvalitetu zraka koju je uzrokovao „Natron-Hayat“ ili neko drugi nije bitno ko.

Vijećnik Firuz Galijašević, u Informaciji vidimo nabrojano naugroženija naselja od djelovanja klizišta. Pitanje za gospodinu Maglicu, zašto nije ubrojano i naselje Strupina, koliko mi se čini ona kuća od Marka Sičanice, ne znam do kad će stojati onako.

Anto Maglica, odgovorio To je u Mladoševici nije u Strupini.

Predsjedavajuća OV, čini mi se da je gospodin Maglica svjestan svih ovih sugestija koje su iznesene od strane dopredsjedavajućeg, a vezano za uređenje te oblasti procjena ugroženosti i Plan zaštita spašavanja predlažem da Informaciju primimo k znanju uvažavajući sve iznesene sugestije, a da se pokuša iznaći način da se ti dokumenti nađu na nekim od narednih sjednica Općinskog vijeća u ovoj godini.

Općinski načelnik Mirsad Mahmutagić, bilo je nekoliko teza pomenutih, htio sam nekoliko informacija da podijelim s vama.

Od strane „Natron-Hayat“ smo dobili informaciju da imaju problem da se dešava proces koji smo doživjeli i tamo stoji da nije štetno po zdravlje. To je s ve što smo dobili i kad dobijemo da nije štetno po zdravlje, šta da djelujemo i kako. Čak i da je i pisalo da je štetno za zdravlje osim određenih mjera obavještanja i upozoravanja itd.

Tokom ove godine u Maglaju treba da bude instalirana mjerna stanica za mjerenje kvaliteta zraka. Mjernu stanicu za temperaturu, nivo vode itd. Tu već stoji nekoliko godina na mostu. Uskoro će biti instalirana jedna hidrometeorološka stanica i sve će to biti povezano za općinskom web stranicom, tako da u svakom trenutku ćemo moći pratiti sve te podatke, a ono što hoću da kažem.

Postoje ove primjedbe da je prije 10 i više godina trebalo završiti određene akte i do sad ih je možda dva tri puta modifikovati. Da vam napomenem da smo 12.02. u Sarajevu potpisali kao jedna od 23 općine i gradova u BiH protokol o međusobnom povezivanju upravljanja rizicima od katastrofa gdje će općina Maglaj biti u potpunosti uključena. Početak je sa softver „Dras“ gdje ćemo za svaki dio naše općine imati određene informacije o geološkom stanju, potencijalnim klizištima, potencijalnim poplavama itd. A nakon toga će ići slijedeći korak ovog projekta prema informacijama koje smo dobili u Sarajevu i određenih konkretnih zahvata na terenu kad je u pitanju infrastruktura, pa i moguće obuke, vrlo vjerovatne obuke u spašavanju i na vodama i na klizištima itd. Dakle, nije stanje samo ovako kako stoji u Informaciji koja je došla od strane CZ, a i oni ne vladaju svim ovim informacijama. To je nešto što ide mimo CZ. U toku će projekt tek biti, tek je potpisana procedura. Ono što smo u međuvremenu imali kad je u pitanju CZ oni su išli na određene obuke kad je u pitanju Projekat upravljanja rizicima, tri osobe iz općinske administracije su bile. Jedna osoba je u utorak bila u Sarajevu.

Predsjedavajuća OV, primamo informaciju k znanju, uz sve iznesene sugestije vezano za materijal, a posebno ovo što je iznio dopredsjedavajući procjena ugroženosti Plan zaštite od spašavanja.

- Informacija o stepenu rizika od prirodnih i drugih nesreća sa analizom provedbe Programa razvoja zaštite i spašavanja na području općine Maglaj, prima se k znanju, uz sve iznesene sugestije.
- 1. Ažurirati Plan zaštite i spašavanja od prirodnih i drugih nesreća iz 2003. Godine, kao i Program razvoja zaštite iz 2005. godine u skladu sa obavezama propisanom Kantonalnim Programom iz 2017. godine.
- 2. U skladu sa Uredbom – Plan interventnih mjera u slučajevima prekomjerne zagađenosti zraka na području ZDK od 2013. godine, pripremiti analizu i propisati odgovarajuće mjere zaštite stanovništva.
- 3. Registar klizišta, koji je već ranije pripremljen u Službi CZ prezentovati Općinskom vijeću na jednoj od narednih sjednica.

AD – 16 Informacija o stanju bezbjednosti, javnom redu i miru na području općine Maglaj za 2017. godinu;

Otvaram raspravu

Vijećnik Fikret Delić, tačno prije godinu dana iznio sam jedan problem sa kojim se susreću mještani mjesnih zajednica sa novošeherskog kraja, a to je prolazak kamiona šticara putem koji je kategorisan na 15 tona, a znamo da su ti kamioni preko 40 tona kategorisani. Tražio sam da se uputi jedan dopis Policijskoj stanici Maglaj za češćom kontrolom da se nalazi na tom putu i što sam nakon par mjeseci uočio da se zaista potrudila Policijska stanica da je patrola bila skoro svaki drugi dan. Sad mogu slobodno reći da tim putem Kopice-Šeher-Domislica, gdje je dnevno znalo prolaziti po 10-15 kamiona dnevno, 80% manje sad prolazi. Poneki kamion se nađe i prođe, jer naš je put gore totalno počeo propadati, a uzrok su baš ti kamioni. Nadam se da će Komandir i Policijska stanica nastaviti sa ovim radom i da će patrola se nalaziti češće da se ne bi ponovo vratili. Samo za godinu dana se suzbilo 80% prolazaka. Sve pohvale za Policijsku stanicu i njene službenike. Klub samostalnih vijećnika prima k znanju ovu informaciju.

Vijećnica Svjetlana Zamboni, pošto je urodila plodom ova inicijativa za novošeherski kraj, i ja bih Vas zamolila da se ovih dana provozate put Donjeg Rakovca i da vidite da je taj put već ugrožen i pitanje je i dana koliko će on još biti u funkciji. Pod teretom tih teških vozila koja prolaze gore, već su se javili odroni te ceste i taj put će vrlo brzo i otići. Bojim se da će za sobom povući i neko od vozila i ugroziti ljudske živote. Vi znate da je gore također limitirana težina vozila koja može prolaziti tim putevima da ne spominjem i n/m Jablanicu, pa Vas molim da u tom smislu preduzmete sve što je u vašoj moći kako bi se taj saobraćaj što više kontrolisao.

Vijećnica Šefka Hasanić, Klub vijećnika SDA, također prima informaciju k znanju. Pohvaljuje svaki vid nekog napretka u obezbjeđivanju i sigurnosti građana. Imala bih jednu primjedbu, a odnosi se na Ulicu Srebreničkih žrtava rata. U periodu od 18,00 sati do 23,00 sata to je jedno predivno šetalište, bez obzira što ima uređena biciklistička staza, ili su građani toliko neupućeni pa ne koriste biciklističku stazu, nego voze dijelom gdje auta idu, a ujedno i smetaju velikom broju pješaka koji u tom periodu se kreću tim putem. Vjerujem da bi bilo nemoguće u nekom periodu zabraniti saobraćaj u tom dijelu, možda pojačanu kontrolu zbog kontrole brzine i učešća ovih biciklista i pješaka u tom saobraćaju.

Vijećnik Hajrudin Ferić, samo bih zamolio Komandira da kad bude odgovarao na ostale diskusije samo da kaže koji je podatak ispravan i istinit. U Informaciji koju smo dobili od vas stoji da su četiri poginula na

magistralnom putu M-17, a u ovoj Kantonalnoj informaciji stoji 5 na tom području. Pošto su objavili mediji, ne znamo da li trebaju praviti demant ili je štamparska greška. Mediji su objavili ovu Kantonalnu informaciju.

Vijećnica Svjetlana Zamboni, u vrijeme uskršnjih blagdana časne sestre su dolazili u posjetu Općinskom načelniku i Predsjedavajućoj OV i tom prilikom su napomenule da ako budemo u prilici da ukažemo na ovu već ustaljenu pojavu okupljanja u kasnim noćnim satima omladine dolje iza katoličke crkve, nisu ništa imale u smislu prigovora na odnos prema njima ili velečasnom, ipak svašta dole nađu da sad pred kamerom ne govorim o čemu sve možemo pričati. Vidim ja da je patrola prisutna, možda i pojačani nadzor tog dijela grada.

Općinski načelnik Mirsad Mahmutagić, ja ću se zahvaliti gospodinu Mušiću na saradnji za ovu godinu i po dana kako sam Općinski načelnik. Ovdje izlazim zbog javnosti, jedan dio roditelja je dolazio do mene sa ozbiljnom zabrinutošću ponašanja prijevoznika koji voze đake kućama, nepoštivanju i saobraćajnih propisa, nekorektnom ponašanju, upotreba autobusa koji su tehnički neispravni. Da djeca stoje u pojedinim autobusima, da dođu sa ozljedama, sa masnicama, da padaju sa torbama, da se miješaju kompetencije redovne vožnje i da u isti autobus iako je đачki tj. zasebna linija, u isti autobus se kupe i đaci i radnici, tako da to izgleda kao jedan javašluk. Izašao sam samo da kažem da sam razgovarao sa gospodinom Mušićem i sa komandrom Zeničke policijske uprave, zamolio ih da poduzmu iz svoje nadležnosti ono što oni mogu i oni su sugerisali meni na koji način možemo zajednički djelovati da riješimo taj problem. Čisto sam zbog tih roditelja koji su dolazili i iznijeli zabrinjavajuće podatke i izašao za govornicu. Zna i vi vijećnici, a evo i javnost da zna da smo svjesni tog problema i da ćemo pokušati dati sve od sebe da to riješimo, da djeca imaju jedan civilizovan prijevoz.

Vijećnik Mustafa Bešić, nadovezao bih se na Načelnikovu diskusiju. Imamo prijevoz putnika i đaka, pa bih molio ne znam kome bi se mogli obratiti. Imaju stare autobuse, vidite kakve su vrućine, moguć se poboljšati uvjeti da se firmama naloži da se obezbijede bolji autobusi da imaju klinu. Prozori ne rade to su ozbiljni problemi. Ko to može da nam pomogne oko boljih uvjeta putnika i đaka?

Vijećnik Mirza Bradarić, ja znam da policijski službenici svaki dan između smjena i pogotovo na kraju druge smjene budu dole kod T-objekata, ispred škola. Međutim, regulišu saobraćaj koji ide od kružnog toka prema T-objektima. Međutim, mi dole pred školom naročito u periodu između smjena negdje od 12,10 pa do 13,00 sati poslijepodnevnim satima od 17,00 – 18,00 sati imamo pojavu novopečenih vozača. Omladina uzme od roditelja auto i to su relativno jaka auta, novija auta, i omladina dođe pred školu, to se naočale nabace, cigarete se zapale i dole nema šta se ne radi autima. Međutim, to je sve u krugu dvorišta Gimnazije, SMŠ i Prve OŠ. Neka oni rade šta hoće, ja u to ulaziti neću, ali nažalost tu se nalazi Prva OŠ, tu su mala dječica kojoj jednostavno možete govoriti pazi preko ceste, ali dijete jednostavno ne obraća pažnju. Samo bih skrenuo pažnju ako može Komandiru dolje kad je već policijski službenik pogotovo saobraćajci kada stoje, da eventualno promijene samo malo lokaciju umjesto što će stajati na čošku kod T-objekata da svoje vozilo i svoju lokaciju samo pomjere kod ulaza prema školama negdje kod kioska. Naravno da će i omladina drugačije razmišljati ako 5-10 metara ispred sebe vidi policijske službenike, konkretno saobraćajce. Ovo čisto govorim samo iz razloga, meni su iz moje škole uputili molbu da ja zamolim Načelnikom i za vezano ležeći policajac na ulazu u OŠ i prema SMŠ, međutim, ja sam im rekao da ja to uraditi ne smijem. Mislim da sam ovu zadnju godinu dosadio i sam sebi i svim ostalim po pitanju tih ležećih policajaca. Ipak ću zamoliti Načelnika da se razmisli i o toj opciji u saradnji sa Komandrom PS, ako ikako postoji mogućnost i sa Savjetom za bezbjednost saobraćaja, mislim da je to puno manje bolna opcija nego ne daj bože da bilo ko nastrada.

Alen Mušić, komandir Policijske stanice, Vi ste dobili našu Informaciju za 2017. godinu kroz ova tri segmenta, kriminalitet, javni red i mir i bezbjednost saobraćaja. Ja se ne bih puno na ovim statističkim pokazateljima zadržavao, uglavnom pokušao bih odgovoriti na pitanja. Možemo reći samo jednu rečenicu da po svim ovim segmentima mi možemo ocijeniti stanje povoljno na području naše općine kad je u pitanju bezbjednost saobraćaja i to ćemo svakako nastojati i u narednom periodu da svim građanima naše općine i onima koji posjećuju našu općinu osiguramo siguran bezbjedonosni ambijent.

Kad su u pitanju vaša pitanja, drago nam je da se na području novošeherskog kraja uspješno riješiti mi ćemo i u narednom periodu sigurno preduzeti mjere da ovaj problem kad je u pitanju prolazak teretnih motornih vozila a koja se ne pridržavaju dozvoljenog znaka 15 tona, prema svima onima koji budu kršili preduzimati zakonom predviđene mjere i to smo u ovom proteklom periodu svakako radili.

Kad je u pitanju put Donji Rakovac mi smo upoznati sa tim problemom i imamo prisustvo u određenim danima, svakako ćemo u narednom periodu pojačati prisustvo policijskih službenika na tom području i da i taj problem kad su u pitanju ne pridržavanje znaka da pokušamo taj problem riješiti.

Kad je u pitanju Ulica Srebreničkih žrtava rata mi tu vršimo i kontrolu saobraćaja u određene termine i u određenim danima, i to ćemo svakako nastaviti i u narednom periodu da li sa radarskim uređajima ili kontrolu, ali svakako ćemo poduzeti da se svi građani i pješaci i biciklisti i učesnici u saobraćaju osiguramo bezbjednost kad je u pitanju saobraćaj.

Gospodin Fermić, istakao je u našoj informaciji za 2017. godinu da smo mi u tabelarnom prikazu naveli da je broj saobraćajnih nezgoda sa poginulim licima 4, međutim govorimo o saobraćajnim nezgodama, desile su se 4 saobraćajne nezgode sa 5 poginulih lica. S obzirom da su u jednoj saobraćajnoj nezgodi dva lica smrtno stradala. Nažalost i pored svih mjera desi se i neki dan desila se saobraćajna nezgoda sa smrtnostradalim licem.

Kad je u pitanju gospođa predsjedavajuća Zamboni, ona je navela da je imala prijem sa časnim sestrama i mi smo upoznati s tim problemom. To je bilo i na forumu za bezbjednost građana jedna od konstatacija i mi šaljem policijske službenike tamo na tu lokaciju i nastojat ćemo u narednom periodu da taj se problem u potpunosti riješi s obzirom da mi nismo 24 sata tamo prisutni, ali imaju ti termini kada se okupljaju ta lica, tako da ćemo i to u narednom periodu sigurno riješiti.

Načelnik je već spomenuo što bih ja svakako potvrdio vezano za prijevoz učenika autobusima. Mi smo upoznati s tim problemom poduzimali smo određene mjere što je iz naše nadležnosti, a također upućivali i određene informacije i zabilješke Kantonalnoj inspekciji za cestovni saobraćaj, tako da će i oni iz svoje nadležnosti preduzeti te mjere i tu je određena procedura kada su u pitanju đački autobusi, zna se kako se ti učenici smiju i na koji način i u koje vrijeme prevoziti tako da ćemo i u tom segmentu pratiti situaciju i preduzimati mjere. Što mi sa svoje strane naravno ono što uočimo upućivati i nadležnim kantonalnim inspekcijama.

Kad je u pitanju konstatacija gospodina Bešić Mustafe, mi u pogledu samog kvaliteta prevoza učenika i putnika ne utječemo, s tim da mi možemo ako sumnjamo na tehničku neispravnost, možemo uputiti vozilo na vanredni tehnički pregled i tu preduzeti mjere, ako je tehnički neispravan isključiti ga iz saobraćaja u pogledu tih uslova, klime i drugo mi nemamo zakonsko uporište. Ako je tehnički neispravan u pogledu tehničkih uslova tu imamo ovlasti i možemo postupiti.

Bradarić Mirza je postavio pitanje, mi smo dobili bilo je na prošlom Općinskom vijeću pitanje vezano za saobraćaj na području oko dvije škole, OŠ i srednje. Mi smo poduzeli mjere i imamo prisustvo patrola dole i svakako ćemo nastojati da i ovo što je gospodin Bradarić sugerisao u tom periodu da budu prisutni na tim lokacijama. Samo jedna napomena, da mi prema takvim licima u 2016. godini smo oduzeli 16 vozila od učesnika u saobraćaju, znači povratnika u činjenju prekršaja, gdje je Sud donio presudu da se ta vozila daju na raspolaganje, odnosno idu na uništenje, a u 2017. Godini 25 vozila. Nažalost imamo povratnike u činjenju prekršaja, a u toku 2017. godine mislim da je jednom povratniku oduzeto 8 putničkih vozila.

Mislim da sam na sva pitanja odgovorio. Svi policijski službenici će i u narednom periodu osigurati svim našim građanima povoljan bezbjedonosni ambijent.

Predsjedavajuća OV, zaključujem raspravu i predlažem

- Informacija o stanju bezbjednosti, javnom redu i miru na području općine Maglaj za 2017. godinu, prima se k znanju.

Pauza za Klub SDA

AD - 17 Odluka o dodjeli sredstava sa transfera boračkih organizacija koji su planirani za rad boračkih organizacija/udruženja u Budžetu Općine Maglaj za 2018. godinu;

Na zahtjev Kluba SDA pauza 15 minuta.

Otvaram raspravu

Vijećnik Safet Jašić, mi smo uspjeli malo to razraditi u pauzi. Malo mi je čudno što nema predstavnika boračkih udruženja nikoga.

Ovdje se u jednom pasusu kaže za raspodjelu sredstava za redovan rad boračkim organizacijama i udruženjima za 2018. godinu Općinski načelnik će imenovati komisiju od tri člana koja će vršiti raspodjelu sredstava i ujedno pratiti provođenje ove Odluke. Što se tiče Kluba SDA mi predlažemo da u ovoj komisiji ne budu vijećnici i ne bude politika, nego da budu stručni ljudi iz Službe za BiZ i finansije. Nemamo ništa protiv ove Odluke, u slučaju da će u ovoj komisiji raditi stručni ljudi iz ove dvije Službe.

Predsjedavajuća OV, još jednom ponavljam javnosti radi da je ova Odluka rezultat dogovora predstavnika boračkih organizacija i Općinskog načelnika.

Vijećnik Safet Jašić, ja sam neću pomenuti nikoga ali sam upravo kontaktirao jedno boračko udruženje i oni kažu da je ovo upravo ono što oni ne bi htjeli prihvatiti nego da nema politike, da nema vijećnika, nego da bilo ko iz ove dvije Službe radi nemaju ništa protiv.

Općinski načelnik, samo govoriš da nema politike, a sam politiku ubacuješ. Politika je nemoj da bude vijećnik, jer znaš da nećeš biti ti, ja te nikad ne bi imenovao u tu komisiju. To je jasno. Lijepo stoji Načelnik će imenovati tročlanu komisiju i izaćete pa kazati koje vam je to udruženje reklo.

Zašto je kasnio materijal nisam znao da će predsjednik JOB-a Hajdić ići u bolnicu od praznika na ovamo, čovjek je i prije praznika išao u bolnicu pa nije bio ostavljen. Treba biti u bolnici jutros smo se čuli. Složio se kako Fatima iz Opš i pb, i iz RVI ako oni prihvaćaju, prihvaća i on i to je to. Usaglašeno u ovoj odluci nema nikakve politike. Pa dva puta će vam dolaziti na Vijeće. Niste imali ni jednom tako. Sad ćete imati dva puta i pominjete politiku.

Vijećnik Hajrudin Ferić, želim samo javno podržati ovaj prijedlog Odluke i da konačno možemo ući u nekakav normalan sistem finansiranja boračkih udruženja. Mislim da je već kraj aprila i ne bi trebali da

odugovlačimo. S druge strane moram da prokomentarišem, ali Općinsko vijeće i vijećnik ne može i ne smije da bude taj nosilac u svojim poslovima i svom radu, te stranačke politike. Bez obzira na strahove koje Vi iznosite ovdje za mene je najmanje bitno ko će činiti komisiju, bitno je da krene da se to finansira. Mislim da je vaša kolegica Selma Avdić bila i na ovom seminaru i edukaciju kojeg je UNDP-i radio u kojima je između ostalog i jako poučno nam rečeno na koji način i kako da radimo pravimo ove kriterije, programe finansiranja nevladinih organizacija. Ono što nama treba početak i kraj jeste Općinsko vijeće, čak i njihova sugestija da budu vijećnici u tim komisijama, naravno ona evaluacija i kontrola i nadzor svakako jeste od OV. Da pokušamo ovo da odvojimo od dnevne politike i da pokušamo raditi posao kako treba. Podržavam ovu odluku.

Vijećnica Svjetlana Zamboni, podržavam sve ovo što je Dopredsjedavajući rekao. Po pitanju imenovanja ove komisije za tri člana, nije do sad nikad postojala. Za mene je to mnogo transparentnije, nego davati ovlasti jednoj osobi da ona raspoređuje sredstva i da odlučuje o sudbinama udruženja, građana ili asocijacija. Znači imati taj filter tu komisiju koja će na određeni način i što se više ljudi uključi u to mislim da je sve više transparentna, a mislim da je nama kao OV u interesu da se borimo za transparentnost dodjele sredstva iz budžeta.

Vijećnik Josip Jurišić, i ja sam mišljenja da bi ovu odluku trebali danas usvojiti. Iako je ovo prijedlog i rješenje koje je iznio načelnik, i ove udruge proistekle iz rata. Nema ništa protiv toga i tako smo na prošloj sjednici i razgovarali o tome dali zadatak Načelniku da on to s njima usaglasi. Vjerujem da je to napravljeno sa obje strane na dobrobit tih udruga.

Predsjedavajuća OV, zaključujem raspravu i stavljam na glasanje

Z A K L J U Č A K

17.1. Donosi se Odluka o dodjeli sredstava sa transfera boračkih organizacija koji su planirani za rad boračkih organizacija/udruženja u Budžetu Općine Maglaj za 2018. godinu.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBIH), Hajrudin Ferić (DF), Mustafa Bešić, Kanita Bašić samostalni vijećnici, Josip Jurišić (HDZ).

Glasalo 11 glasova uzdržano : Adis Abdurahmanović, Nedžad Alispahić, Avdić Selma, Mirsad Bežić, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić samostalni vijećnik, Fikret Delić, samostalni vijećnik.

AD – 18 Informacija vezano za akt Ministarstva za pravosuđe i upravu FBiH.

Predsjedavajuća OV, bilo je izjašnjenje Ministarstva pravde po pitanju donesene Odluke Općinskog vijeća vezano za mjesne zajednice. U međuvremenu održan je jedan sastanak sa predstavnicima svih mjesnih zajednica i sa tog sastanka su proizašli nekakvi zaključci o čemu će nas izvijestiti Općinski načelnik.

Općinski načelnik, vi znate da je bilo rasprave oko pitanja mjesnih zajednica. Meni na ruke došao je jedan akt iz Ministarstva pravde koji je naslovljen na gospodina Jašića, predsjednika Kluba SDA, tako je došlo od Ministarstva pravde na moje ruke, međutim, poslije smo dobili jednu informaciju obzirom da smo imali jedan sastanak sa predsjednicima mjesne zajednice da je taj akt Ministarstvo slalo na različite adrese bez uvida da su ostali vidjeli gdje je sve upućeno. Po saznanjima od vijećnika Jašića na tom sastanku da je tu bilo i nekoliko mjesnih zajednica uključeno kad je u pitanju taj dopis. Dobili smo akt, mišljenje Ministra resornog Ministarstva. Mišljenje nije neobavezujuće a nismo neozbiljni da ne prihvaćamo mišljenja određenih viših instanci. Tamo stoji da ima proceduralnih grešaka u donošenju one Odluke koju je Vijeće donijelo, ali isto tako stoji konstatacija da nije ranije procedure nisu bile u skladu sa zakonskim propisima. Tačnije nema podataka da su statuti mjesnih zajednica prošli kompletnu proceduru. Kompletna procedura je da se donesu na zboru građana mjesnih zajednica, da svaki statut svake mjesne zajednice verifikuje Općinsko vijeće i da se objavi u Službenim novinama. Dakle, procedura u ovom smislu je kršena već duži niz godina. Da bi izašli iz ovog čorsokaka da bi rukovodstva mjesnih zajednica bile potpuno legalne. Mi smo održali jednu raspravu i mislim da ćemo imati ubrzo još sličnu raspravu imali smo određene prijedloge, neću reći da su bili toliko suprotstavljeni, možda na kraju da smo svi shvatili šta nam je put raditi. Ja iz tog razloga da ne širim, ukoliko želite vi poslije raspravljajte. Kad sam već izašao htio bih pročitati slijedeće uključujući i prijedloge.

Nakon evidentiranih teškoća u radu i funkcionisanju mjesnih zajednica na području općine Maglaj u prethodnom periodu, mogućnost osiguranja kvoruma za rad Zbora građana u mjesnim zajednicama, nepotpune dokumentacije koja je uništena uslijed elementarnih nepogoda, požar, poplava, nejasnoća oko pravne regulative prilikom donošenja Statuta mjesnih zajednica, nije poznato da li su Statute mjesnih zajednica usvojili građani na zborovima i da li je konačnu verifikaciju statuta mjesne zajednice izvršilo Općinsko vijeće, te da li su isti objavljeni u „Službenim novinama Općine Maglaj“, predlažem Općinskom vijeću da donese slijedeće zaključke:

1. Zadužuje se Općinski načelnik da imenuje stručnu radnu grupu iz reda zaposlenih u Jedinostvenom općinskom organu uprave koja će imati slijedeća zaduženja:
 - Utvrditi broj registrovanih mjesnih zajednica na području općine Maglaj putem Zavoda za statistiku i Ministarstva pravde.
 - Pribaviti kopije važećih odluka o osnivanju mjesnih zajednica sa potpisom predsjednika zbora građana, datumom donošenja Statuta mjesnih zajednica, podatke o članovima Vijeća mjesnih zajednica i njihov mandatni period i drugu dokumentaciju vezanu za rad organa mjesnih zajednica, te nakon toga izvršiti popis pribavljenih dokumenata.
 - Nakon prikupljene dokumentacije imenovana radna grupa će izvršiti usporedbu pribavljenih normativnih akata sa odredbama Zakona o principima lokalne samouprave u FBiH i Statutom Općine Maglaj i na osnovu utvrđenog činjeničnog stanja predložiti Općinskom načelniku dalje postupke i procedure za usklađivanje akata mjesnih zajednica sa aktima Općine Maglaj, odnosno Statutom Općine Maglaj i aktima općinskog vijeća Maglaj.
 - Rok za naprijed pobrojano je 60-90 dana.
2. Na osnovu akta Federalnog Ministarstva pravde Sarajevo broj: 09-49-1209/18 od 04.04.2018. godine Odluka o postupku, rokovima i uslovima/uvjetima provođenja izbora kao i utvrđivanje rezultata izbora za članove Vijeća mjesnih zajednica na području općine Maglaj br. 02-05-1-508/18 od 27.02.2018. godine objavljen u „Službenim novinama Općine Maglaj“ broj: 2/28, neće se primjenjivat sve dok Općinsko vijeće ne odluči drugačije.
3. Sadašnji članovi Vijeća mjesnih zajednica ostaju na svojim funkcijama sve dok Općinsko vijeće ne donese drugačiju odluku, a odluku o istom Općinsko vijeće je dužno donijeti najkasnije do novembra 2018. godine.
4. Ukoliko ne želite da aktuelna rukovodstva ne privredu ovaj proces kraju da se imenuju povjereništva mjesnih zajednica.

Ovo je akt koji je rađen od strane stručnog pravnika i ne potiče ni od jedne političke partije.

Vijećnik Safet Jašić, što se tiče Odluke o mjesnim zajednicama, ovo sve predugo traje i mi smo na onoj posljednjoj sjednici donijeli Odluku da se obratimo Federalnom ministarstvu pravde koje je ujedno i tumač zakona itd. Mi smo se ispred Kluba potpisali nas deset vijećnika i poslali smo upit Federalnom ministarstvu. Pored nas je i 9 mjesnih zajednica poslalo i obratilo se Federalnom ministarstvu i dobili smo ovo. Ne znam ima li potrebe da ovo čitam nešto je rekao i Načelnik. Povlači se priča ili teze kako mjesne zajednice nisu upisane u registar. Ja sam nedavno trebao taj dokumenat za priključak struje u Kopicama za MZ i dobio sam uredno. Znači nije tačno da mjesne zajednice nisu upisane u registar. Po ovom pitanju tražimo mi podatke sve o mjesnoj zajednici od Službe vijeća da nam dostavi da vidimo zaista da li su pravljene tako krupne greške ili je to nešto što se prešućuje. Nismo sigurni, ali ja sam se uvjerio prije neki dan sam dobio taj dokumenat. Imam ispred sebe i Statut MZ koji u preambuli stoji Što znači da su građani donijeli ovaj Statut i svima je to poznato ko je u tom periodu bio uključen u rad mjesnih zajednica. Građani su ti koji odlučuju o svemu, građani su donijeli ovaj Statut i nema ništa sporno. Ovo je jedna istina i pročitati ću vam koje su se mjesne zajednice obratile, a mi smo se ispred Kluba sigurno obratili, nije to nikakva tajna. Devet je mjesnih zajednica; Kosova, Moševac, Misurići, Čobe, Kopice, Novi Šeher, Ulišnjak, Radojčići. Mjesne zajednice su smatrale da se trebaju obratiti Federalnom ministarstvu, Ministarstvo je dalo ono što je dalo. Na nama je da vidimo šta ćemo dalje da radimo.

Općinski načelnik, da se ne bi igrali paušalnim stavovima i izjavama. Dakle, niti je Ministarstvo niti je Ministar tumač zakona. Ministar je dao samo svoje mišljenje. Ja sam u uvodu rekao da nećemo biti neozbiljni da ne uvažavamo mišljenje. Morate još jednu stvar znati. Mišljenje je doneseno na osnovu dostavljenih dokumenata gore. Što znači da se Ministarstvo nije uključilo u proces i zatražilo sve akte vezano za osnivanje mjesnih zajednica i za formiranje rukovodstava u mjesnim zajednicama, pa da na osnovu kompletne dokumentacije kaže koje su manjkavosti. Dakle, nije sporan Zakon o lokalnoj samoupravi, nije sporan Statut Općine Maglaj, sporna je ova izjava koju je sad ovdje Jašić ponovo rekao. Dakle, vi možete reći da je u mjesnoj zajednici Zbor građana donio Statut. Da bi bio važeći mora biti verifikovan od strane Općinskog vijeća i mora biti objavljen u Službenim novinama. To Statuti u mjesnim zajednicama nisu, i prema tome, nisu prošli svoju kompletnu proceduru. Stoji vam ovdje pročitao sam, nema uopšte tragova ni kada ni u kojim službenim novinama. Čak u onom Mišljenju Ministra se poteže Odluka Vijeća za Statute mjesnih zajednica 2011. godine. Ja sam bio vijećnik nikada za 12 godina dok sam bio vijećnik nisu na dnevni red OV došli statuti svake mjesne zajednice. Dakle, načinjete negdje jedan uopšteno Statut mjesnih zajednica sa praznim linijama, ali ne Statuti koji su usvojeni na Zboru građana, verifikovani od strane OV i objavljeni u „Službenim novinama. Htio sam da kažem da se ne gađamo paušalnim ocjenama već da ozbiljno razmotrite prijedlog koji je napravio pravnik, koji je radio dugo godina na ovom polju i prijedlog je ovdje komisije koju ću ja ako prođe ovakav prijedlog zaključaka oformiti od strane uposlenika Općine Maglaj koji imaju veze sa funkcionisanjem i radom mjesne zajednice.

Vijećnik Hajrudin Ferić, pažljivo sam slušao Načelnice, ovo što ste vi iščitavali nama i vidio sam da je ovo više nego korektan i dobar prijedlog. Svaka riječ. Bio sam prisutan na ovoj raspravi kada ste pozvali predstavnike i predsjednike mjesnih zajednica ima tu ljudi koji su učestvovali i od završetka te rasprave, istog momenta

zaboravio sam i Mišljenje Ministarstva, Ministra i ovu Odluku koju smo mi donijeli prije nekoliko sedmica. Odluku o načinu, postupcima izbora ... Zašto sam zaboravio, zato što sam shvatio, i sa tog sastanka, da upravo mi treba da krenemo iz početka u smislu uspostavljanja jedne pravne, valjane dokumentacije, regulative koju niko apsolutno niko ne tvrdi da ne postoji, ali je nema u općinskoj administraciji. Vi ste rekli što zbog požara, što zbog poplava, mnogi tamo stručni saradnici i šefovi službi su govorili da mogu dati dio dokumentacije koja ima.

Ima jedna stara odluka o organizovanju mjesnih zajednica iz 1999. Godine u njoj se pominju mjesne zajednice, pominju se Bukovica, Donji Rakovac itd. U Statutu Općine Maglaj uopšte se ne pominje ni Bukovica ni Donji Rakovac, kao mjesne zajednice. Ono što također mi ne znamo nema u Statutu. Ni koja n/m, ni kojim mjesnim zajednicama je pripalo područje Gornjeg Rakovca ili Bukovice. Koje su to kat. čestice itd. To nas i natjera da dođemo do toga da vidimo. Naravno da se slažemo sa onim argumentima da mjesne zajednice postoje, da su pravna lica i da imaju svoje žiro račune. Ali neko je njih na osnovu nečega morao da registruje, ali nažalost, ja koliko imam informacija od bivše šefice službe nemamo tih materijala, nestali su u poplavama itd. Vjerovatno te odluke o kojima govori se ovdje postoje u arhivama, zbirka mjesnih zajednica pretpostavljam. Nama je potrebno da se u Službi koja i po zakonu i Odluci o organizaciji organa uprave nadležna za poslove mjesne zajednice treba stoji. Ja sam razumio taj registar, taj registar ne mora biti onaj pravni registar, taj registar treba da bude registar mjesnih zajednica za svaku MZ od prvog do zadnjeg papira da stoji u jednom dosijeu i da se ima ažurna u svakom momentu. Činjenica je da u mnogim mjesnim zajednicama toga nema. Bili ste Safete prisutni kad predsjednik Vijeća MZ Krsno Polje kaže da je nekad neko donio odluku da moraju biti dvije MZ i zaista pogledajte nema to ni u Statutu Općine, nema ni u Službenim novinama da je došlo do odluke o osnivanju, da je došlo. Mi kad govorimo o mjesnim zajednicama mi moramo da gledamo sve. Tamo koliko sam razumio što je Načelnik rekao ta stručna radna grupa koju će formirati treba da utvrdi činjenično stanje za svaku mjesnu zajednicu. Govorim o pravnoj regulativi. Zaboravite sve ono što smo do sad razgovarali, samo treba da se ovim postupkom. Da u Službi za društvene djelatnosti stoji Odluka o osnivanju mjesne zajednice, da postoji Statut MZ, da postoji verifikacija MZ na Općinskom vijeću i da postoji Odluka sa zbora da je izabrano rukovodstvo. Ja vama hoću da kažem da toga nema, ili nam nisu dali ljudi u Službi ili toga zaista nema govoreći da je bilo u poplavama. Kad sve sagledate tada ćete vi predložiti Općinskom vijeću eventualne korake za pojedine ili za sve MZ ili ni za jednu ništa da se kaže sve je u redu. Mislim da ovi prijedlozi ništa ne prejudiciraju osim da zadužimo Načelnika nek urade Službe koji ste trebali uraditi prije deset godina ili možda i prije.

Vijećnik Safet Jašić, ovdje je jasna jedna stvar Federalno ministarstvo je nadležno kad je u pitanju lokalna samouprava pa i mjesne zajednice i koje tumači i koje je donijelo većinu ovih zakona. Ja nisam rekao niti mogu spriječiti šta će ko dalje raditi. Imam obavezu i pribavio sam i drugi akt što se tiče mjesnih zajednica Novi Šeher, Ulišnjak Misurići, Kopice, Oruče, Ravna, Moševac, Kosova i Radojčići. Deset mjesnih zajednica obratilo se Federalnom ministarstvu. Načelnik je rekao da nema ovaj akt pa ću ja samo ovu posljednju stranu da vas ne zamaram. Posljednja stranica- Mjesne zajednice imaju vlastitu ulogu i samostalnost u rješavanju određenih pitanja, ali istovremeno imaju pravo i obavezu učestvovanja u cjelokupnim aktivnostima mjesne zajednice. To praktično znači da građani mjesne zajednice trebaju da biraju organe mjesne zajednice na način i po postupku propisane Statutom Mjesne zajednice i Statutom Općine.

To je nepobitno, promijenite Statut Općine i idemo dalje po onom što vi hoćete.

Posebno ukazujemo na činjenicu da je Statutom Općine Maglaj koji ste dostavili uz vaš zahtjev a koji nije potpisan i ovjeren propisano da se Statutom mjesne zajednice, uređuje postupak i opoziv organa mjesne zajednice član 97 i 100. Statuta. Iz materijala koji ste nam dostavili može se zaključiti da je Općinsko vijeće donijelo Odluku o izmjenama i dopunama Statuta mjesnih zajednica, dopis Službe za BiZ, opću upravu i društvene djelatnosti od 2011. Godine i pored toga što je članom 96. Statuta općine Maglaj, propisano da Statut mjesne zajednice usvajaju građani na svom Zboru a da konačnu odluku, verifikaciju Statuta daje Općinsko vijeće.

Na osnovu svega iznesenog može se zaključiti da se postupak izbora, organizacija i rad organa mjesnih zajednica utvrđuje Statutom mjesne zajednice, a ne Odlukom Općinskog vijeća koja mora biti u saglasnosti sa Statutom Općine. Sve jasno.

Zbog svega navedenog predlažemo Općinskom vijeću Maglaj da izbore za organe mjesnih zajednica provede na način i postupku propisanim Statutom Općine i Statutom mjesne zajednice.

Možemo pričati svašta o Statutu mjesne zajednice, ali Statut Općine se ovdje pominje. Statut je taj koji diktira dalje djelovanje i to je reklo Ministarstvo. Mi ako nećemo da poštujemo ni to , ne možemo mi biti pametniji od svakoga na svijetu ovo je Federalno ministarstvo pola države zastupa. Ja smatram da je dokumenat validan, smatram da dokumenat treba provesti u djelo.

Općinski načelnik, replika – ja prvo moram ovdje vijećnicima skrenuti još jednom pažnju. Kad je donesena ova Odluka o kojoj pričamo, ja se nisam uključivao u raspravu. Danas sam se uključio u raspravu sa prijedlogom set zaključaka koji nemaju veze sa onom odlukom, nemaju veze sa bilo kakvim stavovima koji su bili na sjednicama Općinskog vijeća, na javnoj raspravi itd. Imaju veze samo sa ovim dopisom Ministra. Ovo je dopis korektan, piše u njemu sve tačno ono što je mogao Ministar procijeniti to je i napisao. Dakle, danas sam vam predložio set zaključaka urađenih od strane pravnika da izregulišemo i u zakonske okvire dovedemo i funkcionisanje mjesnih zajednica. Napomenuo sam ovaj akt jutros niko nije imao ni jedna politička partija, nisam ga imao ni ja, jer sam

tek jutros dobio od pravника, iščitao pogledao i pročitao sam ga i pročitat ću ga opet. Još jednom hoću da se vratim na ovaj akt, konkretan akt od strane Ministra, ali nemojte čitati pojedinačne dijelove akta, pročitajte sve. Evo Jašić je nama pokušao pročitati sve, pa preskočio najvažnije.

Ja ću vam pročitati kaže: „Iz materijala koji ste nam dostavili može se zaključiti da je općinsko vijeće općine Maglaj, donijelo Odluku o izmjenama i dopunama Statuta mjesnih zajednica, dopis Službe za BiZ, opću upravu i društvene djelatnosti broj: 03-49-4193/11 od 11.11.2011. godine, i pored toga što je članom 96. Statuta Općine Maglaj, propisano da Statut mjesne zajednice usvajaju građani na svom zboru, a da konačnu verifikaciju Statuta mjesne zajednice daje Općinsko vijeće. Na osnovu svega iznesenog može se zaključiti da se postupak izbora organizacija i rad organa mjesnih zajednica utvrđuje Statutom mjesne zajednice, a ne odlukom Općinskog vijeća koja mora biti u suglasnosti sa Statutom Općine“.

Dakle, sve je jasno ova Odluka koja je donesena ima manjkavost kad je u pitanju veza sa Statutom mjesne zajednice, ima manjkavost tamo što je rečeno od strane Vijeća, tajnim glasanjem na taj i taj način a u ovom Statutu stoji da može biti i tajni i javni.

U mom prijedlogu je da se ta Odluka stavi a/a, dok Vijeće nešto drugačije ne odluči. Dakle, zaboravite Odluku. Ključna stvar još jednom ću vam ponoviti kaže o izmjenama i dopunama Statuta mjesnih zajednica, tad sam bio vijećnik, to je jedan Statut sa praznim crtama, to nije Statut mjesnih zajednica koji je donesen na zboru i koji je verifikovalo vijeće. Tačnije ako imamo 20 mjesnih zajednica, Općinsko vijeće treba da verifikuje 20 Statuta mjesnih zajednica. Tih 20 verifikacija treba da budu objavljene u „Službenim novima Općine Maglaj“. Zbog toga da se izbjegne sva politizacija mjesnih zajednica, da se izbjegne bilo kakva priča o bilo kakvim lošim namjerama, nego da se to sve uvede u zakonske okvire, predložen vam je set zaključaka. Još jednom ću pročitati

1. Zadužuje se Općinski načelnik da imenuje stručnu radnu grupu iz reda zaposlenih u Jedinstvenom općinskom organu uprave koja će imati slijedeća zaduženja, dakle iz reda zaposlenih.

- Pod a) Utvrditi broj registrovanih mjesnih zajednica na području općine Maglaj putem Zavoda za statistiku i Ministarstva pravde.
- b) Pribaviti kopije važećih odluka o osnivanju mjesnih zajednica sa potpisom predsjednika zbora građana, datumom donošenja Statuta mjesnih zajednica, podatke o članovima Vijeća mjesnih zajednica i njihov mandatni period i drugu dokumentaciju vezanu za rad organa mjesnih zajednica, te nakon toga izvršiti popis pribavljenih dokumenata.
- c) Nakon prikupljene dokumentacije imenovana radna grupa će izvršiti usporedbu pribavljenih normativnih akata sa odredbama Zakona o principima lokalne samouprave u FBiH i Statutom Općine Maglaj i na osnovu utvrđenog činjeničnog stanja predložiti Općinskom načelniku dalje postupke i procedure za usklađivanje akata mjesnih zajednica sa aktima Općine Maglaj, odnosno Statutom Općine Maglaj i aktima općinskog vijeća Maglaj.
- d) Rok za naprijed pobrojano je 60-90 dana.

1. Na osnovu akta Federalnog Ministarstva pravde Sarajevo broj: 09-49-1209/18 od 04.04.2018. godine Odluka o postupku, rokovima i uslovima/uvjetima provođenja izbora kao i utvrđivanje rezultata izbora za članove Vijeća mjesnih zajednica na području općine Maglaj br. 02-05-1-508/18 od 27.02.2018. godine objavljen u „Službenim novinama Općine Maglaj“ broj: 2/28, neće se primjenjivat sve dok Općinsko vijeće ne odluči drugačije.

Neće se primjenjivati sve dok Općinsko vijeće ne odluči drugačije, dakle i ona Odluka van snage.

2. Sadašnji članovi Vijeća mjesnih zajednica ostaju na svojim funkcijama sve dok Općinsko vijeće ne donese drugačiju odluku, a odluku o istom Općinsko vijeće je dužno donijeti najkasnije do novembra 2018. godine.

U tom periodu će se provjeriti sve što imamo, šta je registrovano ako treba neku mjesnu zajednicu i prijaviti gore u statistiku možda nije sve ni prijavljeno itd. Postoje manjkavosti, završit će uposlenici, pravnici, ljudi koji to znaju, a onda raspravljajte dalje o svemu. Ovo je samo jedan vid da se uđe u zakonito bez ikakve politike i bez i jedne političke partije.

Vijećnik Josip Jurišić, stvar je vrlo jasna, ovo sad sve što je Načelnik nabrojao i što je tamo napisao, sad ovaj način kako ćemo ići ponovo u rad mjesnih zajednica, ako se sjećate da sam ja to govorio one sjednice kad smo donijeli onu odluku. Da smo mi kao radna grupa imali tad zadatak da to sve pripremimo iako nismo bili stručni za to. Međutim, samo smo došli do one odluke i sad je stiglo ovo što je stiglo. Znači ovi su rekli Odluka nije u redu, ovo je sad sve dobro da se ide popraviti ono što nije u redu. Sva je suština u tome ne vidim ja nikakav problem. Nego je ovo jedna mini satisfakcija desetak ovih mjesnih zajednica i nama svima koji smo govorili u onoj raspravi od 4-5 sati, ja prvi sam postavio pitanje je li ta odluka u skladu sa principima o lokalnoj samoupravi. Ništa drugo, da smo dobili da je ok, ok idemo i to je to. Uopće ne vidim razloga za toliko peripetija. Nije bila i idemo sad iz početka. Načelnik je dobar prijedlog dao da je jedna kvalitetna radna skupina oformi, stručna koja će napraviti sve ovo iz početka. Mi smo i tada govorili na prvoj sjednici hajmo pokušati to nešto i da smo na prvoj sjednici ustanovili da je zbrka velika. I ništa mi nismo napravili samo smo tamo preko koljena slomili i kako je već ispalo. Ovo je vrlo jednostavno, Ministarstvo nije tumač, ali je nadležno.

Vijećnik Hajrudin Fermić, replika – dobro je sjetio sam se da su tu Vehabović i Josip na prvoj sjednici mješovite radne grupe na moj zahtjev prihvatila je Mješovita radna grupa zadatak tadašnjoj šefici Azri Čakrami da nam za narednu sjednicu pripremi i to imate u zapisnicima sa tih sjednica, da nam pripremi apsolutno svu važeću dokumentaciju koja reguliše pitanje mjesnih zajednica. Dakle, mi smo imali tu namjeru da krenemo od svih ovih dokumenata. Ono što smo dobili na sjednici te radne grupe su Izvod iz Ustava Kantona, Izvod iz Statuta općine, Statut mjesne zajednice i dobili smo spisak. To su dokumenti koje smo mi imali. Ništa između. Ništa pored. Na moje pitanje na drugoj sjednici je li to sve, kategorički je rečeno to je sve što ima Služba. Naravno, tad je bilo ono nama je dosta uništeno u poplavama itd. Na osnovu tih dokumenata krenulo se u ovu odluku. Dalje ne želim da otvaram polemike, ali želim samo da pojasnim nešto. Zakonodavac je Parlamentarna Skupština FBiH. On donosi zakon i on je tumač zakona. Nije tumač zakona ni Vlada ni Ministarstvo. Ne kaže se bez veze da ste tražili mišljenje. Ovo mišljenje koje je neobavezujuće, koje je naravno moralnim i odgovornim osobama može da nešto znači i znači i to je spomenuto ovdje može da nam bude putokaz. Radi se o slijedećem, mi pokušavajući da potpuno izbacimo politiku i da smirene hladne glave krenemo u ono što nemam ovdje jest taj problem te tzv. Revizije da pokrenemo postupak da znamo u onim službama sve kad su u pitanju mjesne zajednice i da poslije toga konačno zajedno uradimo i vidimo gdje šta treba uraditi, to je to.

Govorim da mješovita radna grupa nije imala dokumente i pokazalo se da i danas ih nema. Načelnik nam predlaže da mu pustimo rok od 3 mjeseca da dođe do svih dokumenata.

Vijećnica Šefka Hasanić, stvarno sam razočarana, na sjednicama Vijeća kad se razmatra o odlukama i nacrtima prijedloga, Klub vijećnika je upozoravao da to nije u skladu sa zakonom. Zar nismo mogli vjerovati Klubu vijećnika SDA? Naš stav je potvrdilo Ministarstvo i mi i dalje ulazimo u nekakve dubioze, da ne kažem nebuloze, pravljenje novih stvari, hajmo promijeniti Statut Općine i riješiti ćemo problem.

Vijećnik Hajrudin Fermić, replika – ovdje se opet navodi jedan netačan navod. Dajte pročitajte bilo gdje da je Ministar rekao da je nešto nezakonito. Pročitajte bilo gdje da je on rekao da je nešto nezakonito. Ministar je čak rekao Vijeće ili Načelnik imali su pravo ako smatraju da je to nezakonito da pokrenu upravni spor, odnosno dokazivanje nezakonitosti pred nadležnim sudovima pa do Vrhovnog itd. Odluka je odluka koja je važeća i koja se provodi sve dok neko drugačije ne kaže da je ona nezakonita odluka, odnosno protivna Ustavu. Mi nismo to htjeli, me ne želimo takav način. Želimo da se napravi nešto što je odvojeno od politike, da se napravi red u tome.

Vijećnica Svjetlana Zamboni, na sastanku koji je održan između Načelnika i predstavnika mjesnih zajednica neki od prisutnih vijećnika sudili su toj diskusiji. Sve ovo što je Općinski načelnik pročitao u vidu prijedloga zaključaka, to je sve ono o čemu se govorilo na tom sastanku. Ja sam dva i po sata sjedila i strpljivo slušala diskusiju jer se ne smatram nikakvim stručnjakom za mjesne zajednice. Sve ono o čemu se tamo govorilo, sve ono našta su ukazivali predstavnici mjesnih zajednica je sadržano u prijedlozima koje je iznio Općinski načelnik. Ne znam u čemu je problem. Ako hoćemo da se usaglasimo da već jednom u Općini Maglaj u arhivama postoje svi akti koji se mogu ticati mnogih odluka koje će biti donošene na Općinskom vijeću Maglaj. Ne vidim što se tome opiremo uopšte a između ostalog trebamo danas i reći da nećemo primjenjivati odluku koju smo donijeli prije dva mjeseca, znači dok Općinsko vijeće ne kaže drugačije. Nemojte da više vodimo diskusiju kad se manje-više predstavnici mjesnih zajednica slažu. Jedino što je ostalo u momentu kad su napustili ovu salu bilo je kako će se formulirati njihov mandat u narednom periodu do donošenja neke nove odluke. Općinski načelnik fino kaže u prijedlogu stoji da će oni obnašati svoje funkcije dok se kompletna procedura ne okonča, tamo nekad do novembra mjeseca kad ćemo mi opet raspravljati o ovim stvarima. Ne vidim zašto polemiziramo kad su predstavnici mjesnih zajednica bili za takve stavove.

Predsjedavajući OV, zaključujem raspravu o ovoj tački dnevnog reda. Prije glasanja Klub SDA je tražio pauzu. Klub SDA pauza

Vijećnik Safet Jašić, što se tiče svih onih koji su se obratili Federalnom ministarstvu, mi ćemo poštovati Statut Općine, Statut mjesnih zajednica i samo ću pročitati uputu Federalnog Ministarstva. Oni koji su se obratili Federalnom Ministarstvu stajaće iza toga.

Predsjedavajuća OV, zaključujem raspravu i stavljam na glasanje prijedloge zaključaka koje je iznio Općinski načelnik,

Z A K L J U Č A K

1. Zadužuje se Općinski načelnik da imenuje stručnu radnu grupu iz reda zaposlenih u Jedinostvenom općinskom organu uprave koja će imati slijedeća zaduženja:
 - a) Utvrditi broj registrovanih mjesnih zajednica na području općine Maglaj putem Zavoda za statistiku i Ministarstva pravde.
 - b) Pribaviti kopije važećih odluka o osnivanju mjesnih zajednica sa potpisom predsjednika zbora građana, datumom donošenja Statuta mjesnih zajednica, podatke o članovima Vijeća mjesnih zajednica i njihov mandatni period i drugu dokumentaciju vezanu za rad organa mjesnih zajednica, te nakon toga izvršiti popis prijavljenih dokumenata.

- c) Nakon prikupljene dokumentacije imenovana radna grupa će izvršiti usporedbu pribavljenih normativnih akata sa odredbama Zakona o principima lokalne samouprave u FBiH i Statutom Općine Maglaj i na osnovu utvrđenog činjeničnog stanja predložiti Općinskom načelniku dalje postupke i procedure za usklađivanje akata mjesnih zajednica sa aktima Općine Maglaj, odnosno Statutom Općine Maglaj i aktima Općinskog vijeća Maglaj.
- d) Rok za naprijed pobrojano je 60-90 dana.
2. Na osnovu akta Federalnog Ministarstva pravde Sarajevo broj: 09-49-1209/18 od 04.04.2018. godine Odluka o postupku, rokovima i uslovima/uvjetima provođenja izbora kao i utvrđivanje rezultata izbora za članove Vijeća mjesnih zajednica na području općine Maglaj br. 02-05-1-508/18 od 27.02.2018. godine objavljen u „Službenim novinama Općine Maglaj“ broj: 2/28, neće se primjenjivat sve dok Općinsko vijeće ne odluči drugačije.
3. Sadašnji članovi Vijeća mjesnih zajednica ostaju na svojim funkcijama sve dok Općinsko vijeće ne donese drugačiju odluku, a odluku o istom Općinsko vijeće je dužno donijeti najkasnije do novembra 2018. godine.
4. Ukoliko ne želite da aktuelna rukovodstva ne privredu ovaj proces kraju da se imenuju povjereništva mjesnih zajednica.

Glasalo 12 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Elvir Vehabović (SBiH), Hajrudin Fermić (DF), Mustafa Bešić, Fikret Delić, Kanita Bašić samostalni vijećnici.

Glasalo 9 glasova protiv : Adis Abdurahmanović, Avdić Selma, Mirsad Bejzić, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić samostalni vijećnik.

Glasalo 1 uzdržan: Josip Jurišić (HDZ).

Brifing Općinskog načelnika

- Jučer je u Maglaju potpisan Memorandum o sporazumijevanju između Općine Maglaj i Microsoft, dakle između Općinskog načelnika i direktora Microsofta za BiH u pitanju je digitalna transformacija općinske administracije. Dakle, proces o Memorandumu o razumijevanju gdje smo se sporazumjeli u kojem pravcu dalje da idemo, da ćemo zajednički rješavati ovaj proces, da ćemo zajednički tražiti i sredstva koja su neophodna za ovaj proces. Ono što mogu sa zadovoljstvom reći da je Općina Maglaj prva Općina u BiH da su do sada to uradile entitetske Vlade, Vijeće ministara i Grad Banja Luka. O kompletnom procesu imat ćete priliku kako se bude odvijalo, imat ćete priliku poslije da dobijete detaljnije informacije.
- Firma ADVpaks nastavlja sa širenjem svojih proizvodnih pogona i novim upošljavanjem. Bilo mi je zadovoljstvo jučer čuti da su nakon prvih problema u proizvodnji da su zadovoljni sa kvalitetom proizvoda koje su ovdje ostvarili i čak sam dobio informaciju da je jedna od talijanskih kompanija zahtijeva isključivo da se proizvodi u BiH, odnosno u Maglaju, proizvodi za njih a do sad je to rađeno u Kini.
- Vijećnik Muhamed Hrnjić trenutno nije tu, ali jedna lijepa vijest kad je u pitanju HM, kad su u pitanju potpisan je novih ugovora i vijest koju sam dobio direktno od gospodina Šmita koji je partner firme HM promet, ali nećemo je u ovom trenutku iznijeti. Vrlo lijepa vijest, ali dok ne bude zvanično potvrđena, neću s tim da baratam.
- Imali ste priliku da vidite u medijima, da je Općina Maglaj uzela učešće i na Gračaničkom sajmu izlaganjem određenog broja proizvoda naših maglajskih kompanija.
- Započeli smo proces certificiranja o kojem sam govorio, kad sam govorio o pripremama za BFC certificiranje, ušli smo u taj proces, započeli smo, bili smo na prvoj sesiji gdje Općina Maglaj krenula u certificiranje i 9 općina u recertificiranje.
- Jedna lijepa informacija je da ćemo vjerovatno dobiti trgovački centar „Bingo“ u Maglaju. Dogovorena je kupovina zemljišta između Kompanije „Bingo“ i vlasnika zemljišta na potezu u Misurićima. Trenutno su na relaciji preuzimanje određenih podataka kada su u pitanju površine i zemljište i projektovanje objekta.
- Prije nekoliko dana smo imali i sastanak sa UNDP-i gdje je pozitivno ocijenjena rekonstrukcija modernizacija ulične rasvjete. Zadovoljni su tako da su voljni sa sredinom maja napravimo jednu ceremoniju gdje bi se po svemu sudeći mogao pojaviti i ambasador Švedske i naravno ponudili su nam da idemo u drugi korak s obzirom da smo prvi položili zadovoljavajućom ocjenom.
- Za trgovački centar „Bingo“, broj novoupisanih bi trebao da se kreće oko 100-tinjak, možda i preko toga broja.
- Imali ste priliku da čujete i informaciju vezano za IT challenge koji podržava Općina Maglaj. Vrlo kvalitetno realizovan i zahvaljujem se direktorici Opće Gimnazije i profesoru Saši Staniću na svim aktivnostima koje su proveli. I vrlo lijepo je bilo ta dva dana u Maglaju, naravno i svim uposlenicima, i svima onima koji su učestvovali kao i sponzorima.

- Zadovoljan sam i relacijom između sportskih klubova, najviše između fudbalskog dijela s obzirom da je tu bilo i najkritičnije i prije nekoliko dana na Gradskom stadionu je započela i Škola fudbala „Sportino“ da trenira djecu.
- Također projekat UNDP rekonstrukcija i izgradnja objekata stradalih u poplavama 2014. godine, konačna lista je dostavljena, prošao je rok žalbe i očekujemo u narednom periodu da se krene sa izborom izvođača i ostalim proceduralnim aktivnostima kako bi započela i sama izgradnja i rekonstrukcija.
- Još se nadovezujem da je vijećnik Nedžad Lokmić pomenuo vodu na Bijeloj Ploči . Mi smo juče imali jedan bučan sastanak u MZ Bijela Ploča, tamo nastoje da riješe problem, što je pohvalno , problem sa vodom, odnosno prijenos nadležnosti nad tim vodovodom na KJD što je nekada Vijeće donijelo odluku da se pusti voda na Bijelu Ploču i da se krene u proces. Ima određenih problema, ali to moramo riješiti što prije, a želim napomenuti da MZ Bijela Ploča želi da riješi taj problem, a istovremeno sam dobio informaciju da u MZ Ulišnjak se također koristi gradska voda, a da se izgleda jedan dio uopšte ne evidentira potrošnja i da je to sve problem zbog Komisije za tehnički pregled, a uskoro i to moramo riješiti pogotovo pred ovaj ljetni period.

VIJEĆNIČKA PITANJA I INICIJATIVE

Vijećnica Irena Herceg, moja inicijativa se odnosi na zatvaranje ulice od dijela gdje se nalazi Pošta pa do kafića „Time“ . Ta ulica je nekad prije poplave i bila zatvorena, kako ide i lijepo vrijeme sve više šetača ima tamo, a nekako je postala praksa u zadnjih mjesec dana da se u noćnim satima koristi i za saobraćaj. Da ne bi bilo kakvih nesretnih slučajeva možda ne bi bilo loše da se zatvori.

Vijećnica Šefka Hasanić, moje vijećničko pitanje se odnosi na izgradnju i rekonstrukciju trećeg dijela ulice Srebreničkih žrtava rata. U kojoj fazi je došao taj projekat treće faze izgradnje? Ako možemo ikako da se ubrza izgradnja zida na dijelu od gradskog groblja prema benzinskoj pumpi „Energopetrol“, jer ondje je zaista uzak pješačka staza a nizak zaštitni zid.

Vijećnica Svjetlana Zamboni, vijećničku inicijativu pokrenula bih da se preduzmu koraci kako bi se one garaže koje se nalaze kod objekta S kod kafe bar „Džentlmen“ tamo se nalaze garaže koje su u ruševnom stanju. Ne znam čije su vlasništvo nisu privatno i niko ih ne koristi, ali predstavljaju veliku opasnost za djecu koja iz osnovne škole se igraju na tom području i bojim se ono svakog časa može da padne. Ne znam u čijem su vlasništvu da Služba preduzme korake da se da nalog da li za rušenje, uklanjanje tih objekata jer ono je neupotrebljivo.

Vijećnik Adis Abdurahmanović, ispred Kluba vijećnika SDA, tražimo imenom i prezimenom spisak svih korisnika jednokratnih pomoći iz Općine Maglaj u 2017. godini, a uz to tražimo i imena i prezimena sastava komisije za dodjelu jednokratnih novčanih pomoći iz Općine Maglaj.

Vijećnica Jašić Edina, Klub vijećnika SDA postavlja pitanje. Koliko je u 2017. godini koštalo tekuće održavanje ulične rasvjete u gradu i u mjesnim zajednicama i sa kim je sklopljen ugovor o održavanju ulične rasvjete?

17 sjednica završena u 17,32 sati.

Zapisničar,
Nisveta Bašić

Sastavni dio zapisnika čini tonski zapis, a CD cjelokupne sjednice dobit će sve političke stranke koje participiraju u Općinskom vijeću Maglaj.



PREDSJEDAVAJUĆA

Svjetlana Zamboni